



BIBL. NAZ.

Vitt. Emanuele III

165

L

4

NAPOLI



111

5

8

2

DE
CANONICORUM CATHEDRALIUM
JURIBUS, AC MUNERIBUS

EX VETERI AEQUE, AC NOVA
ECCLESIAE DISCIPLINA

AUCTORE

VINCENTIO PESCE

CATHEDRALIS ECCLESIAE AVERSANAE
CANONICO THEOLOGO.



NEAPOLI 1798.


EX REGIO TYPOGRAPHIO VINCENTII URSINI,

Publica auctoritate.



*Magnum quiddam, magnum, inquam, est
Ecclesiae Praelatio, & quae multa indi-
get sapientia, & fortitudine.*

S. Johan. Chrysoft. homil. 59. in Johan.



EXMO, AC RMO DNO

D. FRANCISCO DE TUFO

AVERSANORUM ANTISTITI
MERITISSIMO.



Nvenustum, illiberalem, ine-
legantem primum hunc in-
genii mei foetum, Amplif-
sime Praeful, postquam pervicerunt ami-
ci, ut vel invitus publici juris facerem,
a 2 cui

cui potissimum cederet, cujusve se in clientelam daret, diu mihi deliberandum non fuit. Tot enim sunt & amoris significationes a Te profectae, & benevolentiae argumenta, & beneficia in me humanissime collata, ut hominum ingrattissimus audirem, si tot nominibus Tibi obstrictus, ac veluti res Mancipi Tibi devotus, hanc mihi occasionem mei erga Te obsequii, venerationis, gratique animi publice probandi imprudens paterer elabi. Accessit alia, & quidem gravissima ratio, quae me perlubentem, ac satis incitatum in id consilii magis perpulit, singularis nempe illa Tua divinarum rerum peritia, quibus quodammodo innatus es, Legumque Ecclesiasticarum notitia excellens adeo, ac peculiaris, ut aliquid ego in hoc argumentum commentaturus Judicem rebus hisce dijudicandis opportuniorem Te neminem pos-
sim

sim appellare. Sed illud, etiam me ta-
cente, in oculos omnium incurreret, ni-
mirum cum id mihi propositum fuerit,
ex venerabili antiquitate omnia expisca-
ri documenta, quo Presbyterium conjun-
ctis animis, studiisque una cum Episco-
po suo citra ullam invidentiam, pravam-
que aemulationem, sola caritate duce,
Christi Ecclesiam administrasse docerem;
hic me FRANCISCUM DE TUFO Aversano-
rum Antistitem optimum, vetustorum il-
lorum Praesulum instar & exemplar ru-
dibus licet lineamentis expressisse. Cui
enim sive Tuorum, sive exterorum la-
tere queat, Te praeclarissimum Pastorem,
aureae illius aetatis aemulatorem dili-
gentissimum nihil, nisi cum Capitulo
Tuo, quod sane paterne, ac impense di-
ligis, quod perpetuis honoribus augere
non intermittis, communicatis consiliis
perficere, aggredi, moliri, atque, ut ita
di-


dicam, ne cogitare quidem? Quae cum
 ejusmodi sit instituti Tui rectissima, ac
 sapientissima ratio, illud etiam maximo-
 pere curas, in eoque omnem industriae
 Tuae sagacitatem collocas, ut peritissi-
 mos viros, omni doctrinae, morumque
 laude florentes Collegio adscribas, qui-
 buscum Ecclesiae Tibi creditae procu-
 rationem summa cum animi tranquillita-
 te, nec sine maxima gloria, partiri pos-
 sis. Quo fit etiam, ut Canonici Tui,
 Te duce, atque a Te informati, tantum
 sibi decoris ubique comparaverint, quan-
 tum, non ego, cujus res agitur, sed fini-
 timae Metropoles honorificentissime con-
 testantur. Sed enimvero poenitet me tan-
 tillum hic laudum Tuarum adspersisse;
 nam modestiae Tuae minime me incom-
 modaturum praesens in os recepi. Acci-
 pe ergo hoc quaecumque obsequii, at-
 que observantiae meae testimonium, ac
 pi-


❖ [VII] ❖

pignus; meque, ut facis, benevolentia ,
ac patrocínio Tuo fovere pergito.

Excel. Tuæ Rmæ

Additissimus, & obsequentissimus
Vincentius Canonicus Pesce.





M U N E R A

AC JURA PRESBYTERII

PER OMNES ECCLESIAE AETATES
DEDUCTA.




A vulgo imperitis rerum aestimatoribus inedit opinio, Canonorum munia satis quidem amplitudine sua conspicua, angustissimis Odei, quo Divinas celebratūri laudes conveniunt, definiri. Absurdam plane opinionem, & satis incommodam! Ea quippe semel imbuti vix ullius momenti homines in Ecclesiasticos, quibus Canonici augentur, proventus, oculos unice intendentes, & in altiore, quo supra ceteros Ministros provehuntur, gradum; commodioris, & honoratioris vitae amore inflammati, Canonicatus aperto ore inhiant, infelicissimos se se mortalium rati, donec concepti voti compotes fiant. Hinc importunae petitiones illae, ambitiosae concursationes, concertationes, contentiones, jurgia, lites, quibus hisce praesertim temporibus Episcoporum, & Principis ipsius augustis auribus obstrepunt, ac negotiorum mole pene oppressos, cum respirare opus esset, ad fastidium usque inturbant, angunt, discruciant. Duo hinc in Christianam rem non levia proficiuntur mala. Primum illud, quod quae Canonorum partes sint, penitus ignorantes, nil pene operae collocant in ea non vulgaris doctrinae suppellectili comparanda, qua iis explendis omnino indigerent. Alterum, nec minus grave, quod si quis forte ea sapientia, quae Ecclesiae desiderio respondeat, praeditus

A

tus

tus in Collegium adsciscatur, nihil aliud ab se expecti demum praeter Divini Officii recitationem putans, ignavam, ac prorsus desidiosam vitae rationem instituat. Atqui non id antiquitas, non id Patres, non id sacrationum Conciliorum Canones satis umquam habuere: Ecclesiasticum Ordinem; eum praecipue, qui Episcopis Senatus loco est, non otii locum, esse, aut mollioris quietis, sed operis, sed laboris, ac totius sollicitudinis; in aliorum commodum, in populi utilitatem, ac salutem, non sibi vivere oportere, qui Ecclesiasticae militiae semel nomen dederint, & sacrorum librorum auctoritas, veneranda Traditio, ac Sacerdotii natura ipsa disertissimam clamant voce. Optime Guillelmus Parisiensis de *Collat. Benef. cap. 4. Canonicus nomen est Officii, operis, & militiae Clericalis*. Quibus auctoritatibus, qua par est, reverentia obsequentes; immo iis Ducibus, ac Magistris id laboris suscepimus, ac libentissime, ut memoratam turpissimam persuasionem ab Ecclesiasticorum virorum animis si sorte fieri potest stirpitus evellamus, in id unice intenti, ut per singulas Ecclesiae aetates, quae jura, quae munia Presbyterii fuerint, qua majori in nobis fuit accuratione edoceamus. Et tripartita quidem erit haec integra disputatio eo procedens ordine, ut in prima veteris Presbyterii jura, ac munia prosequamur; in altera veteris Presbyterii jura eadem, ac munia in Canonicorum Collegia transfusa explanemus; in tertia denique Capituli nostri Aversani Constitutionem primigenam, ac statum hodiernum aperiamus. Lectores interim monemus, ac sincere protestamur non eo nos consilio ad scriptionem animum appulisse, uti aliquid de Episcoporum dignitate, aut juribus, qualia nunc vigent, detractum ulla ex parte velimus; sed ut innotescat unice, qua sapientia, qua peritia, qua rerum usu Canonicos pollere oportet, quos productis ex Sanctuario testimoniis Episcoporum Administratos, eorum-



eorumque Consiliarios *Natos*, ut loqui amant, prolixè docebimus.


MUNERA, AC JURA VETERIS PRESBYTERII.

Presbyterii, quemadmodum & Episcopatus, divina origo est, divina missio. Episcopi quippe, ac Presbyteri, licet non eodem modo, ab ipso tamen Auctore suo Christo-Jesu, qui Sacerdos est in aeternum, & Episcopus animarum nostrarum, diserte audierunt: *Ecce ego mitto vos*; quibus verbis ea illos auctoritate instruxit, quam a Patre acceperat, nimirum: *sicut misit me Pater, & ego mitto vos*. Episcopatus ergo, ac Presbyterii munia etsi non eadem, atque aequalia prorsus; ita tamen paria, ac similia sunt, qua parte praesertim Animarum cura, ac ovium pascio continetur, ut iisdem plane nominibus ab ipsis Ecclesiae incunabulis utriusque Ordinis Sacerdotes in Novi Testamenti paginis honestentur.

Atque ut hinc ordiamur, illud non minimum est, immo maximae dignitatis argumentum, quod Apostolica scripta penitus rimanti utriusque Ordinis Sacerdotes cognomines olim fuisse appareat, ut vicissim Presbyteri nomen Episcopis, & Episcopi Presbyteris passim adscribatur. Et de Episcopis quidem Presbyterorum appellatione nuncupatis ecce tibi perquam luculenta testimonia. Illud in primis *I. ad Timot. IV. 14. Noli negligere gratiam, quae est in te cum impositione manuum Presbyterii*. Agitur hic certe de consecratione Episcopi, in qua nihil efficit Presbyteralis Ordo, ut procul dubio hinc colligere liceat Presbyterium, de quo hic sermo est, Episcoporum Senatum designare, qui ad Timothei inaugurationem convenerint; sicuti hodieum in Ecclesia obtinet, ut tres saltem Episcopi in ordinatione Episcoporum auxiliares manus afferant. Adposi-

te Chrysostomus : ου γαρ περι πρεσβυτερων ενθαυθα
 'ρησι' αλλα περι επισκοπων ου γαρ δε πρεσβυτεροι των
 επισκοπων εχειροτονουν . Sed piget me in re tritissi-
 ma hic diutius immorari . Vulgare enim est illud
 Principis Apostolorum , qui se Compresbyterum no-
 minat *epist. I. cap. 5.* πρεσβυτερος τους εν υμιν παρα-
 κλη . ο συμπρεσβυτερος . Et illud *Joh. 2. cap. 1.* ο
 πρεσβυτερος Εκλεκτη κυρια : & iterum *Epist. 3. cap.*
1. ο πρεσβυτερος Γαλ . Denique illud Apostoli ad
 Titum : *Ideo reliqui te Cretas , ut constituas per*
Civitates Presbyteros , qua appellatione certe Epi-
 scopos designat ; subdit enim Episcopi munia per-
 censens eodem *cap. 1.* oportet enim Episcopum sine
 crimine esse .

De Episcopi porro nuncupatione Presbyteris iti-
 dem communi quaestio aliquanto impeditior est pro-
 pter nonnullos in diversa abeuntes . Si vero rem
 attentius dispiciamus , nullum nobis ambigendi locum
 relictum iri confido . Et certe oculos in epistolam
 ad Philipp. conjicienti ipsa inscriptio fidem profecto
 faciet , non licere impune aliter sentire . Ea autem
 sic se habet : *Paullus , & Timotheus . . . omnibus*
Sanctis , qui sunt Philippis cum Episcopis , & Dia-
conibus . Quinam sunt quaeso hi Episcopi , ad quos
 simul cum Diaconibus , praetermissis secundi ordinis
 Sacerdotibus , epistola data est ? Numquidnam Philip-
 pensium Ecclesiae plures Episcopi contra Aposto-
 licos , ac Nicaenos Canones praeerant ? Omnino cum
 Chrysostomo , ac plerisque aliis tum Graecis , tum
 Latinis reputandum est , Episcopi nomen Apostolorum
 tempore fuisse etiam & Presbyteris commune . Nam
 illos non moror , qui finitimarum regionum Episco-
 pos hic indigitari autumant ; quod nimis frigidum
 est ; cum diserte inscribatur Epistola *omnibus San-*
ctis , qui sunt Philippis , cum Episcopis , & Dia-
conibus ; quemadmodum enim nemo dixerit , Fideles ,
 & Diaconos hic saluari vicinarum Civitatum ;
 sic



sic perperam intelligerentur & urbium finitimarum Episcopi. Nec ratio illa, quod epistola haec vicinarum Civitatum Episcopis communicari debuerit, adversae sententiae satis valide patrocinatur. Nam primò nil commune habet inscriptio cum litterarum Apostolicarum communicatione; alioquin cum Apostolicae litterae in plurimis, immo in omnibus Christiani Orbis Ecclesiis religiose perlegerentur, omnibus Ecclesiis inscriptae dicendae forent. Deinde non semper eo consilio scribebant Apostoli, ut eorum litterae ad peculiarem aliquam datae Ecclesiam, in altera legerentur: licet venerationis causa statim ubique vulgarentur. Apostolus certe id semel tantum fieri iussit, epistolam a se ad Colossenses scriptam in conventu Laodicensis Ecclesiae recitari.

Sed ad alterum Actuum Apostolicorum textum propero, qui mihi prae ceteris in deliciis est; tum quod Episcopalis nomenclaturae Presbyteris communicatae diserta ibi mentio habeatur; tum vel maxime, quod longe pulcherrima Presbyterii praerogativa ibidem consignetur. Ergo narrat Lucas Paullum Mileto Ephesum misisse, qui majores natu (Graece ubique Presbyteros) ad sese convenire juberent. Hi porro Presbyteri nonnisi secundi Ordinis Sacerdotes accipiendi sunt; nam quo minus Episcopi proprie dicti intelligantur, laudati Canones obstant, ne plures in una Ecclesia Episcopi ordinentur. Cum vero nonnulli crambem hic etiam recoquant conterminarum urbium nescio quos Episcopos obrudentes, cogimur ejusdem textus luculentissimis verbis eos coarguere, ubi sic legitur: *Mittens Ephesum vocavit majores natu Ecclesiae. Ecclesiarum* dixisset, si vicinos Urbium Episcopos congregatos intelligi vellet. *Ecclesiae*, porro, cujus nam, nisi unius Ecclesiae Ephesinae? Accedit & alia ratio gravissima; in con-
cione quippe Paulus praedicit fore, ut ex illis ipsis, quos alloquebatur, exsurgerent viri perversa loquen-

tes, discipulos post se se abducturi. Neminem vero Episcoporum sive Ephesi, sive septem Ecclesiarum, de quibus sermo in Apocalypsi, quae sedes forte Ephesinae suberant; neminem, inquam, ex monumentis veteris historiae Sectarium fuisse constat, qui luporum instar gregi non parcerent, ac misere dilaniarent. A Patribus nobiscum sentientibus Chrysostomo, Theodoro, Isidoro Hispalensi in re notissima abstineo. Sed omitte sine piaculo nequit antiquissimus, idemque gravissimus Irenaeus: *In Mileto*, ait, *cap. 14. n. 2. lib. 3. convocatis Episcopis, & Presbyteris, qui erant ab Epheso, & reliquis proximis Civitatibus . . . adjecit . . . attendite . . . utrumque enim nomen habebant illo tempore.*

His ita constitutis ad hosce Presbyteros sermonem habens Paullus Episcopus dilucide appellat illis verbis: *Attendite vobis, & universo Gregi, in quo vos Spiritus S. posuit Episcopos regere Ecclesiam Dei.* At verebitur fortasse quispiam paullo infirmior, ne periculum Episcopali Dignitati creetur, si Presbyteri etiam a Spiritu S. in Pastoralis curae consortium una cum Episcopis vocati dicantur. Nae iste cum hac religione sua odio dignus est, quasi vero nos parum moveat Episcopalis Dignitas, seu potius Catholicum Dogma, quo Episcopos supra Presbyteros longe eminere contra Aërium cogimur fateri. Nimirum hunc errorem debito anathemate prosequentes, illud tuto, & Catholice dicimus, & Episcopos, & Presbyteros Ecclesiae regimini praefectos, illos quidem sub Romano Pontifice Catholicae Ecclesiae Episcopo; istos sub singulis Ecclesiarum Pastoribus. Nec video, cur haec Paulli verba ad Episcopos, ac Presbyteros in commune referri nequeant, quandoquidem & illa Servatoris Nostri Matth. ultimo: *Ite docete omnes gentes, baptizantes eos, docentes servare omnia, quaecumque praecepi vobis*, ad Episcopos aequae ac Presbyteros diriguntur, cum hi postremi sub Episcopo & doceant, & baptizent. Ni-

Nihil interea nobilius, nihil, ad Presbyterii decus quod attinet, gloriosius excogitari potest, quam si ad Ecclesiae Praefecturam una cum Episcopis & sub Episcopis tenendam a Spiritu S. positi asserantur. Quae sane Praefectura quam late pateat, quaeve, & quam gravia complectatur differere aggrediar statim ac antiqui Presbyterii formam ex Judaicorum rituum institutis petitam breviter exposuero. Principio quidem terreni quicumque Principatus ad illius Imperii normam expressi sunt, cui summus ille praesidet Deus, de quo scriptum est: *Regnum tuum Regnum omnium seculorum, & Dominatio tua in omni generatione, & generationem.* Hic porro etsi nullius indigens auxilio unus ipse omnia in omnibus operatur, pulcherrimam regiminis speciem exhibiturus, unde sibi exemplum humanae Dominationes arcessant, concilio Sanctorum suorum, veluti quodam senatu amplissimo circumdatus in Scripturis describitur, quibuscum & consilia agitare, & deliberationes inire, quosque rerum graviorum ministros adiciere consuevit. Hinc Deus ipse Moysen iussit septuaginta sibi viros de senibus Israël aggregare, eosque secum ducere ad ostium Tabernaculi foederis, qui parte spiritus, qua ipse multandus erat, adaucti, onus Populi secum sustinerent, ne ipse solus gravaretur. Ita comparati a Deo viri statim prophetare coeperunt, spiritu exinde numquam deficiente. Et id quidem in civilibus rebus. At inde etiam exemplum sumtum est in Judaica Hierarchia efformanda, in qua sub uno Pontifice frequentissimi Sacerdotes, ac Levitae illius adjutores sacra procurabant. Quid quod Synedrium ejusdem regiminis imaginem refert ad res, causasque gravissimas cognoscendas institutum? Contabat autem Patribus LXX. qui in aula Hierosolymitani Templi confidentes summa potestate judicabant. Praeerat huic coetui praeter *Nasi*, seu Principem, alter, qui illius viceungebatur Ab-

Beth-Din, sive Pater Domus iudicii, cui succedebat alter Chacam nomine nempe sapiens, ceteri Patres Senatores audiebant. Et hunc quidem Oecumenicum quemdam totius Gentis confessum appellaveris. Erant vero & peculiares singulis Synagogis Praefecti, ubi Princeps Synagogae praesidebat; ejusque dexteram laevamque tegebat certus Adsefforum numerus, quos Seniores appellabant. Alterum ab his locum occupabant Scribarum Discipuli, legis studio vacantes. Populus in plano sedebat, ut in nostris Ecclesiis eo loci consistit, quem Pronaum dicimus. Hos mores, ritus hosce auctoritate sua confirmavit, & consecravit exemplo Unigenitus Dei Filius, cui omnia Pater dedit in manus. Ipse etiam Senatores habuit suos, & alios quidem primi Ordinis, Apostolos videlicet, alios secundi, nimirum Discipulos duo, & septuaginta, normam exhibens, ad quam Ecclesiae regimen foret instituendum. Ab hac porro regula ne hilum quidem aberrarunt Apostoli. In Caelos quippe abeunte Domino, Evangelicam doctrinam ubique terrarum propagantes, singulis fundatis Ecclesiis unum suprema potestate praefecerunt, non solitarium tamen, sed Seniorum nonnullorum consilio, & auctoritati obnoxium, quibuscum subiectos populos communi moderamine regeret. Atque hoc illud est celeberrimum Ecclesiae Presbyterium, in singulis pene veterum monumentorum paginis memoratum, quod vere Ordinarium Ecclesiae Tribunal dixeris, ubi causae omnes Ecclesiasticae discussae sunt, ac definitae, ut non solum nihil gravioris momenti umquam gestum fuerit praeter ejus auctoritatem; verum etiam, si quid eo inconsulto fuisset attentatum, irritum prorsus haberetur. Nimirum, ut id nunc semel dicam, Ecclesiae regimen institutione sua non pure Monarchicum est, sed ex Aristocratia quadam temperatum, ut saniores Theologi non diffitentur, sive universam spectemus Ec-

Ecclesiam, sive peculiare Ecclesias inspicimus; ut quemadmodum sub uno SS. Pontifice plures per Orbem diffusi Episcopi universam Ecclesiam administrant, sic sub Episcopo uno plures Presbyteri regant peculiare; ac proinde non in unius Episcopi potestate, ac imperio gregis cura sita sit, sed potestas ea Presbyterorum suorum consilio, & auctoritatis communione definiatur. Id nunc luculentissimis, & invictissimis tum SS. Scripturarum tum Patrum, & Conciliorum, idest totius Traditionis, testimoniis confirmandum est, & veluti sub omnium oculis collocandum. Et quoniam regimen universum, sive Politia his rebus concluditur, nimirum controversiarum definitione, legum promulgatione, praemiorum distributione, & irrogatione poenarum, de singulis fusc disputandum. Ordiamur vero, uti par est, a Sanctarum Litterarum oraculis.

Sub ipsa praedicari Evangelii initia excitatam Antiochiae Corinthiorum molitionibus seditionem, & sane omnium gravissimam nemo unus ignorat. Agebatur vero, num cogendi essent Gentiles conversi ad Circumcisionem, & cetera Mosaicae legis onera simul cum Evangelio subeunda. Quid porro hac controversia momentosius, quid delicatius, quid periculosius? Hinc Judaei, hinc Gentiles adversis frontibus pugnabant: res erat vel pro libertate, vel pro servitute omnium Ecclesiarum. Cum frustra diu Paullus, & Barnabas pro veritate asserenda fortiter dimicassent, placuit Ecclesiae Antiochenae, ut primitivae Ecclesiae decreto lis componeretur, indeque exposcenda sententia, cui omnes acquiescerent. Iussi sunt itaque Paullus, & Barnabas Hierosolymam proficisci ad Apostolos, & Seniores, eos hac de re sciscitaturi. Qui tum Hierosolymis Apostoli consistebant, etsi dubitatum video propter nonnullos Patres omnes ibi Apostolos adfuisse putantes; certo tamen mihi affirmare posse videor, non alios praeter Petrum,

trum, Jacobum, ac Johannem praesentia sua urbem sanctam condecorasse teste Paulo ipso *ad Galat. 2. cap. 9.* Porro poterat Petrus ipse solus, quippe cui Spiritus Sancti afflatus minime deerat, cuique universus Christi grex pascendus traditus fuerat; poterant ceteri laudati Apostoli eodem spiritu ubertim ditati controversiam solitarie definire. Quis vero eorum iudicio, cui error omnino subesse non poterat, obloqui ausus esset? Non ita tamen se se gesserunt; quia non ita a Magistro edocti; ab eo quippe acceperant in plurimorum consensione fidei firmitatem positum iri: *Ubi sunt duo, vel tres congregati in nomine meo, ibi ego sum in medio eorum.* Formam igitur futuris sequentium Seculorum Conciliis statuentes, Presbyterium, immo totam Ecclesiam collegerunt, factaque diligentissima conquisitione, auditis Petro in primis totius Ecclesiae capite, deinde Jacobo peculiari illius Ecclesiae Episcopo, & Jacobo egregie de quaestione differente, saluberrimum illud sanctissimumque decretum consentientibus omnium sententiis cūsum est, non inquietandas Gentes ad Christum conversas, nihil illis esse cum Lege Moysis, satis fore ad salutem Evangelicae Legis observationem. Vides hic luculentissime iudicium hoc definitivum non a solis Apostolis, sed ab Episcopis, & Presbyteris uno ore profectum. Neque te moveat quod *Act. XV. 22.* legitur: *placuit Apostolis, & Senioribus cum omni Ecclesia,* perinde ac si Laici homines etiam suffragio suo quaestionem diremissent; *soli enim* (verba sunt Calmeti in hunc locum) *Apostoli, & Presbyteri, qui praesentes aderant, Concilii sententiam assensu suo composuerunt, quam populus & Ecclesia universa probavit, & admisit.* Utque id certissimum habeas, ecce tibi Synodicae Epistolae inscriptio: *Apostoli, & Seniores Fratres his, qui sunt Antiochiae, & Syriae & Ciliciae fratribus ex Gentibus salutem: nulla hic men-*

mentio Ecclesiae, sed Presbyterii solius. Eiusdem
 itidem Presbyterii nomine ad enunciatas Ecclesias
 legati Judas cognomine Bartabas, et Silas unacum
 Paulo allegantur synodicam constitutionem perlatu-
 ri. Cave porro, credas, seniores, sive Presbyteros
 huic Synodo testium loco sine suffragio, et quidem
 decisivo interfuisse. Id ne reputes, obstant primo
 verba illa communi nomine prolata: *visum est Spi-
 ritui Sancto, & nobis*; sicut et illa: *perambulabat
 Syriam (Paullus) confirmans Ecclesias custodire
 praecepta Apostolorum, ac Seniorum*. Act. XVI. Item-
 que: *Dogmata, quae erant decreta ab Apostolis, &
 Senioribus, qui erant Hierosolymis*. loc. cit. Qui
 ritus vero hoc in primo Ecclesiae concilio, Spiritu
 Sancto suggerente usurpatus est, idem omnino in
 ceteris deinceps constantissime invaluit; ut passim
 inferne patebit.

Ad alterum propositae divisionis caput animum
 convertamus. Duodenario numero Apostolos suos
 Dominus concluderat. Praevaricatus est Judas, ut
 abiret in locum suum. Sufficiendus ergo fuit alter
 in ejus locum, ne quid definito, mysticoque numero
 decederet. Rem tantam non suo arbitrio permisit
 Petrus, sed paucis ab Domini Ascensione diebus
 infantem, ut ita dicam, coëgit Ecclesiam, quae
 centum fere viginti capita numerabat, inter quos
 Apostoli undecim, et Discipuli duo et septuaginta,
 propositaque omnibus alterius in locum praevarica-
 toris eligendi necessitate, ut quem digniorem prae
 cunctis noscerent, in medium proferrent, hortatus
 est. Hi vero statuerunt duos, Joseph, qui vocaba-
 tur Justus, et Matthiam. Resistamus hic paullisper.
 Agebatur sane, ut aliquis summo loco in Ecclesia
 collocaretur, quod supremi honoris, atque amplissi-
 mi praemii genus est. Hic aliquis ex Discipulorum
 numero erat arcessendus. Non solus Petrus hic deli-
 berat, non soli Apostoli; se omnes simul Apostoli,
 et

et Discipuli consuluntur, requiruntur, rogantur; omnes simul statuerunt Josephum, et Matthiam prae ceteris digniores. Quid quaeso istud est, nisi quia ab exordio Ecclesiae ex Christi Domini instituto unanimi consensu res erat peragenda, nisi quia Episcopus cum Presbyterio, Apostoli cum Discipulis, qui Presbyteris respondent, rem tantam gesturi erant? Quid si non Apostoli tantum, sed etiam Discipuli (aliis verbis Episcopus cum Presbyterio) suffragio suo ad munus Apostolicum deligunt? Id me porro confecturum spero. Et quidem summa contentione inter eruditos disputatum est, qua via, qua ratione electio isthaec fuerit instituta? Paucis, concisisque verbis sacer Historicus rem concludit: *Et descenderunt, inquit, sortes eis, & cecidit fors super Matthiam, & adnumeratus est cum undecim*. In eam sententiam descenderunt quam plurimi, electionem istiusmodi sortito factam, idest usu illarum sortium, qui frequentissime apud Hebraeos obtinebat, de quibus *Prov. XVI. 33. sortes mittuntur in sinum, sed a Domino temperantur*. Verum sententia isthaec aliis sanioris consilii Interpretibus minime probatur. Neque enim vere asseritur, ne a mandato legis discreparent, ut ait *Ambr. in Lucam 1. cap. 3.*, Apostolos in electione Matthiae sortes adhibuisse. Sacerdotium quippe Aaronicum non sorte, sed expressa Dei voluntate Aaroni delatum est, atque in ejus familia perpetua successione continuatum. Nonnulla tantum Templi munera nec gravioris momenti sortito distribuebantur. Quod si Sacerdotium satis imperfectum forti permissum non est, quanto magis a Sacerdotii perfectissimi apice Apostolatu sortes exulare oportebat? Quis vero facile assentietur Bedae Venerabili, qui ea ratione excusandos censet Apostolos sortibus utentes, quod ante Pentecostes diem Electio illa contigerit, cum super eos nondum Spiritus descendisset? quasi vero hac in re viri illi sancti-

Atissimi humani quidpiam passi fuerint, nec divini-
 tus in tanto negotio afflati. Huc accedit et illa ra-
 tio potissima, quod sortium usus vix ab illo piacu-
 lo purgari queat, quae Dei tentatio audit, viamque
 ad superstitiones innumeras latissimam sternit. Appo-
 site Tullius *de Divin. cap. 41. lib. 2. Quid fors
 est? idem prope quod micare, quod talos jacere,
 quod tesseras. Quibus in rebus temeritas, & casus,
 non ratio, nec consilium valet. Tota res est inven-
 ta fallaciis, aut ad quaestum, aut ad superstitionem,
 aut ad errorem. Quo factum est, ut Ecclesia Apo-
 stolico edocta spiritu in suorum Antistitum electio-
 nibus sortes acerrime proscripserit. Videtis Hon. III.
Decretalem Cap. Ecclesia de Sortilegiis. His adde,
 quod Apostoli ipsi in septem Diaconorum delectu
 non sortibus, sed ratione plane diversa rem consecu-
 runt. Cur, amabo, in sola electione Matthiae sor-
 tibus utendum fuit? Cur hoc exemplum saltem num-
 quam Ecclesia sibi imitandum credidit, si ab Apo-
 stolis illud usurpatum arbitraretur? His sane rationi-
 nibus, non levibus illis quidem, futilibusque, per-
 moti emunctioris naris eruditi, inter quos eminet
 Gagnaeus, qui doctissimos in Acta Apostolica com-
 mentarios scripsit, non sorte Matthiae electionem,
 sed suffragiis contigisse opinati sunt. Favet praeter
 dicta ipsa locutio, *dederunt sortes eis*, sive, ut Grae-
 cus habet, *eorum*; quod minus proprie de veris sor-
 tibus diceretur, cum potius, *miserunt sortes in eos*,
 effeendum esset, ut alio loco: *in vestem meam mi-
 serunt sortem*; aptissime de suffragiis, seu calculis
 suffragiorum accipitur, quos dari, seu distribui nemo
 est, qui ignoret. Illud faceffit negotium, quod calcu-
 los seu suffragia sortes, Graece *Κληρους* appellari
 insolens sit, atque inusitatum. Verum a Graeci ser-
 monis proprietate eam significationem non abhorre-
 re supra laudatis auctoribus productis classicorum scripto-
 rum testimoniis satis superque probatum est. Certe inter*

ter alias fortis acceptiones et illa numeratur, ut pro syngraphis oraculi responsa continentibus usurpetur. Vadem do Val. Max. lib. cap. 6. retulerunt praecipui fortibus, ut aquam ejus lacus emissam per agros diffunderent. Nec immerito suffragia fortis nomine donaveris, quod nimirum de sorte eligendi peremptorie decernant. Sed quid opus est exoticis testimoniis, cum ipsa Sacri Textus Graeca verba litem dirimant omnino, aperteque rationem indicent, qua hujusmodi electio expedita est. Sic enim Graecus habet: *καὶ συγκατελέγησαν μετὰ τῶν ἑνδεκά Ἀποστόλων* quae sic ad verbum reddes: *Et suffragiis cum undecim Apostolis connumeratus est*. De Juda vero, qui non sorte, sed voce, electus est, Graecus habet: *κατηρτίσθησαν*, licet eodem verbo *connumeratus* latine efferatur. Quae haecenus fufius deducta sunt, id luculentissime ostendunt Apostolos una cum Presbyterio nascentis Ecclesiae non modo potiores e Collegio duos ad Apostolaturn exhibuisse, sed & suffragiis suis ex duobus unum Matthiam ad tanti gradus fastigium evexisse.

Alter a se se dedit occasio eandem auctoritatem explicandi, in septem scilicet Diaconorum optione. Satis compertum est, Fidelium crescente multitudine Graecos, idest Gentiles ad Fidem conversos adversus Hebraeos, idest ex Hebraeis credentes obmurmurasse, eo quod despicerentur viduae eorum in ministerio quotidiano, nimirum, quod illorum viduae in quotidiana ciborum distributione, quae tum in illa bonorum omnium communione obtinebat, minus curarentur. Tum vero Apostoli opportunitatem nacti tertium ministrorum ordinem, ut in mandatis a Domino acceperunt, in Ecclesiam invexere, quorum sacra potestas tota in ministerio posita est, praecipuae quidem Eucharisticae mensae, deinde etiam profanae. Et per se quidem Apostoli praefectos holice eligere potuissent, sed totius Concilii delectui rem

rem totam committendam arbitrati sunt. Calmet in hunc locum : *Magna vis est in hujusmodi Apostolicis exemplis, quam semper agnovit deinceps Ecclesia.*

Tertium modo superest ex Scripturis, poenas quod attinet, sine Presbyterii totius Concilio non inflictas. Et sane Corinthiacam Ecclesiam magnis licet virtutibus florentem magno flagitio inceltaverat vir quidam nobilis, praepotens, factiosus, ea eloquentiae vi, ut Corinthiorum admirationem commorit, eorumque multos sensim in suas partes pellexerit. Is quippe tali se se scelere polluerat, quale nec inter Gentes audiebatur, ut uxorem patris sui adhuc in vivis agentis haberet. Cum porro in hac tam nefaria conjunctione incestum adulterio committeret, gravissime Fidelium animos offenderat. Paulus interea his acceptis pro suo erga Ecclesiam studio acerrime in ejusmodi scelus invehitur; vehementius autem in Ecclesiastici ordinis viros, qui contentionibus inutilibus, quae in foedum schisma proruperant, implicati, tam grande scelus impune grassari patiebantur. *Et vos*, inquit, *inflati estis*, nimirum turpitudinis apud vos admissae conscii, cujus fama longe, lateque pervagatur, ambitione tumentes, contenditis, ac disceptatis: immo, quod horribilius est, infamem hujusmodi hominem sapientiae nomine suspicitis, admiramini? Et non magis luctum habuistis? Cum luctum magis suscipere debuissetis de publico dedecore, quod in vos quodammodo redundat. Haec iustissima objuratio, uti recte monet Estius, non omnes Corinthi fideles, sed solos spectat Magistros, quos pro auctoritate sibi a Christo credita tantam impudentiam compescere oportebat. Hinc interim ad rem nostram colligamus, Apostoli increpationem non solum Episcopum tangere, sed totum Presbyterium, quippe quod simul cum Episcopo tanto malo occurrere opus erat, ac pro facta sibi potestate Canonicis poenis in incestum hominem animadvertere. Cum ergo ipsi

(Prae-

(Praepositi scilicet) suo defuissent officio , Paulus omnium Ecclesiarum sollicitudine oneratus , remedium nunc praescribendum censuit pessime adhuc ab illis dilatum , remedium , inquam , utrique profuturum , Ecclesiae , ne corrumpereetur , ei , qui peccaverat , ut ad sanam mentem rediret .

Ego , subjicit , *absens corpore , praesens autem spiritu* , hoc est animo , studio , sollicitudine , *judicavi* , ut *praesens* , perinde scilicet , ac si adessem ; jam *judicavi* . Ne vero reputes hisce verbis ab Apostolo in reum sententiam pronunciatam . Poterat sane solus ipse per se id praestare . Non deerat potestas , suppetebat auctoritas , jurisdictione praeditus erat amplissima . Nam praeterquamquod Apostolica pollebat dignitate , ipse Corinthiacam fundarat Ecclesiam , ejus parens fuerat , primus Magister , Doctor . Nolit tamen pristinum morem intervertere , omnium consensu , Praepositorum rem expediendam esse pro Ecclesiasticae disciplinae forma sciebat . Jam *judicavi* , inquit , *idest decrevi* , *apud me statui* , verba sunt doctissimi Eltii ; *neque enim Apostolus sententiam excommunicationis tulerat ; sed auctoritate jurisdictionis sententiam ferendam decreverat : adhuc enim Corinthios Praepositos hortatur : auferte malum ex vobis ipsis* . Volebat ergo omnium consortio , consentientibus animis rem confici .

Decrevi ergo *in nomine Domini nostri Jesu Christi congregatis vobis* , *Et meo spiritu cum virtute Domini nostri Jesu Christi tradere hujusmodi Satanae in interitum carnis* , ut *spiritus salvus sit in die Domini nostri Jesu Christi* . Quam praeclare , quam nitide , quam luculenter Ecclesiastici judicii formam prodit Apostolus ! Ipse nimirum Apostolus praesidis loco absens corpore , praesens spiritu pro tribunali sedet , sedent Presbyteri veluti *συγκριται* conjudices : *congregatis vobis ; in nomine Domini Nostri Jesu Christi : a Christo judicandi potestate praediti : cum*
vir-

virtute Domini nostri Jesu Christi : Christo ipso assistente cum virtute sua, ne futilis ac cassa sententia pronuntietur : *tradere hujusmodi Satanae in interitum carnis*. En poena infligenda, excommunicatio videlicet, quam Majorem appellant, ut probatissima omnium Latinorum fert sententia; nimirum recte Excommunicatus Satanae traditus censetur, quod extra Ecclesiam pro merito suo projectus infernorum spirituum incurfibus pateat. *Ejiciebatur*, inquit Chrysostomus, *a communi Fidelium coetu, abscindebatur a grege, fiebat nudus, atque ita destitutus lupis patebat, & prodebatur incurfibus*. Non dissimilem se gessit Paullus in rei absolutione; nec eam sine Presbyterii consensu pronuntiavit. Videtis II. ad Corinth, Ex hactenus dictis nemo, puto, in dubium revocaverit, quin moris fuisse Scriptura doceat, ut & Canonicae poenae a toto simul Presbyterio infligerentur in criminum capitalium reos. Atque haec quidem gravioris momenti, ut mirum non sit communi omnium consilio gesta esse. Illud numquam satis mirabere, ipsos eleemosynarum Collectores, ac Distributores non sine communibus suffragiis Apostolico aevo delectos. Disce id ex eodem Apostolo, qui sive de Luca, sive de Sila, sive de quopiam alio discipulo loquens II. ad Corinth. VIII. *qui ordinatus est*, inquit, *comes peregrinationis nostrae ab Ecclesiis*: Graece vero *χρηματοδότης*, idest suffragiis designatus.

Priusquam vero a sacris Litteris abeamus, operae pretium fortasse fuerit in hujus amplissimae Presbyteralis potestatis originem ipsa Scriptura duce paullo diligentius inquirere. Ego vero sic reputo potestatem ejusmodi, non consuetudine, non humano instituto, non Episcoporum concessione, sed divino jure in Presbyteros descendisse, quippe quibus a Christo ipso in Fideles suos jurisdictio, Episcopali tamen auctoritati obnoxia, *αποστολῆς* tributa fuerit. Gallorum Theologorum lumina a me stare norunt eruditi, qui in

Illo Lucae X. 1. & 3. *Post haec autem designavit Dominus & alios septuaginta duos, & misit illos binos ante faciem suam . . . ite, ecce ego mitto vos sicut agnos inter lupos*, secundi ordinis Sacerdotes aperte vident, divina missione donatos, omni-que illa potestate instructos, quae ex missione consequitur. Nec immerito, primo quia similibus plane verbis Matth. X. Apostolis missionem, & jurisdictionem Apostolico muneri respondentem contulit; tum quia praeesse veluti proprium Presbyterorum characterem designat Apostolus I. ad Timoth. V. *Qui bene praesunt Presbyteri, duplici honore digni habeantur*; tum denique quia Discipulis hisce Presbyteros successisse tota clamat antiquitas; cuius testimonia loco opportuniore proferemus. Sed maxime urget Tridentini auctoritas Sess. 23. can. 6. definientis in Ecclesia Catholica agnoscendam omnino Hierarchiam divina ordinatione institutam, eamque constantem Episcopis, Presbyteris, ac Ministris. Quid porro Hierarchia sonat, nisi Sacrum Principatum? Sunt ergo a Christo Presbyteri instituti ad principandum, quemadmodum & Episcopi, id quod fieri omnino non potest sine praecipiendi potestate, ac in subditos jurisdictione. Proposita ergo huc redit argumentatio: Qui Ministris a Christo institutis, & missione, & jurisdictione donatis succedunt; ii sunt divinae institutionis, & a Christo jurisdictionem accipiunt. Huiusmodi sunt Presbyteri, ut Scriptura, ac Traditio non obscure significat. Sunt ergo & ipsi, & eorum jurisdictio divino jure instituta. Neque enim ob aliam causam divino jure Rom. Pontifex Caput Ecclesiae creditur, nisi quia Petro succedit Apostolorum Principi, nec Episcopi eodem divino jure instituti reputantur, nisi quia Apostolorum successores Ecclesia tradente dignoscuntur.

Argumentationis vim sensere quicumque Bellarmino duce lib. 4. de Rom. Pontif. cap. 25. in alia omnia

omnia abierunt; quam ut, quo possent modo, declinarent, minus proprie septuaginta duobus Discipulis successisse Presbyteros dici posse contendunt. Primo quia nullo Presbyteratus Ordine hi septuaginta Discipuli fuerunt a Christo Domino ihitiat, ut proinde nulla eis collata jurisdictio fuerit; revera enim Stephanus, ac Philippus, qui in septuaginta duorum numero ab Epiph. haeref. 20. censentur, ab Apostolis demum Diaconi sunt inaugurati Aët. VI. Secundo quod nullam a Christo missionem acceperint: solos enim Apostolos alloquebatur Dominus, cum ad eos verba convertens: *sicut me*, inquit, *misit Pater, & ego mitto vos*. Tertio denique, quod non adfuerint Discipuli supremæ illi Coenæ, ubi Apostoli Sacerdotio a Christo aucti fuerunt.

Verum isthaec tanti non sunt, ut nobis negotium facessant. Nam etsi libenter damus Septuaginta duos a Christo non fuisse Sacerdotes consecratos; inde colligere fas non est, eos nulla fuisse jurisditione instructos. Satis nempe vel juris tyronibus comperitum est, jurisditionis potestatem ab Ordinis characterē minime pendere, uti constat in Parocho nondum vel Presbytero, vel Diacono, adhuc tamen valide jurisditionis actus exercente. Et certe Apostolus Paulus amplissimo Apostolatus munere perfunctus erat, cum nondum consecrationem accepisset Antiochiae Aët. XIII. 3. Quam multa eo satis longo intervallo, quæ necessario a jurisditione pendebant, expedierat!

Illud vero, quod ex Epiphanio opponitur, futile est, ac levidense; nam licet ei assentiamur rem post tercentos demum annos narranti, septem nimirum Diaconos e septuaginta Discipulorum censu fuisse delectos, cum ipsi nullo nec Presbyteratus, nec Diaconatus Ordine a Christo fuerint insigniti, nonne necesse fuit eis denique illos Ordines ab Apostolis conferri, ut jurisditionis potestati Ordinis character ac-

gederet, sicuti & Paulo contigit, qui Apostolatus jurisdictione a Christo condecoratus, eaque ad plurimos annos usus, tum demum per manus Apostolorum consecratus est?

Nec gravioris momenti tertium illud, quod in objectione erat, reputandum est. Jam enim concessimus septuaginta duos a Christo non fuisse ad Sacerdotium evectos, ut propterea nobis minime officiat, quod ab ultima Coena, quando Sacerdotium Apostolis collatum est, abfuerint. Nimirum, cum a Christo & designati, & instituti fuerint, ut sub Apostolis Ecclesiam regerent, par erat, ut ad subjectionem insinuandam ab Apostolis etiam primo consecrarentur; semper enim ab Apostolicis temporibus obtinuit, ut consecratus parentis loco consecratorem suum & veneraretur, & coleret. Denique abfuerint sane Discipuli, cum Christus missionem Apostolis impertitus est Joh. XX. At aberant etiam & Thomas, & Matthias. Quid inde? a missione excludentur? An non verborum vis & efficacia ad eos etiam sese extendit? An non eos omnes complectitur, quos Christus ad Ecclesiae ministerium elegerat? Quid quod Discipulis septuaginta disertissimis verbis Christus Dominus missionem asserat Luc. X. verbis supra relatis: *Ecce ego mitto vos, sicut agnos inter lupos*. Sed de hoc argumento satis fortasse multa.

Convertamus nunc animum ad validissimum alterum argumentum, Traditionem scilicet, cui jus est, Scripturas ipsas, si forte illae obscuriores essent, interpretandi. Porro is ordo in suscepta ejusmodi disputatione nobis propositus erit, ut primo eas sententias Patrum proferamus, quibus una cum Episcopo Presbyteris regendae Ecclesiae generatim potestas asseritur, deinde ad illa testimonia gradum faciamus, quibus potestas explicatur in singula illa regiminis capita, de quibus supra meminimus, cum sacrarum Litterarum auctoritates protulimus; idque singula Ec-
clesiae

elisiae secula percurrentes. Prodeat ergo nunc pri-
 mus antiquissimus ille juxta ac sanctissimus Antio-
 chensae Ecclesiae Praeful Ignatius, ejus sententias
 ex epistolis illis mutuabimur, quae apud sanioris in-
 genii Criticos inconcussae genuinitatis habentur. Sa-
 ne is non potuit gravioribus, ac disertioribus verbis
 Presbyterii dignitatem, munia, honorem, debitam-
 que illi reverentiam extollere. Audiatur quæso A-
 postolicus hic locupletissimus testis. *Etenim Jesus*
Christus, inquit epist. ad Ephesios, *inseparabilis*
nostra vita, Patris est sententia, ut & Episcopi per
terrae terminos definiti ex Jesu Christi sunt senten-
tia. Unde decet vos in Episcopi sententiam concur-
rere, quod & facitis. Nam memorabile vestrum
Presbyterium dignum Deo, ita coaptatum est Episco-
po, ut chordae citharae. Satis mihi placeo in hac
pulcherrima sanctissimi Martyris comparatione. Nam
quemadmodum nulli usui demum futura erit cithara,
nisi chordis fuerit instructa; ita Episcopale ministe-
rium plane jacebit, ubi Presbyterorum adjumento ca-
reat: quae duo tum denique maximopere profutura
sunt, ubi in eundem Pastoralis muneris scopum sum-
ma concordia conspiraverint. Pergit porro ibidem.
Siquidem singuli communiter omnes nominatim con-
venitis in una Fide, & in uno Jesu Christo . . .
ut obediatis Episcopo, & Presbyterio mente indivul-
sa, frangentes panem unum, qui pharmacum immor-
talitatis est; antidotum, ne moriamur. Debent ergo
Fideles & Episcopo, & Presbyterio obedientiam
mente indivulsa. Cur quæso Episcopo, nisi quia
jus habet pascendi? Igitur eodem ex capite & Pre-
sbyterio, & quidem mente indivulsa, quippe qui
unum corpus constituent, unumque pari potestate
frangant panem, pharmacum immortalitatis. Adhuc
vero luculentius, quid de toto Presbyterio sentiat,
explicat epist. ad Magnesianos: Hortor, ut hoc ve-
strum sit studium, in Dei concordia omnia agere,

Episcopo praesidente Dei loco, & Presbyteris loco Senatus Apostolici, & Diaconis mihi suavissimis, quibus creditum est ministerium Jesu Christi (puto SS. Eucharistiae dispensatio). Non hic illud nimis urgeo, nempe Ignatium Presbyteros Apostolis committere; constat quippe Episcopos Apostolorum successores a tota antiquitate agnitos esse. Verum quoniam Ignatius Episcopos Jesu Christi loco praesidere asseruit; omnino necesse fuit, ut Presbyteros Apostolorum loco considerare doceret. Apostolis porro regendi jus nemo sanae mentis abjudicaverit. Igitur neque Presbyteris ex Ignatio denegandum est. Quemadmodum igitur (quam praeclara complexio!) Dominus sine Patre nihil fecit, ipsi unitus neque per seipsum, neque per Apostolos: ita neque & vos sine Episcopo, & Presbyteris quidquam agite. Concludit demum: Studete igitur, ut confirmemini in Dogmatibus Domini, & Apostolorum... Cum dignissimo Episcopo vestro, & digne contexta spiritali corona Presbyterii vestri, & secundum Deum agentibus Diaconis. En utique Episcopus, & Presbyteri, ille ut caput, isti ut corona affabre contexta; sine hisce singulis conspirantibus amice nihil moliendum, nihil agendum ex Ignatii sententia. Elegantissime Ecclesiam definit Epist. ad Trallianos: Cuncti revereantur Diaconos, ut mandatum Jesu Christi, & Episcopum, ut eum, qui est figura Patris, Presbyteros vero, ut confessum Dei, & ut conjunctionem Apostolorum. Sine his Ecclesia non vocatur. Quid, amabo, disertius affirmari poterit? Si Ecclesia a Christo pascendi auctoritatem accepit. Ergo hi omnes simul conjuncti, sine quibus, teste Ignatio, non vocatur Ecclesia. Similia prorsus habet Epist. ad Smyrnaeos: Episcopum sequimini, ut Jesus-Christus Patrem, & Presbyterium, ut Apostolos, Diaconos revereamini, ut mandatum Dei. Id se voce magna praedicare, id clamare voce Dei se se testatur, Epist.

ad

ad Philadelphios : *Clamavi, cum interesset, locutus sum voce magna, voce Dei : Episcopo attendite, & Presbyterio, & Diaconis.* Igitur a Spiritu Sancto proficiscitur ista vox, qua hisce Praepositis obediendum praecipitur, ut disertius S. Martyr prosequitur. Praeclaram vero hujus concordissimae obedientiae rationem profert eadem Epist. *Una enim, inquit, est caro Domini Nostri Jesu-Christi, unus calix in unitatem Sanguinis ipsius, sicut unus Episcopus cum Presbyterio, & Diaconis conservis meis, ut quod facitis, secundum Deum faciatis.* Perinde ac si diceret, quemadmodum Carni, ac Sanguini Domini unam adorationem impenditis, quod nimirum unum sint Domini Corpus; ita unam obedientiam toti Presbyterio debetis, quod in unum corpus ex Episcopo, Presbyteris, ac Diaconis coalescit. Denique, ne longum faciam, aliquid Ignatii adscribam ex epist. ad Polycarpum, ubi sic eum alloquitur : *Si quis se plus Episcopo scire putet, corruptus est. . . post Dominum tu viduarum curator esto; nihil sine tua sententia fiat : Episcopo attendite, ut & vobis Deus attendat.* Haec ad Episcopos, & quidem rectissime; sed cum soli non sint in pastoralis sollicitudine, descendit ad Presbyteros, ac Diaconos : *Collaborate, inquit, ut Dei Oeconomi, aut Dispensatores (sic Episcopos appellat) ut Adseffores (sic Presbyteros) ut Ministri (sic Diaconos nuncupat).* Omnes ergo indivulso studio, ac sancta societate collaborant. Postremo divina quadam invidentia & ego, subdit, *animam meam libenter eorum loco substitui cuperem, qui Episcopo, Presbyteris, ac Diaconis obsequuntur.*

Commodum Polycarpi mentionem in laudata Ignatii Epistola habemus. Ipse siquidem Apostolicus, & Propheticus Doctor appellatus ab Eusebio Lib. 4. Hist. Ecclesiast. cap. 13. quippe qui, ex Irenaeo, ab Apostolis eruditus fuerat, & cum multis, qui

Domnum viderunt, familiariter conversatus, Ignatianae doctrinae mirifice consonat Epist. ad Philipp. apud eundem Euseb. cit. loco. *Subiecti*, inquit, *estote Presbyteris, & Diaconis, sicut Deo & Christo, seu Virgines inculpata, & casta conscientia gradientes: Presbyteri autem sint facili ad compatiendum affectu praediti.* Ne quis vero mutilum hic miretur Presbyterium truncato capite Episcopo, meminerit primis illis Ecclesiae seculis, uti superius docuimus, Presbyteri nomen utriusque Ordinis Antistiti communiter tributum.

Neque aliorum accipiendum puto Irenaeum, qui Traditionum Apostolicarum Presbyteros custodes honorificentissime appellat Lib. 3. adversus haereticos cap. 2. Cum, inquit, *ad eam iterum Traditionem, quae est ab Apostolis, quae per successionem Presbyterorum in Ecclesiis custoditur, provocamus eos, adversantur Traditioni, dicentes, se non solum Presbyteris, sed etiam Apostolis existentes sapientiores, sinceram invenisse veritatem.* Et lib. 4. cap. 43. *Eis, qui in Ecclesia sunt, Presbyteris obaudire oportet, qui successionem habent ab Apostolis, qui cum Episcopatus successione charisma veritatis certum acceperunt.* Nemo, puto, inficias iverit, hanc praeclarissimam praerogativam ad utriusque gradus Sacerdotes pertinere; tum quod utique sub Presbyterorum nomine apud veteres veniant, tum quod secundi gradus Sacerdotes acerrimi non semel Apostolicarum Traditionum assertores exstiterint adversus etiam Episcopos proprie dictos, quemadmodum in causa Pauli Episcopi Samosatani, & Nestorii Patriarchae Constantinopolitani contigisse opportunior loco docebimus. Quod vero huiusmodi Presbyteros successionem ab Apostolis accepisse dicat Irenaeus (qua nota veros Episcopos designare videri fortasse poterit,) id porro nihil nos debet commovere,

vere, quando & ab Ignatio superius audivimus veros Presbyteros Apostolico confessui aequiparari.

Non patiar hic aliud mihi argumentum te manibus elabi, quod mutuari libitum est ex Epistola Viennensis, ac Lugdunensis Ecclesiarum ad Eleutherium Rom. Pontificem, quandoquidem harum litterarum Irenaeus ipse perlator fuit; sitque apud Pontificem magnifice commendatus. *Litteras* ut ad te perferret, *Fratrem*, & *Collegam* nostrum Irenaeum hortati sumus. Quem quidem, ut commendatum habeas, rogamus, utpote aemulatorem Testamenti Christi. Quod, si nobis compertum esset, locum cuiquam conferre justitiam, eum tamquam Presbyterum Ecclesiae (hunc enim gradum obinet) tibi imprimis commendassemus. Quid vero inde ad rem nostram? Non parum quidem. Et sane animadvertendum est primo hic Presbyteros sive solitarios, sive cum Episcopo B. Photino ad Eleutherium has litteras dedisse. Id quippe satis aperte constare ajo ex eo, quod hi Presbyterum Irenaeum non solum Fratrem, sed & Collegam vocent. Secundo moris fuisse ea tempestate, ut alicujus Ecclesiae nomine ingravescente persecutionis turbine epistolae darentur ad alias Catholici nominis Ecclesias ac praecipue Romanam omnium aliarum Matrem, ac Magistram, quibus certiores fierent, quot fidei studio Fideles legitimum certamen certarent adversus irruentes Sathanae Ministros, sive qui contra tormentorum vim reformidantes a sancta professione deficerent; tum praesertim, qua solertia, quave sollicitudine Sacerdotalis Ordinis viri animos infirmis adderent, labantes confirmarent, lapsos erigerent, Confessoribus in vincula conjectis, ne quid eis sive ad animum, sive ad corpus spectans solatii deesset, indefessi consulerent. Hujusce consuetudinis tum in actis Martyrum, tum in epistolis Cyprianicis monumenta passim apparent. Id porro quid aliud quaeso est, nisi

Do-

Dominicum Gregem pascere, tutari, sive, ut Christus praecepit, pro ovibus animas ponere? quod cum Episcopo praeunte Presbyteri quoque praestarent, nonne consequitur eisdem communi consilio & opera Ecclesiam administrasse? Nonne hujusmodi litterae a Viennensi ac Lugdunensi Presbyteriis scriptae, & eorum nomine missae, argumento sunt evidentissimo apud illos Ordines rerum summam in illis Ecclesiis fuisse?

Puderet me hic nefarii hominis, & haeretici impudentissimi Marcionis mentione sanctissimorum Patrum seriem interturbare; nisi ejus veteratoris occasione recitandum esset praeclarissimum Epiphanii testimonium. Ille ergo a Patre suo Episcopo integerrimo communione multatus Romanum adiit Clerum, confusus fore, ut venerando illi Senatui obreperet, ab eoque restitutionem impetraret. Rem gestam paucis Epiphanius complectitur haeresi 42. *Eo statim ac Marcion pervenit, ad Seniores adiens, qui ab Apostolorum Discipulis edocti adhuc supererant, ut in communionem admitteretur, frustra petiit. Quamobrem exstimulatus invidia, quod non principem illic locum, ac ne Ecclesiae quidem adiutum impetrasset, ad impostoris Cerdonis haeresim confugere in animum induxit. Et infra: Palam eos alloquens. Cur me, inquit, recipere nolulistis? Responderunt illi: nobis injussu venerandi Patris tui istud facere non licet. Una siquidem fides est, & animorum una consensus: neque contra spectatissimum collegam Patrem tuum moliri quidquam possumus. Duo hic nobis suppeditat Textus; primum Marcioni persuasum fuisse eo jure Presbyterium Rom. Cleri pollere, ut eum Sede vacante communioni restituerent; alterum hujusmodi Cleri Presbyteros Episcopum Marcionis Patrem collegam suum appellare, non alia certe de causa, quam quod administrandae Ecclesiae sanctissima societate copularentur.* Re-

Repetamus modo abruptum tantisper ordinem .
 Succedant ergo Iulinius Martyr, ac Tertullianus,
 non temporum, sed sententiarum paritate conjun-
 cti . Uterque vero sacrae Synaxeos ritus exponens ,
 illius Praefecturam Presbyteris tribuit , quos Praesi-
 dentium nomine condecorat . Iulinius quidem Apo-
 logia Impp. oblata sic se habet : *Postea Fratrum
 Praeposito panis , ac poculum offertur Post-
 quam Praepositus gratias egit , totusque Populus fau-
 sta acclamarit ; qui inter nos Diaconi vocantur , dant
 unicuique . . . Postquam cessavit , Praepositus ser-
 monem monitorium habet : Praepositus preces , &
 eucharistias , quantum potest , sursum mittit , & Po-
 pulus fauste acclamat , Amen dicens , & unicuique
 distributio , & participatio rerum Eucharisticarum
 fit : absentibus quoque per Diaconos mittitur .* Ter-
 tullianus vero Apologet. cap. 39. *Praesident probati
 quique Seniores , honorem istum non pretio , sed testi-
 monio adepti .* Et lib. de Corona militis cap. 3. *Nec
 de aliorum manu , nisi Praesidentium Eucharistiam
 sumimus .* Et lib. de Jeuniis cap. 17. Ptychicos
 vellicans : (nempe jam tum ad Montanistas dese-
 cerat) *Hoc nimirum , inquit , ad elogium gulae tuae
 pertinet , quod duplex apud te Praesidentibus honor
 binis partibus deputatur , cum Apostolus duplicem ho-
 norem dederit , ut Fratribus , & Praepositis .* Quos-
 cumque demum Praepositorum , ac Praesidentium
 nomine velis indigitari , sive utriusque Ordinis , sive
 secundi tantum Sacerdotes , (quod postremum lon-
 ge probabilius mihi videtur , nam Tertullianus textum
 Apostoli prae oculis habet : *qui bene praesunt Presby-
 teri duplici honore digni habeantur*) , illud certe ra-
 tum erit ad utrumque Ordinem Praefecturam huius-
 modi spectare . Neque vero minima administrationis
 Ecclesiasticae pars haec reputanda est ; quandoquidem
 animarum Curatores hac potissimum nota ex Tri-
 dentino distinguuntur , quod divino mandato iis Gre-
 gem,

gem, Verbi Dei praedicatione, ac Sacramentorum administratione, pascere praescriptum sit; quae duo in allatis testimoniis diserte Praepositis tribuuntur.

Superioribus porro par itidem nobile adtexam, Clementem Alexandrinum, & Origenem, Magistrum scilicet ac Discipulum, magni nominis in Ecclesia utrumque. Audiatur primo Magister qui lib. 6. Stromatum inquit: *Nam hic quoque in Ecclesia progressiones Episcoporum, Presbyterorum, & Diaconorum sunt, ut arbitror, imitationes gloriae Angelicae, & illius oeconomiae, ac dispensationis, quam dicunt Scripturae illos expectare, qui insistentes vestigiis Apostolorum vixerunt in perfectione iustitiae convenienter Evangelio.* Pulcherrima supra quam dici potest in hisce verbis elucet comparatio caelestem inter, ac terrenam Hierarchiam; cumque haec posterior superiorem imitetur, necesse omnino est, ut quemadmodum de caelesti scriptum est: *omnes sunt administratorii spiritus in ministerium missi* creatis rebus administrandis; sic & terrena Hierarchia Episcopis, Presbyteris, ac Ministris constans tota simul Ecclesiae procuratori sit mancipata, Fideles nempe perficiendo, quod Episcopis convenit, illuminando, quod Presbyterorum proprium est, purgando, quod ad Diaconos pertinet. Similitudinem alteram mutuatur Clemens ex civili Politia, & ad Ecclesiam transfert his verbis lib. 7. pag. 504. *Cultus quidem, qui versatur circa res hominum, unus quidem est, qui reddit meliores: alius vero, qui in ministerio occupatus . . . ac parentibus quidem a filiis; magistratibus autem, ac Principibus ab iis, qui parent eorum ditioni, occupata in ministrando accedet utilitas: Similiter autem in Ecclesia, eam, quae facit meliores, imaginem servant Presbyteri, eam, quae servit, Diaconi.* Eo demum redire haec sententia videtur, ut sicuti in humana Rep. quidam imperant, serviunt quidam; sic in Ecclesia principu

pentur Presbyteri; ministrent, ac serviant Diaconi, Principatus porro sine rerum administratione contra-
re minime potest.

Ad Origenem nunc accedo. Hic homil. 7. in Hie-
remiam: *Nos*, inquit, *qui putamur aliquid esse, idest,*
qui in Clericatus vobis Ordine praesidemus. Erat
autem Presbyter: *πρεσβυτερος* igitur ex Origene Pre-
sbyteris convenit. Iterum Tract. 5. in Matth. *Chri-*
stum, ait, *caput Ecclesiae esse, non ego, sed Apo-*
stolus intellexit: Sacerdotes autem rationabiliter pos-
sunt dici Ecclesiae oculus, qui & speculatores ha-
bentur, (Diaconi autem, ceterique ministri minus,)
quoniam per eos opera spiritualia universa geruntur.
Cur quaeso oculi allegoria ab Origene usurpata,
cum de Sacerdotibus loquitur, nisi quia totum Ec-
clesiae corpus a Domino tuendum, conservandum,
gubernandum susceperunt; nisi quia per eos, uti se-
quitur, *opera spiritualia universa geruntur?* Denique
Tract. 24. in Matth. *Proprie Episcopus Dominus*
Jesus est. Et Presbyteri Abraham, & Isaac, &
Jacob, vel ceteri, qui hoc nomine digni habiti sunt,
quales fuerunt Apostoli Christi: Diaconi vero septem
Archangeli sunt Dei, ad quorum Mysteria septem
Diaconi in Actibus sunt ordinati. Allegoricus item
hic locus est; luculenter tamen Presbyteros Apo-
stolis miscet, ut Ecclesiae gubernationem utrisque,
habita tamen gradus ratione, communem faciat.

Principem, novi, in hac testimoniorum prolatic-
ne locum Apostolici Canones, obtinere debuissent,
nisi mihi certo certius persuasum esset eruditorum
hominum turbam secuto, falso se se Canones illos
hoc tanto nomine gloriari. Verum quoniam & pro-
batae antiquitatis habentur (cum disciplinam trium
priorum Seculorum redoleant), & nonnulla in eos
ex Apostolica doctrina derivasse constans est opinio;
atque ad haec tempora, in quae disputando incidi-
mus, reduci possunt: hic nonnulla ex eis decerp-
ta collig-

collocabimus. Et ecce tibi Canon 57. perspicue docet Cleri curam, ac Christiani Populi Episcopis aequae ac Presbyteris concreditam; quippe quibus aequae omni officii genere, ac functione interdicat, ubi impositam sibi divinitus curam incuriosi neglexerint. *Episcopus*, inquit, *vel Presbyter, qui Cleri, vel Populi curam non gerit, & eos pietatem non docet, segregetur, & si in socordia perseveret, deponatur*. Sed omnium apertissimus can. 34. rem conficit, cum ipsum Episcopum sedulo vetet quidquam adoriri praetermissa omnium sententia. Recitandus est omnino primigenio idiomate: *Αλλα μη δε χειρος Επισκοπος αλευ των παντων γνωμης ποιειτο τι· ουτως γαρ ομοροια εσται, και δοξαδιηται ο Θεος δια Κυριον εν αγιω Πνευματι*. Quae sic ad verbum: *Sed nec Episcopus quidem ille praeter omnium sententiam quidpiam agat: sic enim concordia constabit, ac glorificabitur Deus per Dominum in Spiritu Sancto*. Vehementer vero me illa ratio oblectat, qua nihil sine omnium sententia, idest totius Presbyterii, gerendum cavetur, ut nimirum concordiae consulatur, quae iater Rectores quanti sit, nemo unus ignorat.

Pronum iterum fuisse & ex epistolis Clementis Romani, & ex libro Hermae, qui Pastoris titulo insignitur, (Jussus est nimirum Pastor libellos duos conscribere, quorum alter Grapae Romanae fortassis Diaconissae traderetur, ac in coetu legeretur Presbyterorum, *qui Ecclesiam gubernant*), aliquid corradere ad commune Ecclesiae regimen Episcopos inter ac Presbyteros ostendendum; sed concitato gradu ad Magnum Cyprianum contendo, de quo illud vere affirmare mihi posse videor, neminem inter antiquos Apostolicae, de qua loquimur disciplinae, servantioorem fuisse, easque illi opportune occasiones oblatas, in quibus eadem disciplina secundum omnia proposita alibi capita se se exseruerit. Hic ergo egregius plane vir, & multis nominibus de Ecclesia me-

meritissimus ut propositi sui, quo nihil se umquam acturum sine Presbyterorum suorum confortione decreverat, omnes testes haberet, palam edixit, *se ab initio Episcopatus sui statuisse, nihil sine consilio eorum, & sine plebis consensu sua privatim sententia gerere.* Epist. 5. Quid valuerit ille plebis consensus, infra videbimus: expendamus nunc, quanta fide promissis steterit sanctissimus Antistes. Et principio quidem cum immanis illa Decii persecutio deferbuisset, quoniam non pauci cruciatuum vi, vel metu adacti in idololatriam lapsi fuerant, agebatur, utrum resipiscences reconciliandi forent, & quo poenitentiae spatio purgati hoc beneficio sublevandi. Porro haec duo gravissima rerum capita numquam ipse solus, sed totius Ecclesiastici senatus auctoritate censuit dijudicanda. Favorinus quippe Acolythus, atque Hypodiaconi duo Philumenus, ac Fortunatus ad Ecclesiam post lapsum reversi, veniam, ac reconciliationem enixis precibus implorabant, de his haec rescripsit Cyprianus epist. 38. *Desideratis quoque, ut de Philumeno, & Fortunato Hypodiaconis, & Favorino Acolytho, qui medio tempore recesserunt, & nunc venerunt, quid mihi videatur, rescribam. Cui rei non potui me solum iudicem dare, cum multi adhuc de Clero absentes sint, nec locum suum vel sero repetendum putaverunt; & haec singulorum tractanda sit, & limanda plenius ratio non tantum cum Collegis meis, sed & cum plebe ipsa universa. Aureus certe locus, praeter quem nihil aliud ad rem conficiendam desiderari posse videtur. Quodque magis mirere, si quam sententiam solitarius ipse profert, provisionam, uti loqui amant, non definitivam esse jubet. Eadem quippe epistola: Interea, inquit, si quis immoderatus, & praecipue sive de nostris Presbyteris, vel Diaconibus, sive de Peregrinis ausus fuerit ante sententiam nostram (idest totius Concilii; vix enim ea tempestate invaluerat,*

ut plurativo numero Episcopi loquerentur) *commu-
nicare cum lapsis , communionem nostram arceatur , apud
omnes nos causam dicturus temeritatis suae , quando
in unum , permittente Domino , convenerimus .* Atque
in hoc instituto adeo sibi constitit Cyprianus , ut
quemadmodum ipse nihil quidquam sine Presbyterio
moliebatur ; ita neminem Presbyterorum se , suisque
Collegis inconsultis attentare pateretur . Quamobrem
cum Presbyteri loci , gradusque sui immemores eo
proslissent , ut lapsos quosdam persecutionis tempo-
re propria auctoritate reconciliare ausi essent , eos acriter
objurgatione castigat , quod non sine gravi contume-
lia , ac contemptu omnium totum sibi vindicarent .
Quid porro est illud , omnia sibi vindicant , nisi
partes ceterorum , atque Antistitis in primis usurpa-
re , atque ad se corripere , quod commune est ? Ni-
mirum id jus eo tempore vigeat , ut Communio-
nis beneficium non acciperetur , nisi per manus
impositionem Episcopi , ac Presbyteri . Hinc subji-
cit ead. epist. 9. *Et per manus impositionem Episco-
pi , & Clerici jus communicationis accipiant
erunt enim rei , qui praesunt , & hoc fratribus non
suggerunt , ut instructi a Praepositis faciant omnia
cum Dei timore .* Emicat etiam hic loci Presbyte-
rorum auctoritas , quos & praeesse , & Praepositos
esse Cyprianus aperte testatur . Objurgationem de-
mum comminatione , ut par erat , concludit S. Mar-
tyr. *Scientes , quoniam , si ultra in iisdem perseve-
raverint , utar ea admonitione , qua me uti Dominus
jubet , ut interim prohibeantur offerre .* En aliam
provisoriam , non definitivam sententiam ; nam mox
subiicit : *acturi (hi scilicet , quibus interim Sacerdo-
tio interdixerat) apud nos , & apud Confessores
ipsos , & apud plebem universam causam suam , cum
Domino permittente in sinum Matris Ecclesiae col-
ligi coeperimus .* Totum hoc ergo reconciliationis
negotium in totius Cleri Comitibus definiri , atque ab-

ab-

absolvi oportebat : Cum persecutione finita convenire in unum cum Clero , & recolligi coeperimus ; neque enim fas erat lapsis communicare , ante manum ab Episcopo , & Clero impositam .

Mox ad Poenitentes conversus iis auctor est , ne praepropera festinatione impedirent potius , quam expedirent : *Audiant , quaeso , consilium nostrum , expectent regressionem nostram , ut cum ad vos per Dei misericordiam venerimus , convocati Episcopi plures secundum Domini disciplinam , & Confessorum praesentiam BB. Martyrum litteras , & desideria examinare possimus .* Ceterum neque hic Cleri sui obliviscitur : *De hoc ad Clerum , & ad Martyres , ac Confessores litteras feci , quas utrasque legi vobis mandavi .* Non alia sane de causa , nisi quia & Clerum deliberationi interesse oportebat .

Mirifice autem concinit Cypriani doctrinae Rom. Cleri sententia . Consulti nimirum ab incomparabili Doctore Rom. Presbyteri ad hunc modum praefati Epist. 3. apud Cypr. *Incumbit nobis , qui videmur esse Praepositi , & vice Pastoris (Fabiano nimirum per Martyrium coronato) custodire gregem : subdunt : Placet collatione consiliorum cum Episcopis , Presbyteris , Diaconis , Confessoribus pariter , ac stantibus Laicis lapsorum tractare rationem . Perquam enim nobis invidiosum , & onerosum videtur , non per multos examinare , quod per multos commissum videatur fuisse , & unum sententiam dicere , cum tam grande crimen per multos diffusum notetur existere ; quoniam nec firmum decretum potest esse , quod non plurimorum videtur habuisse consensum .* Quam belle , quam praeclare procedit haec ratio ! ut tum demum Ecclesiastica decreta firmitatem sibi vindicent , si plurimorum sint consensione munita . In eandem sententiam Christi Confessores Moyses , & Maximus Presbyteri , Nicostratus , ac Rufinus Diaconi , ceterique loquuntur : *Non oportere grande de-*

*Natum, nisi caute, ac moderate tractari consultiq;
omnibus Episcopis, Presbyteris, Diaconibus, &
ipsis stantibus laicis. Quam vero hisce similia suc-
cinit Cyprianus ipse epist. 13. de his, qui ad pa-
cem festinabant: Legi litteras vestras, Fratres ca-
rissimi, quibus scripsistis, salubre consilium vestrum
non doesse fratribus nostris, ut temeraria festinatione
deposita religiosam patientiam Deo praebeant, ut cum
in unum per ejus misericordiam venerimus de omni-
bus speciebus secundum Ecclesiasticam disciplinam tra-
ctare possimus. Et paullo inferius ead. Epist. Hoc enim
& verecundiae, & disciplinae, & vitae ipsi omnium
nostrum convenit, ut Praepositi cum Clero convenien-
tes, praesente, ac stante plebe, quibus & ipsis pro
fide, & timore suo honor habendus est, disponere
omnia consilii communis religione possimus. Quid mi-
rum ergo, si de Presbyteris suis queritur aliquan-
do S. Martyr, quod litteris ab eo datis, & quidem
multis nihil dum rescripsissent, cum sine illorum con-
silio nihil umquam moliretur: Miror, inquit, Fra-
tres carissimi, ad multas epistolas meas, quas ad vos
frequenter misi, numquam mihi rescripsisse, cum fra-
ternitatis nostrae vel utilitas, vel necessitas sic ui-
que gubernetur, si a vobis instructi rerum gerenda-
rum consilium limare possimus. Egregium sane de-
missionis, ac modestiae exemplum in tantae sanctita-
tis, ac doctrinae viro, cum se alieni consilii neces-
sitate teneri fatetur. Sed is erat Ecclesiae spiritus,
ut vel praeclarissimos Pastores suorum Presbyterorum
societate colligaret,*

*Haecenus de communione largienda, pauca modo
de interdicensa disseramus. Minitatus fuerat Feli-
cissimus Schismaticus homo iis, qui forte Cypriano
obtemperassent, a communionis distractionem, vi-
cem impio Satanae commilitoni rependit in haec
verba Cyprianus epist. 38. Cum Felicissimus commi-
natus sit, non communicaturos in morte secum, qui*

nobis obtemperassent, idest, qui nobis communicarent, accipiat sententiam, quam prior dixit, ut abstentum se a nobis sciat. Verum hujusmodi verba non eo accipienda sunt sensu, ut vere in Felicissimum a Cypriano anathema fuerit intortum, cum minis tantummodo haereret. Primo quia comminationi comminatione respondit; neque enim lenitatis erat mitissimi Praefulis, ut in crimen nondum plene admissum tam gravi supplicio animadverteret. Secundo, quod hac ipsa epistola innotescit, negotium hocce Concilio relictum, ac judicio plurimorum. *Quae omnia, inquit, tunc cognoscemus, quando in unum Collegis pluribus permittente Domino convenerimus.* Quosnam hic appellat collegas suos? Episcopos certe, ac Presbyteros suos, qui Concilio in Felicissimum habito interfuerunt, quique uno ore in Schismaticum anathema pronuntiarunt.

Haec de poenis, ad honores gradum faciamus. Et sane nemini ad sacros Ordines aditum, nisi Presbyterio adprobante, patere voluit Cyprianus. In ordinandis Clericis, ait epist. 38. *Fratres carissimi, solemus vos ante consulere, ac mores, ac merita singulorum consilio ponderare.* Quoties vero necessitas eum perpulisset, ut praeter morem ageret, nec convocato Presbyterio aliquem initiaret, uti in Aurelio contigit, purgat se Cyprianus apud suos eo ex capite, quod hujus viri spectata pietas, ac probitas nullum deliberationi relinqueret locum. Ceterum hujusmodi promotio nec a solo Episcopo profecta, neque inconsulto, aut invito Presbyterio vere dici poterat; quandoquidem sic ipsemet factum quodammodo excusat: *Merebatur enim talis Clericus Ordinationis ulterioris gradus, & incrementa majora: non de annis suis, sed de meritis aestimandus.* Et paullo inferius: *Hunc igitur, Fratres dilectissimi, & a me, & Collegis, qui praesentes aderant, ordinatum sciatis, quod & libenter amplecti, & opta-*

re soletis tales in Ecclesia quamplurimos ordinari . Nec enim inconsulto Clero factum censei potest , quod ad satisfaciendum optatis , & desiderium ejus explendum confectum est . Mirum in hisce verbis artificium latet & ad purgandum factum , & ad honoris testificationem , qua suos prosequabatur .

Hac eadem ratione permotus Celerinum inter Clericos retulit , Numidicumque auxit Sacerdotio . Et re quidem vera quid opus erat Presbyterii suffragio , cum caelesti miraculo ille prior Clero adjunctus fuerit , ut loquitur Cypr. epist. 34. *Clero non humana suffragatione , sed divina dignatione conjunctus : qui cum consentire dubitaret Ecclesiae , ipsius admonitu , & hortatu in visione per noctem compulsus est .* Hic posterior , teste Cypr. epist. 35. Presbyteris , Diaconibus , ac plebi universae inscripta , post illustre testimonium Fidei redditum , post durissimam quaestionem , post tantam animi virtutem , ut carissimam uxorem ad latus suum pro Christo igni consumtam siccis oculis aspexerit , cum dignissimus Sacerdotio videretur , numquam eo celsitudinis animum intendere ausus esset , nisi divina dignatione admonitus , & instructus Cyprianus pene invitum , & prae modestia reluctantem ad tanti muneris dignitatem perpulisset . Quid opus erat humana consultatione , ubi divinae voluntatis tam aperta significatio prodebat ?

At enimvero , cum expeditis Clericis opus haberet Cyprianus , per quos ad Clerum Rom. litteras mitteret , Saturum , ac Optatum sacris initiavit Lectorem alterum , alterum Hypodiaconum , praetermissa Cleri suffragio . Itane tandem ? Sed rem aliter se habuisse ex Cypriano ipso discamus epist. 24. *Fe- cisse autem me sciatis , inquit , Lectorem Saturum , & Hypodiaconum Optatum Confessorem , quos jama- pridem communi consilio Clero proximos feceramus . Et infra : Nihil ergo (sic factum excusat) a me ab-*

absentibus vobis factum est, sed quod jampridem communi consilio omnium nostrum coeperat, necessitate urgente promotum est. I nunc, & si animus est, hos clarissimos viros Clericorum albo inconsulto Presbyterio inscriptos affirma.

Sed quid opus est in inferioribus gradibus tamdiu immorari, cum ad Episcopatum ipsum totius Sacerdotii apicem non nisi suffragante Presbyterio aditus ex illorum temporum disciplina paruerit? Tralaticiae eruditionis rem esse video, neque longiori dissertatione hoc loco id complecti animus est. Satis habeo, quoniam Cypriani litterae ad manus sunt, hic de Cornelii Rom. Pontificis electione aliquid adpingere, quo antiquae electionis ratio clarissime innotescat. *Factus est*, ait epist. 52. *Cornelius Episcopus de Dei, & Christi ejus judicio, de Clericorum pene omnium testimonio, de plebis, quae tunc adsuit, suffragio, & de Sacerdotum antiquorum, & bonorum omnium Collegio.* Atque hujusmodi disciplinam ad primaeva revocat Apostolica tempora, immo ex divina auctoritate descendere putat epist. 68. ad Clerum, & Plebes in Hispania: *Quod postea*, ait, *secundum divina magisteria observatur in Actis Apostolorum, quando de ordinando in locum Judae Episcopo Petrus ad Plebem loquitur: surrexit, inquit, Petrus in medio discipulorum: fuit autem turba in uno. Nec hoc in Episcoporum tantum, ac Sacerdotum, sed in Diaconorum Ordinationibus observasse Apostolos animadverimus. . . . Propter quod diligenter de Traditione divina, & Apostolica observatione observandum, & tenendum est, quod apud nos quoque, & fere per Provincias universas tenetur, ut ad Ordinationes rite celebrandas. . . . Episcopus deligatur plebe praesente.*

Sed quorum haec plebis in Ecclesiasticis negotiis praesentia? (Divertor illuc, quo spondideram) Tria hic rata, fixaque nobis sint, oportet. Primum,

etsi plebem ad hujusmodi conventus invitata legimus in utriusque Testamenti paginis, ut Num. X. & Act. VI. nullo tamen id mandato divino praescriptum, quod idem deinceps faciendum juberet. Id certo certius innotescet, si attendamus & primis illis temporibus aliquando, & his postremis, omnino populum ab hujusmodi Comitibus submotum. Neque enim Ecclesia quidpiam contra divinum jus ausa foret. Secundum, diversa plane ratione Presbyterium, ac Plebem convenisse, ut plebs nimirum testimonio, Clerus judicio suffragaretur. Audiatur Cyprianus cit. epist. *Instruit, & ostendit Deus Ordinationes Sacerdotales, nonnisi sub populi assistentis conscientia fieri oportere, ut plebe praesente vel detegantur malorum crimina, vel bonorum merita praedicentur, & sit Ordinatio justa, quae omnium suffragio, & judicio fuerit examinata.* Quae verba, apposite subdit Natalis Alex. Hist. Eccl. Sec. I. dissert. 8. prop. 3. *distributive accipienda sunt, ut suffragium, sive testimonium pertineat ad plebem; judicium vero ad Clerum, & Episcopum.* Dictio certe suffragii approbationem significat in Jure, & apud alios Auctores. Et quidem alia etiam de causa haec Populi adprobatio desiderabatur, quam a S. Leone Magno discimus epist. ad Anastasium Thessalonicensem; nimirum ne Episcopus invitis dari videretur: *Is alteri praeferatur, inquit, qui majoribus & studiis juvatur & meritis tantum, ut nullus invitis, ac non petentibus ordinetur, ne plebs invita Episcopum aut oderit, aut contemnat, & fiat minus religiosa, quam convenit, cui non licuerit habere, quem voluerit.* Ceterum electionis judicem solum Presbyterium extitisse ex eo patet, quod Alexandriae teste Hieronymo epist. ad Gregorium a Presbyteris solis Episcopus deligeretur: *Alexandriae a Marco usque ad Heraclum, & Dionysium Episcopos Presbyteri numm ex se electum in excelsiori gradu*

du collocatum Episcopum nominabant. Patet iterum, quod nonnumquam, ut diximus, plebs a ferendo testimonio Conciliorum sanctionibus arceretur. Ita Laodicensem can. 3. Turbis non est permittendum, eorum, qui ad Sacerdotium promouentur, electiones facere. Neque id immerito; nam ipso Hieronymo attestante Lib. I. contra Jovinianum: Nonnumquam errat plebs, vulgique iudicium: & in Sacerdotibus comprobandis moribus suis favet, ut non tam bonum, quam sui similem quaerat Praepositum. Tertium, quod etiam ex superioribus consequitur, ideo Lapsorum causam apud Plebem quoque convocatam actam fuisse, ut nimirum, quorum defectione offensi fuerant, poenitentia erigerentur; agnoscerentque Ecclesiam spem iis reconciliationis facere, qui magnis vulneribus sibi, aliisque infligis, acri, ac diuturna curatione mederentur: utque testes criminum fuerant, emendationis itidem dicerent testimonium.

Nunc illorum sententia refutanda est, qui cum Cyprianum legunt, omnia Ecclesiasticae administrationis capita ad Presbyterii sui & arbitrium, & consilium retulisse, id S. Praefulis indulgentiae singulari erga suum Clerum, non ulli legis necessitati apponunt. Id enimvero falsissime, aut, ut levius dicam, temere affirmari contendo. Nam qua ratione id instituti singulariter Cypriano tribuimus, cum Cyprianus ipse testis sit hoc item Romae, quae Ecclesiarum omnium instar erat amplissimum, obtinere? Sic enim Cornelium compellat epist. 35. *Quamquam sciam, Frater carissime, pro mutua dilectione, quam debemus, & exhibemus invicem nobis, florentissimo Clero illic tecum praesidenti legere te semper litteras nostras. Deliberabat ergo cum Cornelio Clerus Romanus illic cum Pontifice praesidens super rebus a Cypriano scriptis. Et ad Lucium Papam epist. 68. cum Episcopo Presbyteros Sacerdotali honore conjunctos monet, perinde ac si rationem*

redderet, quare cum Episcopo Presbyteri praesiderent. Fortunatum item, ac Felicissimum non a solis Episcopis asserit iudicatos, sed a Presbyteris, ac Diaconibus; quibus Sacerdotii vigorem non defuisse docet epist. 55. ad Cornelium Papam. Haec iterum disciplina Asiaticas Ecclesias non latebat, quando Firmilianus apud Cyprianum epist. 75. haec habet: *Qua ex causa, inquit, necessario apud nos fit, ut per singulos annos Seniores, ac Praepositi, idest Presbyteri, & Episcopi in unum conveniamus ad disponenda ea, quae curae nostrae commissa sunt, ut si quae graviora sunt, communi consilio dirigantur. Quomodo ad indulgentiam referemus, quod Cyprianus necessitati disciplinae diserte assignat? Ut cum in unum, ait epist. 13. venerimus, de omnibus speciebus secundum disciplinam Ecclesiasticam tractare possimus. Adhuc luculentius epist. 17. Quae res cum omnium nostrum consilium, ac sententiam exspectet, praesudicare ego, & solus rem communem vindicare non audeo; & ideo stetur interim epistolis meis, quas ad vos proxime feceram; quorum exemplum Collegis quoque multis jam misi. Qui rescripserunt, placere sibi, quod statuimus, nec ab eo recedendum esse, donec pace nobis a Domino reddita in unum convenire & singulorum causas examinare possimus. Quantivis pretii hoc testimonium est! Dicesne integrum fuisse Cypriano omnium partes ad se corripere? aliis injuriam asserre? rem communem solum tractare? Atque id demum benignitati dabis, ac favori; an non iustitiae potius, ac necessitati? Jure ergo ubique sibi constans est, ac se non potuisse affirmat solitarie iudicare, cum multi adhuc de Clero absentes essent: locus superius recitatus est. Patet ergo, quo sensu asseruerit, sibi ab initio Episcopatus propositum fuisse nihil sua privatim sententia gerere. Quae ut in benigniorem partem interpreteris, non poteris evadere, quin affirmes, cum disciplinae*

necessitas Cyprianum adegerit, ut graviora negotia cum Presbyterii assensu gereret; eam illi fuisse religionem, ut nihil omnino privatim, ac sua sententia moliretur. Nimirum probe norat peritissimus vir, atque in Scripturis apprimè versatus suas esse & Episcopo, suas esse & Presbyteris partes, in eo praecipue sitas, ut Episcopis & consilio essent, & adjumento in Ecclesiasticae provinciae procuratione. Id ipsemet aperte testatur; cum nempe ad tempus recessisset, eo quod primi ordinis Pastores persecutio impeteret, in hunc modum Presbyteros alloquitur suos epist. 4. *Peto vos pro Fide, ac Religione vestra, fungamini illis & vestris partibus & meis, ut nihil vel ad disciplinam, vel ad diligentiam desit. Pares erant Presbyteri igitur & suis, & Episcopalibus partibus implendis; quae scilicet universa Pastoralis cura definiuntur.*

Id ea ratione monere volui, ut non solum Episcopo e vivis sublato, sed vivente adhuc posse contingere innotescat, ut solidum Ecclesiae regimen ad Presbyteros redeat. Et quoniam huc sermo noliter evasit, ut Cyprianicae secessionis meminerimus, non commitemus, ut aliud Rom. Cleri testimonium praetermittamus, quo sollicitudinem omnem, ac pastorem jurisdictionem in secundi Ordinis Sacerdotes absente Pastore migrasse demonstramus. Cum ergo malam in partem hujusmodi B. Martyris fugam interpretatus esset Rom. Clerus, ad Carthaginensem Clerum litteras sollicitudinis plenas dedit, epist. inter Cypr. 8. alias 3.; quibus etsi significant, Cypriano fortasse probabiles rationes non defuisse, quibus id consilii ceperit, ut solum verteret: eas tamen sibi non probari; ipsum potius videri muneri suo defuisse; se mercenarium potius praestitisse, quam verum Pastorem; utpote qui lupo instante, gregemque invadente se in pedes conjecerit. Hortantur ergo summo studio Carthaginense Presbyterium, ut in ministerii
sui

sui functionibus perseverarent immobiles ; fratribus in incipiti illo certamine adessent, caverentque, ne prae lapsorum multitudine caeleste aedificium collaberetur. Pergunt porro & exemplo suo illis incitamento esse : se videlicet Romae nulla formidine deterritos, quin & praesentia sua strenuis animos adderent, uti immobiles in Fide perseverarent ; & imbecilles deterrent, atque avocarent, cum jam jam Capitolium ascenderent profanis sacrificiis adfuturi : sese lapsos non deseruisse, quin potius brachium utrumque porrexisset, uti erigerentur aliquando. Haec uri a me recitata sunt, quid aliud probant, nisi Pastorem curam in solidum a toto Presbyterio possideri ; atque alterutrius partis negligentiam, aut fœcordiam, alterius studio, atque accuratione suppleri ? Nolim interea aliquid maculae in sanctissimi Praesulis, atque invictissimi Martyris exstimatione apud aliquem fortasse haerere. Quapropter nemini dubium esse volo, quin se rectissime gesserit in hac secessione sua Cyprianus tum ob alias egregias rationes, quibus se ipse apud Romanos plenissime purgat ; tum ob illam praecipue, quae rem nostram maxime juvat, quod quemadmodum Rom. Cleri vigilantia post obitum inclytæ memoriae Fabiani Pontificis factum est, ut sicut Supremo Pastore Ecclesia universa sese viduatam pene non senserit ; ita quoque consideret fore, ut Presbyterio pro Fide sua, ac Religione strenue advigilante, nihil Carthaginensis Ecclesia detrimenti caperet.

Et jam eo loci sumus, ut eventus nonnullos evolvamus, quibus non jam optimorum Antistitum, qualis erat inter primos Cyprianus, vices gereret Presbyterium, sed contra pessimos, ac male ominatos Pastores adversa fronte decertaret ; ac pro tuenda, asserendaque catholica orthodoxa fide praelium committeret. Tertio medio seculo Paullus Samosatæ in Syria ortus, unde ei Samosatæni cognomen hæ-

haesit, quibus artibus ignoratur, ad Antiochenam Sedem obrepsit. Ante Episcopatum tenuissimi patrimonii homo, accepto statim honore sceleribus, sacrilegiis, concussionibus, rapinis opulentissimus evasit. Superbus item supra quam dici possit, ac gloriae cupidissimus, Ethnicis etiam dignitatibus inhians *Ducenarii* sibi titulum comparavit, eoque potius, quam Episcopi nomine, gloriabatur. Amplissimam quoque Cathedram propudiosa conspurcavit libidine, duasque eleganti forma in comitatu habebat puellas; Clericisque sui similibus foeminarum permisit contubernium, ut flagitio grassante inter plures, minus objugationibus pateret. Ingemiscebant secreto hisce tam grandibus malis florentissimae illius Ecclesiae Presbyteri, ac praeter fas impii Praefulis tyrannidem reformidantes, ac potentiam; eo quod se se in fidem dedisset Zenobiae potentissimae Reginae, cui in Judaicam sectam propensae assentari statuerat, eum tot immanium criminum postulare non audebant. Cum porro animadverterent non exemplo tantum suo commissi gregis mores corrumpere; verum etiam impio procuro dogmate intemperatum Fidei depositum maculare (asserbat quippe Christum Jesum semper non fuisse, nec ante Virginem Mariam; Verbum, ac Sapientiam in eo inhabitare, sed quae tum primum hypostasim habere coeperit a Patre distinctam, cum in Virginis utero Christus formatus est) immensi piaculi loco amplius silere duxerunt. Non igitur Sedis amplitudinem, quam male foederat, veriti, non divitias, quibus affluebat, non Principum potentiam, qua intumescibat; vicinos Episcopos in belli societatem contra perditum Antistitem advocantes pluries in os ejus, in eadem urbe, in facie ejusdem Ecclesiae, quam suis blasphemis offenderat, convenerunt, ei dicam scripsere, uti iudicio se se sisteret, suaeque Fidei redderet rationem; tum perduellem, ac pervicacem Haereticum frustra

saepe admonitum anathemate percussum, throno, quem male occuparat, deturbarunt; ac Gregem e saevientis lupi faucibus perdere, ac mactare cupientis, eripuerunt. Illud hic silentio non est praetermittendum, quod narrat Eusebius Lib. 7. cap. 29. ad hanc Synodum Antiochenum Presbyterium una cum exteris Episcopis frequentissimos confluisse Presbyteros, ac Diaconos. Inter hos porro emicuisse sapientia, ac disputandi vi Malchionem Antiochenum Presbyterum, qui perfidum hominem, uti damnationem declinaret, ambiguis cavillationibus se se obtere pro viribus satagentem detexit, atque appositis interrogationibus eo perpulit, ut palam, ac sine ulla tergiversatione impiam doctrinam proferret. Eodem hoc Malchione, quod eloquentia, atque eruditione praeclaret, usi sunt Concilii Patres ad Synodales litteras conscribendas, quas tum ad Dionysium Rom. et Maximum Antiochenum; tum ad ceteros per Orbem Episcopos dedere, quibus & perversos Pauli mores, & impiam ejus doctrinam, tum damnationis, quam tenuerunt, rationem significarunt. Cui epistolae praeter sedecim Episcopos Malchion ipse & Presbyteri non pauci inscriptione praeceunt. Hos porro non Concilii Theologos, aut consilii ergo adhibitos, sed veros cum Episcopis iudices exstitisse ex eo constat, quod una omnes epistolae Synodicae inscribuntur, ad hunc modum: *Dionysio, & Maximo, & omnibus per universum Orbem comministris nostris Episcopis, Presbyteris, ac Diaconibus Helenus* (qui consequuntur Episcopi sunt) . . . *Malchion, & Lucius* (certe Presbyteri) *& reliqui omnes, qui nobiscum sunt vicinatum Urbium Episcopi, Presbyteri, ac Diaconi.* Apud Euseb. lib. 7. cap. 30. Quis porro hic se contineat, quin hos clarissimos Presbyteros Fidei assertores, antesignanos, immo & Custodes Depositi honorificentissima nomenclatione cohonestet?

Ho-

Hosce acerrimos commilitones imitati sunt quinto jam adolescente seculo Constantinopolitani Presbyteri ; quemadmodum Paullum ipsum Nestorius , qui peltifera , & exitiali haeresi ad ista usque tempora superflite totum Orientem implevit . Cum nempe Hominem in Virginis utero de Spiritu Sancto conceptum alium esse effutiret ab Unigenito Dei ; sanctissimamque ejus Parentem non θεοτοκον , sed χριστοτοκον appellandam praefracte contenderet , non ausus ipsemet tantam blasphemiam in vulgus efferre ; Dorotheo cuidam Episcopo , & Anastasio Presbytero , quos suos effecerat , imperavit , uti anathema in eos pronunciarent , qui Beatissimam Virginem θεοτοκον assererent . Id impudentissime in ipsa Constantinopolitana Basilica , uti jussi fuerant , nefarii perfecerunt emissarii , ibique in Cathedra sedente , ac probante Nestorio , impiis hisce vocibus Templum illud sanctissimum polluerunt . Incredibile porro dictu est , quanta omnium ordinum commotio , quis horror , quae execratio vix pronunciatam haeresim consecuta sit . Et principio quidam Monachus quidam Religionis studio incensus Anastasium palam haereseos postulatum Ecclesiae aditu prohibere conatus , Nestorii potentia oppressus flagris caesus in exilium actus est . Nihil interim hac contumelia profecit Nestorius ; Monachi quippe omnes , Populusque Constantinopolitanus , quin & Senatores ipsi , veriti ne impii hominis communione se se contaminarent , sacris Synaxibus abstinuere . Non ultra moliri Laicis licuit . Sed quid amplius , immo amplius multo Presbyteri praestiterunt . Nimirum a sacrilego Pontifice seorsum in Ecclesiam , quae Irene maritima dicebatur , convenientes , haereticum dogma palam coarguere coeperunt . Cum nempe intelligerent , gravissimum Gregi periculum ab iniquo Pastore imminere , Pastoralem curam , quam conjunctim ad id temporis subierant , totam in se conversam arbitrati sunt

sunt; sui que muneris esse quanta maxima sollicitudine providere, ne ab ipso capite efficacius se, ac facilius in membra omnia virus dimanaret. Hujus studii, diligentiae, atque invictae constantiae nomine colaudati sunt primo a Cyrillo Alexandrino, cui in profligando Nestorio palmam nemo praeripiet. Nam cum Pontificia auctoritate instructus habita Alexandriae Synodo ex universa Aegypti Dioecesi Nestorium damnasset, in eumque anathematis sententiam, nisi resipisceret, protulisset; litteras ad Clerum Constantinopolitanum perhonorificas dedit, quibus de re gesta edocerentur, & ad Fidem Catholicam tuendam inflammarentur vehementius; ac monerentur interim communicandum cum iis esse, quos perperam Nestorius communione interdixerat. Commendati sunt iterum a Pontifice Caelestino, qui & ipse postquam Concilio Romae habito Nestorium anathemate ictum exauctoravit, Clero Constantinopolitano scribendum censuit, ut constans in Fide permaneret, neve ulla ex parte labasceret persecutionis metu, quam contra Fidei vindices sacrilegus Patriarcha commorat. Quid plura? Ab hisce celebrandis nec ipsa abstinuit Ephesina Synodus Oecumenica Synodica epistola sua ad Clericos, & Oeconomos Ecclesiae Constantinopolitanae data, qua eos de Nestorii abdicatione certiores facit, & Ecclesiam, resque Ecclesiasticas commendatas iis jubet esse ad novi usque Pastoris inaugurationem. Ecce vero epistolae *επιστολὰς*: *Sancta Synodus, quae per Dei gratiam convenit, dilectis, & desideratissimis Comministris Constantinopolitagnibus, & religiosissimis ejusdem Civitatis Presbyteris, & Diaconis*. Hos non Comministros modo, sed etiam Concilii membra appellat: *Vos*, addit, *Oecumenicae Synodi membra estis, qui pietatis zelum per omnia ostenditis*. Erant porro hi Presbyteri membra Concilii non actu quidem, nam a Concilio aberant. Ergo jure; locus quippe, quem in Hierarchia
obti-

obtinebant, jus illis certe tribuebat, ut cum Episcopis & adessent, & judicarent. Quo nil certe disertius ad vindicandum Presbyteris jus suffragii, & quidem definitivi in ipsis Generalibus Conciliis, immo etiam in causis dogmaticis. Adeatur de toto hoc negotio Nat. Alex. Hist. Eccl. Sec. V. art. 12. Haec vero gemina Historiae Ecclesiasticae satis insignia monumenta ideo fusiori stilo a nobis deducta sunt, uti constet, sanctissimo, sapientissimoque consilio factum esse, ut singulae Ecclesiae Presbyterio instruerentur, nempe ut si quid humani Pastores aliqui paterentur, haberent in hoc lectissimo Senatorum Concilio & Pastores ipsi ad resipiscendum monitores, & Ecclesia praesidium, ne quid interim detrimenti majorum ruina pateretur.

Age nunc perfuncti longiori fortasse disputatione, cujus occasionem Cypriani testimonium recensentes nacti sumus, institutum ordinem prosequamur. Et quoniam nonnulla ex Eusebio Caesariensi delibavimus ad rem nostram facientia, non gravemur alia duo proferre monumenta. Is ergo Lib. 6. Hist. Eccl. haec habet de Origene: *Qui maxime probati, ceterisque per Palaestinam praestabant, Theotistes Caesareae, Alexander Hierosolymorum Episcopi cum praerogativis, supremoque honore dignum Origenem probavissent; ei manus, ut Presbyterio fungeretur, imposuerunt.* Vide, quanta insederit his praestantissimis Patribus Sacerdotii opinio, ut illud supremi in Ecclesia honoris nomine appellent; quo nescio quid dignius de Episcopatu ipso dici queat, quem supremum apicem nuncupare moris est. Libro iterum 7. Demonstr. Evangel. §. 2. sic Eusebius: *Tres in Ecclesia quoque ordines sunt, Ductorum unus, subditorum vero alii duo; Ecclesiae Christi in duas classes populo diviso, alteram Fidelium, alteram eorum, qui regenerationis lavacro digni nondum habiti sunt, idest Catechumenorum.* En doctissimus Episcopus

scopus cum nominis communione Ecclesiae administrationes ad Episcopos, Presbyteros, ac Diaconos, Ductores videlicet perspicue docet pertinere.

Accipe nunc ex Hilario pulcherrimam aliam totius Ecclesiae divisionem, in Sacerdotes scilicet, Ministros, & Subditorum populum universum. Locus integer recitandus est; Commentario quippe in Psal. 134. hos versus exponens: *Domus Aaron benedicite Dominum, domus Levi benedicite Dominum, qui timetis Dominum benedicite ei*: haec ait: *In his nomen, atque officiorum distinctionibus omnem Ecclesiae Populum complexus est . . .*. In Aaron Sacerdotes significari non ambiguum est. Sacerdos enim in Lege primus fuit Aaron, & exinde in successione ejus Sacerdotum honor mansit. In Levi autem Ministros ostendi absolutum est: haec enim Tribus in Ministerium electa est. Reliquus autem Populus, cui non Sacerdotii nec Ministerii, sed timoris officium est, in iis, qui timeant Dominum nuncupantur. Vides hic omnino Hilarium promiscuo Sacerdotum vocabulo usum ad designandos utriusque ordinis Sacerdotes, Presbyteros Episcopis pene sup- pares facere: cumque iterum populum eo a Ministris, ac Sacerdotibus dispescat, quod huic in timore, sive in obsequio partes sint; perquam evidens est, prioribus illis, id est toti Presbyterio, Episcopis, Presbyteris, ac Diaconis, sacrum imperium convenire.

Magnum Basilium in nostrae causae patrocinium posse etiam aspersere quanti demum reputabimus? Ecce autem tibi locus Comm. in cap. 4. Isaiae: *Quantuscumque praesidentia dignus habitus, & Presbyterio adscriptus, sive qui Presbyteri characterem irreprehensibiliter portat, maxime vero uxoris expertus, hic Presbyter est: si vero secundum Domini legem unius uxoris vir . . . hic Presbyter est*. Rursus Moralium Reg. 71. congestis in acervum Paulli de
Sa-

factorum Ministrorum officio locis , sequens caput hoc notat titulo : *Quaecumque de Episcopis , & Presbyteris conjunctim dicta sunt* . Vel nullo monstrante deprehendis hic & Presbyterorum praesidentiam , & praecepta a Paulo Episcopis imposita , eadem ad Presbyteros spectare , quorum sane praeceptorum cum nonnulla Ecclesiae gubernationem evidentissime spectent , ut illud in primis : *Si quis domui suae praeesse nescit , quomodo Ecclesiae Dei diligentiam habebit* ; quis sane tam impudens erit , ut Ecclesiae regimen Presbyteris abjudicet ?

Basilio Chrysostomum adtexam , quod in eadem sententiam , & vehementius fortasse loquatur . Hic quippe quaerens , qua demum ratione factum fuerit , ut Apostolus ad Timoth. VII. sacros Ecclesiae Ministros informans , postquam Episcopis vitae rationem praescripsit , praetermissis omnino Presbyteris , ad Diaconos instituendos gradum facit , haec habet intento digito notanda verba : *Omisso Presbyterorum Ordine ad Diaconos transiit* . Cur id vero ? quia non multum interest . Ipsi enim ad doctrinam , Ecclesiaeque praesidentiam ordinati sunt . Quaeque de Episcopis dixit , eadem Presbyteris coaptat : *sola enim Ordinatione supra eos ascenderunt* , & hoc solo Presbyteris superiores esse videntur . Locus auro contra aestimandus , quique eo dignitatis attollit Presbyterorum coetum , ut Episcopis ferme pares faciat , solaque ordinandi potestate hosce illis anteponat . Quodque sedula animadversione dignum censeo , illud est , non ex Presbyteris quempiam suis assentaturum ita scripsisse ; sed Episcopum , & quidem sapientissimum , ac jurum , quae dignitatem tuam spectarent , nihil certe ignarum ; immo alibi assertorem acerrimum . Neque id a Chrysostomo temere dictum ; quippe cum Evangelicum Sacerdotium in ratione imaginis sit adeo perfecta imitatio Sacerdotii Christi , ut nil ad eam perfectionis pos-

fit accedere, omnino fit, ut Episcopatus non fit, nisi extensio quaedam Sacerdotalis potestatis, ac characteris in eo sita, ut Sacerdotes alios creare possit. Similia plane opinatus est Angelicus Doctor, ejusque Schola.

Ab elegantissimo, facundissimoque Scriptore Graeco, eodemque Patre doctissimo sejungendus non est Latine, Graece, & Hebraice peritissimus Hieronymus; uterque nimirum sibi mirifice concinit. Hujus quippe recitatur vulgaris illa diserte rem nostram fovens sententia; *Quid facit Episcopus excepta Ordinatione, quod non faciat Presbyter?* Sed video me salebrosam, atque impeditissimam viam esse ingressum in Hieronymi testimonio proferendo. Hic nempe tam acer est, ac vehemens, ut periculum sit, si prima fronte judicium feratur, atque oscitanter, perfunctioreque textus verba percurrantur, ne de Episcopali dignitate Catholicam quis veritatem minus assequatur. Et revera satis intemperanter, ne dicam irreligiose, Medina lib. I. de Sacrorum hominum origine cap. 5. non solum Hieronymum, sed & Ambrosium, Augustinum, Sedulium, Primasium, Chrysostomum, Theophylactum, & Oecumenium, magna in Ecclesia nomina, paria cum Aërio sensisse autumat. Quae quidem opinio injuria adeo erga recitados hosce Patres visa est Bellarmino lib. 1. de Clericis cap. 15. ut temeritatis nota eam consignet. Licet Bellarminus ipse, ac Maldonatus Tract. de Ordine quæst. 4. cap. 8. Hieronymum in ea fuisse sententia credant, ut Episcopos putarit jure dumtaxat Ecclesiastico Presbyteris praestare; si potestas tamen jurisdictionis spectetur. His ita praefatis Hieronymi modo verba promenda sunt. Explicans igitur illud Apostoli ad Titum cap. 1. *Oportet Episcopum sine crimine esse;* sic habet in Comment. cap. 4. *Idem est ergo Presbyter, qui & Episcopus, & antequam Diaboli insinellæ studia in Religione* sic.

fierent, & diceretur in populis: Ego sum Paulli, ego Apollo, ego vero Cephae; communi Presbyterorum consilio Ecclesiae gubernabantur. Postquam vero unusquisque eos, quos baptizaverat, suos esse putabat, non Christi, in toto Orbe decretum est, ut unus de Presbyteris electus superponeretur ceteris; ad quem omnis Ecclesiae cura pertinebat, ut schismatum semina tollerentur. Putet aliquis non Scripturarum, sed nostram esse sententiam, Episcopum, ac Presbyterum unum esse, relegat Apostoli ad Philippenses verba dicentis, Paulus, & Timotheus servi Jesu Christi, omnibus Sanctis in Christo Jesu, qui sunt Philippis, cum Episcopis, & Diaconis, gratia vobis, & pax, Philippi una est urbs Macedoniae. Et certe in una Civitate plures (ut nuncupantur) Episcopi esse non poterant. Sed quia eisdem Episcopos illo tempore, quos & Presbyteros appellabant, propterea indifferenter de Episcopis, quasi de Presbyteris est locutus... Haec propterea, ut ostenderemus apud veteres eosdem fuisse Presbyteros, quos & Episcopos: paulatim vero, ut dissensionum plantaria evellerentur, ad unum omnem sollicitudinem esse delatam. Sicut ergo Presbyteri sciunt, se ex Ecclesiae consuetudine, ei, qui sibi praepositus fuerit, esse subiectos, ita Episcopi novit, se magis Ecclesiae consuetudine, quam dispositionis Dominicae veritate, Presbyteris esse majores, & in communi debere Ecclesiam regere, imitantes Moysen, qui cum haberet in potestate solus praeesse Populo Israël, septuaginta elegit, cum quibus Populum judicaret. Iterum epist. 85. ad Evagrium: Quod autem, inquit, postea unus electus est, qui ceteris praeponeretur, in schismatis remedium factum est, ne unusquisque ad se trahens Christi Ecclesiam rumpe-
ret. Nam & Alexandriae a Marco Evangelista usque ad Heraclam, ac Dionysium Episcopos, Presbyteri semper unum ex se electum in excelsiori gradu collocatum Episcopum nominabant; quomodo si emer-

citus Imperatorem faciat, aut Diaconi eligant de se, quem industrium noverint, & Archidiaconum vocent.

Non illud nunc hic ago, qua nimirum ratione hi Hieronymi textus ad orthodoxum sensum convertantur. Novi id a Theologis nostris, & quidem summi subfellii optime praestitum, quibus subscribens ratum esse volo, Hieronymi verba eum sensum facile pati, ut Episcopos asseramus cum Ecclesia Catholica Presbyteris & Ordine, & jurisdictionis potestate praestare. Quod porro isthaec excellentia a jure divino descendat, non facile Hieronymum suffragatorem habebimus, nisi ejus dictis manifestam vim volumus asserre, saltem si excellentiam istam utraque potestate definiamus. Sed quoniam nostrae causae nobis servire propositum est, age in ea verba oculos coniciamus, ubi diserte tradit Hieronymus ante Corinthiacum schisma communis Presbyterorum consilio Ecclesias gubernatas. Hunc enim locum praecipue tractandum suscipimus, quod aliquis inde posset utcumque colligere, post memoratum schisma antiquum morem exoivisse, totoque in Orbè decretum, ut unus de Presbyteris electus superponeretur, ad quem omnis Ecclesiae cura pertineret. Is enim scrupulus omnino eximendus est, ne tota aedificii moles uno impetu collabi videatur. Ajo itaque pristinum morem adhuc exacto Corinthiaco schismate perstitisse immotum, ac laudata Hieronymi verba eo accipienda sensu, ut cum prius ante schisma Presbyteri nullo sub capite Ecclesiam administrarent, qua ex re schismati occasio patuit, exinde decretum fuisse, ut unus ceteris superponeretur, non quidem aliis administratione exclusis; sed tamen unius directioni obnoxiiis. Ad eundem ferme modum, quo cum dixit Apostolus omnium Ecclesiarum sollicitudinem suis humeris imminere, ceteris Ecclesiae ministris sollicitudine non interdixit, sed Apostolatus jure potioremi sibi partem vindicavit.

Id

Id certo certius unicuique patere affirmo, si animadvertit 1. ad ea verba: *Ego sum Pauli, ego sum Cephae, ego Apollo*; quibus significatur, unumquemque Presbyterum *arbitrarius, sine directione*, sibi suos aggregasse discipulos. 2. Hieronymum Episcopos inter, ac Presbyteros *intermixtos* probare argumento, quod sumit ex Epist. ad Philippenfes, ubi *eosdem dicit Episcopus illo tempore, & Presbyteros appellari: propterea indifferenter*, subdit, *de Episcopis, quasi de Presbyteris* Paullum locutum. Scripta vero est haec epistola anno a morte Domini nono, ac vicesimo. Laudat etiam Hieronymus in idem argumentum Epistolam ad Hebraeos eodem anno datam. Laudat iterum scribens ad Evagrium Epistolam ad Timotheum, quae ad tertium, ac tricesimum annum pertinet. At Corinthiacum schisma in annum incidit vicesimum, aut primum, ac vicesimum a Christi morte. Omnino ergo consequitur, & post schisma memoratum eandem disciplinam, licet ex parte temperatam viguisse. 3. Hieronymus aetate sua, diu scilicet post Corinthiacum schisma, Episcopos scribit una cum Presbyteris debere Ecclesiam regere. Sic enim in suis in Epist. ad Titum Adversariis Episcopos monet: *Ita Episcopi noverint se magis consuetudine, quam Dominicae dispositionis veritate Presbyteris esse majores, & in commune debere Ecclesiam regere.* 4. Adhuc luculentius Epist. ad Evagrium 85. Edit. Basileensis sua tempora respiciens ait: *Quid enim facit excepta ordinatione Episcopus, quod non faciat Presbyter?* Sentiebat ergo Hieronymus sua etiam aetate communi, licet dissimili, Episcopos ac Presbyteros in regenda Ecclesia auctoritate potiri. Antequam vero Hieronymum desero, nolim mihi animadvertiunculam excidere in illa verba, quibus dicit Episcopos debere Moysen imitari: *qui cum haberet in potestate solus praeesse Populo Israël, se-*

*ptuaginta elegit, cum quibus populum iudicaret, hoc scilicet argumentum ab exemplo petatum procedere, non a pari, sed, ut ajunt, a majori ad minus: si nimirum Moyſes, cui a Deo fuerat datum, ut ſolus Populo praeceſſet, conſortium ſeptuaginta ſeniorum adſcivit, quàm ſapientiſſimam agendi rationem auctoritate ſua Deus ſanxit, quanto magis Episcopis Presbyterorum in Eccleſia adminiſtranda ſocietatem reſpuendam non eſſe, quando & Presbyteri etiam ad idem regimen divinitus acciti ſunt, quippe non mere Monarchicum, ſed Ariſtocratia temperatum a ſanioribus Theologis aſſeritur? Sit denique coronidis loco Hieronymus ipſe, qui Epist. ad Nepotianum ait: *Episcopi Sacerdotes ſe eſſe novērunt, non Dominos: honorent Clericos, quaſi Clericos, ut & ipſis a Clericis, quaſi Episcopis honor deferatur. Scitum eſt illud oratoris Domitii: Cur ego te, inquit, habeam ut Principem, cum tu me non habeas, ut ſenatorem.* Subjicit deinde, *Episcopum, ac Presbyteros in unam Sacerdotalem familiam, in unum coaleſcere Sacerdotium, mutuis devinctos officiis, ut Aaronem, ac Filios ejus: quod Aaron, & Filios ejus, hoc Episcopum, & Presbyteros eſſe noverimus. Unus Dominus, unum Templum, unum etiam ſit miniſterium: Quam belle procederent omnia, ſi ſic animati eſſent Episcopi invicem, ac inferioris Ordinis Miniſtri!**

Hieronymum excipiat Ambroſius, qui Off. lib. 2. cap. 27. Episcopum monendum cenſuit, ut Clericos ſuos, maxime Diaconos, veluti quaedam ſui corporis membra reputaret: *Episcopus, ait, ut membris ſuis utatur Clericis, & maxime Miniſtris, qui ſunt vere filii: quem cuique viderit aptum muneri, ei deputet.* Id de Diaconis, quid vero dicturus de Presbyteris? Parentis certe loco habendos vult: *Sed & Sacerdotem convenit, Presbytero deferre, ut parenti.* Quid luculentius ad ſignificandam

com-

communem utrique Ordini Ecclesiae procurationem, licet haec alteri, ut capiti, alteri, ut membris conveniat?

Ab Ambrosio non facile divellendus Augustinus ejusdem rei disertissimus testis; nam lib. 3. contra Parmen. cap. 2. Presbyterorum in Ecclesia ~~et~~ ^{post} ~~non~~ agnoscit, Laicis asserens posse a Presbyteris communione interdici, quemadmodum Episcopis potestas est Clericos exauctorandi: *Quam facile de gradu Clericorum, inquit, quisque ab Episcopo, vel de Congregatione Laicorum sive ab Episcopo, sive a Clero, sive a quocumque Praeposito, cui potestas est, eximitur.* Episcopis ergo, ac Clericis, majoribus certe, qui Praepositorum nomine decorantur; sacrum in Laicos Fideles imperium est demandatum. Adhuc disertior locus est in Epist. 21. ubi factam sibi vim conqueritur, cum ad Sacerdotium evehctus eire: *Vis mihi, inquit, facta est merito peccatorum meorum (nam quid aliud existimem, nescio) ut secundus locus gubernaculorum mihi traderetur, qui rem tenere non noveram.*

Adjungam Augustino Auctorem quaestionum veteris, ac novi Testamenti inter opera Augustini relatum, quem eundem esse cum Auctore Commentariorum in Epistolas Pauli, nimirum Hilarium Sardinum Ecclesiae Rom. Diaconum autumant eruditi. Is quippe, ut sodales suos Rom. Diaconos fastu tumentes, ac se se efferentes supra Presbyteros comprimeret, longius certe fervore disputationis abripitur, ac Sacerdotum dignitatem cum Episcopali componit: *Qua lege, inquit, quave consuetudine, quoniam exemplo hoc aggredi audeat (Diaconus) nullum scire arbitror, ut istos (Presbyteros), quibus in Ecclesia confessus datus est, minime iis coaequet, qui propter quod Antislites Dei sunt, in domo Dei, & in honore Christi cum dignitate consistunt.* In Diaconos igitur invehitur, quod Sacerdo-

tem Antistiti aequalem non habeant, atque Episcopo subesse contenti, subijci Presbyteris dedignentur, cum sedendi honor in Ecclesia Christi utrique conveniat. Id quidem acerbius aliquanto. Subdit vero: *Quid est Episcopus? nisi primus Presbyter, hoc est Summus Sacerdos. Denique non aliter, quam Compresbyteros, & Consacerdotes suos. Numquid & Ministros Condiaconos suos dicit Episcopus?* Haec potro magis veritati consona. Quis enim aliquando Episcoporum erubuit Sacerdotes Compresbyteros, ac Consacerdotes appellitare? ne litem hic interea de Condiaconis Auctori moveam; cum scitum sit a Basilio hoc nomine condecoratos Sabinium, Eustathium, atque Elpidium Diaconos suos in fronte litterarum, quas ad eos conscripsit. Stultus vero sim, si monere hic velim Lectores Compresbyteri, ac Consacerdotis vocabula, ministerii, atque administrationis indivulsam societatem designare.

Sed omnino operae pretium facturi videbimur, si quaedam hic inferamus ex auctore opusculi de septem Gradibus, sive Ordinibus Ecclesiae, qui quamvis Hieronymus audiat, quod inter ejus opera recensitus sit liber, apertissima tamen sententiarum, ac styli dissonantia facit, ut opus S. Doctori abjudicemus. Hoc sane testimonio eo vel magis oblectamur, quod cum totus esse videatur Auctor in amplificanda Episcopali dignitate, ut Clericos velit in manibus Episcopi esse argillae instar, ex qua vas quodlibet pro lubitu suo queat effingere, de Presbyterorum tamen & honore, & officiis veritate adactus tacere non potuit. Accipe ergo ejus sententiam. *Sextus seniorum Ordo est, qui Sacerdotibus datur, qui Presbyteri dicuntur, qui praesunt Ecclesiae Dei, & Christi Sacramenta conficiunt: hi autem cum Episcopo consortes ministeriorum sunt...* Nemo hinc Episcoporum invidia Diabolicae tentationis inflatus irascatur in templo, si Presbyteri interdum

*Aut exhortentur plebem, si in Ecclesiis praedicent, si plebibus, ut scriptum est, benedicant. Etenim abnuenti mihi ista sic dicant, qui non vult Presbyteros facere, quae iubentur a Deo, dicat, quis major est ab initio, ut legimus, negotiorum iudices esse mandati sunt Presbyteri. Quoniam ipsi Presbyteri, ut legimus Episcopi nuncupantur (respicit hic Apostoli testimonium) Presbyterum Episcopum dici ab Apostolo, & in Presbytero summum Sacerdotii collocari intelligis atque ita est; ut in Episcopis Dominum, in Presbyteris Apostolos, qui & ipsi sunt, recognoscas In Subdiaconis Angelis, in Diaconibus Archangeli, in Presbyteris Apostoli, in Episcopis Deus. Dilucide hic Episcoporum praestantia (quod est Fidei Dogma) elucet, sed non minus Presbyterorum munera innotescunt, quippe quibus & praeesse, & Apostolos ipsos referre adscribitur. Merito igitur nonnullorum Episcoporum detractum carpit, quod excluso Sacerdotum consortio soli affectent principari: Quis ergo, inquit, o Sacerdotes, vester honor est, ut damna gregibus inferatis? Quoniam, cum Pastoribus per potentiam vestram aufertur Deo digna diligentia, contagium quoddam, ac calamitas crescit in gregibus, ac Deo nostro non patrimonii damna conquiritis, dum soli vultis in Ecclesiis potentari. Summi igitur detrimenti loco habendam jubet *avropatiav*.*

Incerti nominis auctores produxi non eo quidem consilio, ut ex eorum scriptis sententiae meae fidem inconcussam conciliarem, sed ut disciplinae suis temporibus vigentis rationem testarentur. Quia in re si quid ad veritatis normam minus exactum iis excidisset, mendacii facile potuissent coargui. Nec cuiquam jure aliquid sinistri de iis suspicari fas est, cum certissimae auctoritatis scriptoribus mire consentiant; sive illis, qui aetatem suam praecesserunt, sive iis, qui subsecuti sunt.

V. Seculi teflem Magnum Leonem damus, qui Serm. 1. de collectis Fideles hortatur, ut Mauichaeos latentes Presbyteris denuntient Sacerdotali auctoritate excommunicatione multandos: *Quod ideo, inquit, vestrae notum facimus sanctitati, ut hujusmodi homines a sanctorum societate sacerdotali auctoritate pellantur.* Quadrag. 4. cap. 5. quae res non nisi coacta Synodo: *Residentibus*, ait, *mecum Episcopis, ac Presbyteris expedita.*

Prodeat nunc Magnus Gregorius VI. seculi testis doctissimus aequae, ac veteris disciplinae retinentissimus. Is Romae Synodum habuit ad perpurgandas quasdam, quae in Ecclesiam irrepserant, corruptelas. Concilio aderant non Episcopi solum ad viginti tres, sed & Presbyteri quatuor ac triginta, qui Synodo subscribere. Res patet ex lib. 4. Regesti cap. 88. Ibi: *Gregorius cum Episcopis omnibus, & Rom. Ecclesiae Presbyteris residens, adstantibus Diaconis, & cuncto Clero.* Aliud iterum ab eodem Pontifice collectum est Concilium an. sexcentesimo primo, cui cum Presbyteris novem Episcopi quinque interfuerunt. Adeatur ejusdem Regest. Liber 9. pag. 439. Neque dicas consilii solius causa ad ejusmodi conventus accitos Presbyteros; nam quo minus ita reputemus, subscriptiones faciunt, quae rerum definitionem, non merum consilium sapiunt. Et quidem jure suffragii super quaestionibus discutiendis Presbyteros fuisse potitos non solum anathema communi voce prolatum demonstrat, uti in Concilio Romae habito ad corpus B. Petri; operum Greg. tom. 1. ubi: *& responderunt omnes per singula capita tertio, anathema sit; sed etiam verba indicant ipsius Pontificis: Gregorius dixit, postquam textus oblatae petitionis innotuit: Probus Abbas paulisper abscedat, ut de his, quae petit, cum Fratribus, Filiisque nostris, quid statuendum sit, deliberare possimus: quo resedente, postquam diu de petitione tra-*
sta-

*Statum est, dixit Papa Gregorius: Probus Abbas rursus adveniat, ut ea, quae nobis cum Fratribus, Filiisque nostris in commune visa sunt, censeamus. Intuemur hic Rom. Pontificem cum Presbyterio suo super Ecclesiasticis rebus ubique deliberantem. Ac sane fateri oportet, si alicubi primitiva Ecclesiae disciplina, quae tota in consortio, ac societate est, effloruit, Romae certe diligentissime; summaque religione a primis temporibus ad hanc usque aetatem obtinuisse. Innumera sunt, quae proferri possent exempla, & fortasse commodiore loco. Neque enim aliud decebat institutum Ecclesiarum omnium Parentem, ac Magistrum, quae ceteris normam, & exemplar erat praebitura. Hinc minime mirari subit, si idem Pontifex lib. 11. Epist. 13. cassâ jubet esse, atque irrita Episcopî acta Presbyterorum, ac Diaconorum subscriptionibus minime munita: *Mandato, inquit, legaliter facto, tuis, ac Presbyterorum, seu Diaconorum subscriptionibus reborato.* Quod perinde est, ac si nullius roboris esse dicatur, si quid contra gestum fuisset.*

Ad haec eadem tempora pertinet egregius ille Doctor, Isidorus Catholicae Ecclesiae novissimum decus, in seculorum fine doctissimus; ac cum reverentia nominandus, quod Toletanae Synodi praecônium est. Hic lib. 2. de Officiis Eccl. cap. 7. Presbyteros Episcopis socios dat, ac consortes in Ecclesia procuranda, utrisque praefecturam, utrisque dispensationem conceditam ait: *Presbyteri autem, inquit, interpretantur seniores, quia seniores aetate Graeci Presbyteros vocant; his enim sicut Episcopis dispensatio mysteriorum Dei commissa est. Praesunt enim Ecclesiae Christi, & in consecratione divina Corporis, & Sanguinis consortes cum Episcopis sunt, similiter in doctrina populorum, & in officio praedicandi. Sed sola propter auctoritatem Summo Sacerdoti Clericorum ordinatio, & consecratio reserva-*

ta est, ne a multis Ecclesiae disciplina vindicata concordiam solveret, scandalum generaret. Nonne tibi videtur audire hic Hieronymum in hujus Doctoris scriptis redivivum? Non merum Presbyterum tamen, sed florentissimae Cathedrae Episcopum, qui nullam dignitati suae injuriam irrogatum iri putat, si paullo inflexa verborum conceptione illud Hieronymianum usurpet: *Quid facit, excepta ordinatione Episcopus, quod non faciat Presbyter?* Et supra cap. 5. de Sacerdotibus sermonem habens, ait: *Episcopos latine superintendentes possumus dicere, ut intelligat non se esse Episcopum, qui non prodesse, sed praeesse dilexerit; Episcopatus enim, ut quidam prudentium ait, nomen est operis, non honoris.* Ubi iterum communione nominis operis societatem inter Ordinem utrumque aperte commonstrat. Unde & Paulus, subdit, de ordinatione Episcopi, & Diaconi scribens, de Presbyteris omnino tacuit, quia nos in Episcopi nomine comprehendit. Secundus enim, & pene conjunctus est gradus. Illud, fateor, duriusculum, Episcopis nempe Ordinationem Clericorum concessam, ne a multis disciplina vindicata concordiam solveret: id, inquam, duriusculum, nisi divina lege hoc jus consecrandi, & ordinandi Episcopis tributum singulariter, benigne interpretemur.

Nunc porro ceteri testes conglobatim producendi. Una nimirum omnium est sententia. Hujusmodi sunt Primasius Adrumetinus in Africa Episcopus Comm. Epist. Paulli, Sedulius Scotus in cap. 2. Epist. ad Titum. Inprimis vero Venerab. Beda, qui homil. de sanctis die S. Lucae sic se habet: *Primis Ecclesiae temporibus, ut Apostolica scriptura testis est, utrosque Presbyteros, utrosque vocatos Episcopos, quorum unum sapientibus maturitatem, alterum industriam Pastoralis curae significat.* Utrique igitur Ordini sicut maturitas, sic & Pastoralis cura respondet. Denique Hincmarus Rhemensis noni Seculi scrip-
ptor

ptor doctissimus, & ipse Episcopus recitatis Bedae verbis in Concilio Athiniacensi ad Hincmarum Fratrem & ipsum Laudunensium Episcopum ita scribit cap. 10. *Episcopi in primordiis nascentis Ecclesiae, & usque ad non paruum temporis progressum uno nomine in singulis officiis vocabantur, sicut in Epistola Petri, & in Epistolis Johannis, & in Epistolis Pauli manifestatur, sicut Hieronymus ad Evagrium Presbyterum ex auctoritate Scripturarum ostendit. Cur, amabo, unocum Presbyteris nomine censebantur, nisi quia & officiorum communione copulabantur?*

Haecenus porro Scriptorum illorum seriem per-textuimus, qui disciplinae aeo suo obtinentis oculati testes fuere. Age nunc & Ecclesiae Concilia percurramus, quae disciplinam eandem in sacris Scripturis consignatam, & a majoribus acceptam auctoritate sua ne exolesceret, apprime caverunt. Ordiamur ergo ab antiquiore Synodorum illarum, quarum saltem Canones aetatem tulere, & ad nos usque pervenerunt, Illiberitana scilicet habita an. 305. Canones illi conditi sunt Presbyteris sex & viginti praesentibus, ac subscribentibus. *Cum confedissent sancti, & religiosi Episcopi in Ecclesia Eliberitana.... residentibus etiam viginti & sex Presbyteris, adstantibus Diaconis.* Labbè tom. 1. Concil. In Arelateni Concilio an. 314. coacto Episcopi, Presbyteri, ac Diaconi promiscue confedere. Nemo vero hic mihi objiciat, in hisce conventibus Presbyteros nulla judicandi potestate praeditos, nec suffragii jura habuisse. Oppositum enim me constanter affirmantem tutantur primo eruditi, inter quos Mendoza, qui sic censet: *Utrorumque subscriptiones indicant discernendi auctoritate olim Presbyteros non caruisse: aliter enim quorsum tot ipsorum subscriptiones? Tutatur secundo Synodus Laodicensa moris antiqui testis locupletissima; ex qua discimus, Presbyteros judi-*
cia-

viaria potestate non caruisse; en ejus verba: can.
 36. Ὅτι οὐ δεῖ πρεσβυτέρων πρὸ τοῦ εἰσιόδου τοῦ Ἐπι-
 σκοποῦ εἰσεῖναι, καὶ καθίσθαι τῷ βήματι· ἀλλὰ μετὰ
 τοῦ Ἐπισκοποῦ εἰσεῖναι, πλην εἰ μὴ ἀνωμαλοῖη, ἢ ἀπο-
 θυμῷ ὁ Ἐπίσκοπος. *Non oportet Presbyteros ante Episco-
 pi ingressum ingredi, & sedere in Tribunali, sed cum
 Episcopo ingredi, nisi Episcopus affecta sit valetudine,
 vel peregre profectus.* Primum illud accurate animad-
 versum volo, quod sessionem in Tribunali Canon ap-
 pellat. Quid enim Tribunal, aut cui usui, nisi juri
 dicundo, aut jurisdictioni exercendae? Per se res cla-
 mat, aut si ad ejus dictionis vim assequendam testimo-
 nia requiras, ecce in promptu Joh. locus XIX. 13. Καὶ
 καθίσεν ὁ Πιλάτος ἐπὶ τὸ βῆμα. *Sedit Pilatus pro
 Tribunali.* Ecce & aliud ex Aristophane in Pluto:
ἐπὶ τοῦ βήματος καθίσθαι: pro Tribunali sedere.
 Alterum, quod notatu opus est, Episcopo, aequè
 ac Presbytero licere pro Tribunali sedere. At Epi-
 scopo id licitum, quod jurisdictione polleret. Ea-
 dem ergo de causa & Presbytero licebat. Tertium
 solis Presbyteris adhuc id juris fuisse, sed Episcopo
 vel absente, vel aegrotante. Qua quæstio de causa,
 nisi quia tunc temporis integra hæc facultas in Pre-
 sbyterium convertebatur? Ignorabat nimirum anti-
 quitas alium quempiam, qui vices Episcopi, vel
 aegroti gereret, vel absentis, nisi totum simul Presby-
 terium, quod & alibi etiam monere operae pretium
 putabo.

Venio ad Nicaenum Concilium, maximum illum
 sanctissimumque totius Christiani Orbis Conventum,
 summa semper veneratione, & obsequio ab Eccle-
 sia cultum, & exceptum. Et possent quidem susce-
 ptæ causæ patrocinari hujus Concilii Canones 4.
 15. 18. vetantes Episcopos, Presbyteros, & Dia-
 conos mulieres ullas, præter propinquas, & quidem
 próximas, in contubernio habere, ne illorum exi-
 stimationi vel suspicionis macula quæpiam illinere-
 tur.

tur. Item 12. interdicens, Episcopos, Presbyteros, Diaconos ex una in aliam Ecclesiam commigrare. Canon itidem 13. Diaconorum insolentiam adversus Presbyteros comprimens, quod ipsi non sint, nisi Episcoporum Ministri, ac Presbyteris inferiores. Hi enim Canones tanti Thomassino videntur de Benef. lib. 3. part. 1. cap. 7. ut inde concludat: *Superiorem hunc Clerum fuisse Episcopo conjunctum, reliquo Clero, & Populo praeeminens, imperitansque.* Sed disertius aliquid, luculentiusque pro Presbyterorum jurisdictione desiderari video; quod certe nobis suppeditat Nicaena ipsa Synodus, cum ratum esse jussit Alexandrini Concilii judicium, quo cum Episcopis quibusdam plures Presbyteri convenerant, atque Arium haereseos convictum Presbyteratu deturbarunt. Qua de re sic loquitur Epiph. haeres. 69. *Alexander Arium ad se vocans, & quid ita se res haberet, interrogat: tum ille nihil tergiversatus, aut cunctatus statim frontem perscrutans pravam omnem suam opinionem evomuit Quamobrem Alexander habito Presbyterorum, & quorundam, qui aderant, Episcoporum conventu de eo quaestionem habet, ac diligenter examinat; tum veritati cedere detrectantem ejicit ex Ecclesia, ac tota civitate proscribit.* Tria hinc Presbyterio honorificentissima colligimus. Primum in gravissima fidei quaestione cum Episcopis Presbyteri sententiam ferunt. Alterum in refractarium Presbyterum non Episcopus solus, sed totum Presbyterium anathematis, ac proscriptionis poena animadvertunt. Tertium judicium hoc, quo nihil momentosius, Magna Nicaena Synodus confirmat, non profecto confirmatura, si Presbyteri Judices fuissent illegitimi. Eadem porro ratione se gessit Chalcedonense Concilium. Quemadmodum enim Nicaenum Alexandrinae Synodi acta confirmavit: ita plane Chalcedonense sanxit auctoritate sua acta Synodi Constantinopolitanae adversus Eutychetem.

Pre-

Presbyterum, atque Archimandritam, quibus contra Haereticum praeter Episcopos unum, & triginta, Presbyteri etiam viginti tres subscribere. Agnovit ergo Concilium legitimum iudicium, ubi Presbyteri iudices sedent, atque jus dicunt. Sed de hoc aliquid aliud inferius.

Opportune autem ex Epiphanio didicimus, quare se se gereret Episcopus, cum aliquis e Presbyterorum coetu poena aliqua graviore foret afficiendus; numquam nimirum sibi soli iudicium vindicasse Episcopum secluso Presbyterii consortio. Hinc enim lux affulgebit Canoni Antiocheno 4. cuius auctoritatem cum possem defugere, quod a Julio PP. I. Athanasio, ac Chrysostomo Canones hi rejecti fuerint, atque explosi, utpote minus iusti Concilii, nolui tamen, propterea quod in Codicem, quo Concilii Chalcedonen'sis tempore utebatur Ecclesia, relati fuerint, & accepta quae iis sancita fuit disciplina. En Canonem: *Si quis Episcopus a Synodo depositus, vel Presbyter, aut Diaconus a proprio Episcopo, ausus fuerit aliquid de ministerio agere, sive Episcopus secundum praecedentem consuetudinem, sive Presbyter, sive Diaconus, nullam amplius in alia Synodo spem restitutionis, neque defensionis locum ei habere liceat; sed & omnes ei communicantes ab Ecclesia abiciantur, & maxime, si postquam cognoverint sententiam adversus praedictos fuisse prolatam, ei communicare ausi fuerint.* Commentemur aliquid in hunc Canonem. Habemus hic Presbyterum, aut Diaconum a proprio certe Episcopo deponi solitario ne, an Presbyterii damnantis corona stipatum? Ita sane, quod patere ajo, tum ex sententia contra Arium ab Episcopo una cum Presbyterio pronuntiata; tum (quod hoc Canone tacite subindicatur) quia Episcopus non a solo Metropolitano, sed a Synodo deponendus statuitur; Synodo certe totius Provinciae. Presbyter ergo deponebatur in Synodo

totius Paroeciae, idest toto Presbyterio judicante. Presbytero porro, aut Diacono sic ab Episcopo, ac Presbyterio deposito, si sententiae paruisset, ministerioque abstinuisset, perfugium patebat ad Provincialem Synodum, eique spes supererat, fore, ut in pristinam dignitatem restitueretur: rebelli, ac contumaci spes omnis intercludebatur.

Sensus autem hic, ad quem quantum Canonem defleximus, illustrior fiet ex ejusdem Synodi Can. 3. quo statuitur, Clericum, qui propria deserta Paroecia (scilicet Dioecesi) in aliam commigraverit eo consilio, ut multo ibi tempore immorari pertendat, ministerio abdicandum suo, maxime si Episcopo suo reversionem imperanti innotigerum, se se praebuerit. Quod si in perversitate perduret, depositionis poena mulctetur. Quae poena non ab proprio Episcopo, sed a Synodo irrogetur; nam & a Synodo coercendus praecipitur alter forte Episcopus, qui sic depositum intra suam Paroeciam susceperit, ac ministrare permiserit: *Si autem eum, verba sunt Synodi, qui propter hanc causam depositus est, alius Episcopus susceperit, ille quoniam a communia Synodo coercetur, ut qui Ecclesiastica statuta dissolvat.* Quid enim, quaeso, sonat illa copulativa quoque, nisi suscipientem Episcopum ejusdem Synodi coercitioni fore obnoxium, quae in contumacem Clericum depositionis sententiam pronunciaverat. Et id quidem optimo, saluberrimoque consilio factum, ut non unius arbitratui, quem saepe in errorem labi contingit, sed plurimorum sententiis sacrorum Ministrorum fama, honor, ac dignitas permitteretur. Hoc namque & civili etiam potestati familiare est, ut penes plurium Judicum Collegia juris dicendi facultatem deponat, quos ad unum falli certe difficilius est.

Neque in hunc, quem regulimus, Canonem impingit ejusdem Concilij novus in hunc modum prae-

cipiens : Unumquemque Episcopum potestatem habere
suae Paroeciae, eumque administrare pro suo studio,
ac religione, & curam gerere totius regionis, quae
suae urbi subest : Sed numne potestatem hanc regen-
di abrogamus, si ad Episcopi curam, ac sollicitudi-
nem, etiam Synodi, ac Presbyterii accefferit solli-
citus, ac cura ? Quemadmodum enim idem Canon
edicens, ut Metropolita totius Provinciae curam
gerat, nihil Episcoporum singulorum curae vult im-
minutum; sic totius Paroeciae Episcopo sollicitudi-
ne imposita, Presbyterium eadem sollicitudine mi-
nime arcet: eo vel maxime, quod eodem Canone
Metropolitae ipsi interdictum sit quidpiam gravioris
momenti sine provincialium Episcoporum sententia
moliri, ut inde colligamus ex illius temporis di-
sciplina & Episcopis singulis veritum fuisse mo-
mentosi aliquid secluso Presbyterii consortio aggre-
di. Agnoscit quippe Synodus, Majores Clericos
una cum Episcopo Ecclesiae praeesse can. 1. Si quis
autem eorum, qui praesunt Ecclesiae, Episcopus, vel
Presbyter, vel Diaconus post hanc definitionem ausus
fuerit &c.

Ad Nicaenum modo revertamur, atque aliquid
aliud adhuc luculentius pro re nostra mutuemus. Et
quidem in hoc Magno Concilio Presbyteros cum
Episcopis sedisse, judicasse, subscripsisse conjectura
primum assequi posse videmur ex Eusebii testimonio,
qui ipse praesens Concilio aderat, asserentis Episco-
pos, qui Synodo interfuere, ad ducentos quinquaginta
fuisse. Si porro verum est, quod communis
fert opinio, Concilii Patres fuisse octodecim, ac
trecentos, omnino ad hunc implendum numerum
Presbyteris octo, ac sexaginta indigemus. Sed post-
modum conjectura locum fecit evidentiae, ubi in
Aquilejense Concilium an. 381. incidi. Ibi Palla-
dus, ac Secundianus Episcopi, & Attalus Presby-
ter damnati sunt Arianae haereseos nomine. Inter
ea

ea Attalo Presbytero exprobrat D. Ambrosius, quod Arianæ doctrinae faveret, & id, postquam Nicenæ Fidei subscripsisset. Factum non audet negare Attalus; sed respondentum se negat: *subscripsisti*, ait Ambrosius, *in Tractatu Nicaeni Concilii, an non?* Non tibi respondeo, ait. Ex Episcopis unus, se Attalum subscribentem vidisse, tellatur: Sabinus Episcopus dixit: *testes sumus nos, Attalum subscripsisse in Conc. Nicaeno*. Hic igitur Presbyter erat, subscripserat, non post temporis intervallum, sed *in tractatu Nicaeni Concilii*. Subscripserat nomine proprio: *sub Episcopo suo Agrippino*. Quid ergo amplius desideratur, ut appareat, hunc Attalum Concilii Nic. Patrem exstitisse?

His igitur ita constitutis mirum non videbitur, si Sardicense Concilium, can. 13. Apostoli vestigiis insistens vetat, Neophytos summas Ecclesiae Dignitates, Episcopatum nempe; Presbyteratum, ac Diaconatum invadere, hoc est, ait Thomas. cit. loc. *ad Clerum illum irepere, qui summus, qui princeps est, qui regendae Ecclesiae aptus natus est; cum regendo ineptus maxime sit, qui gubernaculo & ipse indiget*. Hac mente Valentinum Concilium depositionis poena in Episcopos, Presbyteros, ac Diaconos animadvertit, qui de crimine quopiam in Ordinatione convicti fuerant; vel illud praepostero humilitatis studio confessi, cum fama periclitante, aut convulnerata, Ecclesiae gubernandae vel inutiles, vel perniciosi evasissent.

Sed nullibi haec nostra magis exultat, disputatio, nullibi firmitus causae nostrae praesidium collocatum est, nullibi disertius sese sapientissima haec prodit disciplina, quam in Africanis Conciliis. Magni nimirum Cypriani magisterio imbuti Patres illi, immo potius sacrarum Litterarum testimoniis convicti in plurimorum consensione, veritatem, sapientiam, praesentissimum Dei auxilium, rerumque omnium

summam positam esse, irritum esse statuerunt, quid-
quid neglecto Cleri consilio, praesentia, consensu
gestum umquam fuisset. Auream hanc constitutio-
nem debemus Patribus Concilii Carthaginensis IV.
can. 23. *Ut Episcopus, ajunt, nullius causam au-*
diat absque praesentia Clericorum suorum: alioquin
irrita erit sententia Episcopi, nisi Clericorum prae-
sentia confirmetur. His consona omnino habet can.
27. *Ut Episcopus sine consilio Clericorum suorum*
Clericos non ordinet. Sunt nimirum Presbyteri Epi-
scoporum Collegae in ministerio, ac propterea can.
34. statuitur: *Ut Episcopus quolibet loco sedens sta-*
re Presbyterum non patiatur. Et can. 35. *Ut Epi-*
scopus in Ecclesia, & in confessu Presbyterorum su-
perior sedeat, intra domum vero collegam se Pre-
sbyterorum esse cognoscat. Insanirem profecto, si
commentando clarissimis hinc verbis lucis aliquid
adspargere studeam. Illud certe non praetermit-
tam, cordi fuisse Ecclesiae, ut utrumque Ordinem ar-
ctissimo caritatis vinculo invicem agglutineret, &
Presbyteros quidem vellet honoris delatione Episco-
pos occupare, & Episcopos cum iis obsequio certare.

His ita statutis, ecceui mirum poterit esse, si Presby-
teri Conciliis intersunt, consultant, deliberant, suf-
fragium ferunt, subscribunt? Id modo magnae Ni-
caenae Synodi exemplo evicimus. Paulo superius
Ephesini Concilii verba audivimus, Presbyteros Con-
cilii membra appellantis. Aliquid etiam, quoniam
hic sumus, ex Chalcedonensi promamus. Sunt haec
nimirum sacrationa Ecclesiae Concilia. In hoc igitur
Concilio Presbyteri ipsi deliberabant: *Theophilus*
Reverendissimus Presbyter .. dixit: Omnes Reverendissi-
mi Clerici Constantinopolitanae Ecclesiae dixerunt ...
Cassianus Presbyter, qui fuit cum Bassiano dixit
Reverendissimi Episcopi, & Clerici Constantinopolitani
clamaverunt, Philippus Reverendissimus Presbyter di-
xit. Concil. Chalced. pag. 521. Adhuc clarius Pre-
sby-

sbyteros definitivisse patet. Lecta nempe Eutychetis confessione, continuo reclamatum est, quod ea Nicaenae Fidei vel adderet, vel detraheret, hinc: *Aegyptii, & qui cum ipsis Reverendissimi Episcopi, .. Orientales, & qui cum ipsis Reverendissimi Episcopi clamaverunt: Adjectionem nullus suscipit. Quinam sunt, amabo, isti Aegyptii, Orientales isti cum Episcopis conclamantes, nili eorum collegae Presbyteri? Quamobrem recte concludit doctissimus Guffanvillaeus Op. Greg. tom. 2. In Chalcedonensi Concilio Presbyteros quasi iudices sedisse, pauci sunt, qui ignorant; sed injuria factum causantur, quasi vero in Conciliis Apostolorum Seniores non sederint, aut sederint multi.*

Immenti vero esset laboris Synodis omnibus hic prolatis rem persequi. Nonnulla ergo satis sit veluti coronidis loco ex Ecclesia Principe monumenta producere, ut recta inde consecutione, id & in aliis Ecclesiis factitatum colligamus, cum hoc institutum ab ea Cathedra non abhorreere intelligimus, quam occupat ille, cui cum omnium Ecclesiarum sollicitudine amplissimam potestatem ac jurisdictionem divinitus traditam non dubitatur. Jovinianum ejusque exitialem deliramenta cum vellet proscribere Syricius Papa, Presbyterio coacto, impium hominem damnavit. Facto ergo Presbyterio constitit Christianae legi esse contraria ... Omnium nostrum tam Presbyterorum, quam Diaconorum, quam etiam totius Cleri una suscitata fuit sententia. Hanc damnationem, uti par erat, ratam habuit Ambrosius, qui ad Syricium in haec verba referiplit: *Quos Sanctitas tua damnavit, scias apud nos quoque secundum iudicium tuum esse damnatos.* Quam magnifice vero Presbyteri, ac Diaconi Apostolicum Thronum regere dicuntur a Felice PP. epist. 4. qui exauctorato Pseudo-patriarcha Petro Gnaphaeo Alexandrino; *firma sit, inquit, haec tua depositio a me, & ab*

*bis, qui una cum Apostolico Throno regunt. Quam recte idem Pontifex epist. 7. Episcopos, Presbyteros, ac Diaconos Ecclesiae summa fastigia nuncupat: Ut ergo ab Ecclesiae summitatibus inchoemus, quos Episcopos, Presbyteros, vel Diaconos fuisse constiterit &c. Et bene summitates Ecclesiae, quod scilicet una cum supremo Hierarcha in Apostolico Throno confideant. Depositionis iridem poena in Anastasium Card. a Leone IV. inflicta est ex Rom. Concilii sententia: In Synodo Anastasius Presbyter Card. ab omnibus Canonice est depositus, eo quod Parochiam suam, &c. Cap. ex gestis de Cler. non residentibus. Mira vis in illis verbis sentitur: ab omnibus canonice est depositus; perinde ac si Canonicum non foret, quod non ab omnibus esset decretum. Actum est in Romana Synodo sub Hilario Papa de transferendo Hispano Episcopo de una ad Sedem alteram: praeter Pontificem, & Episcopos Presbyteri interfuere, ac Diaconi Rom. Ecclesiae, illi confidentes, hi stantes: Residentibus etiam universis Presbyteris, adstantibus quoque Diaconibus. Nec vero praesentia sola, sed & consilio, ac suffragio adfuisse certo certius constat, cum Apostolicum Thronum regere modo a Felice acceperimus. Acclamationes autem, ac plausus tam frequenter in sequioris aevi Conciliis usurpatae, jam tum invaluerant: Ab universis Episcopis, & Presbyteris acclamatum est, ut disciplina servetur, ut Canonés custodiantur, rogamus. Hilario vita &c. Concilio Rom. III. sub Felice Papa III. Presbyteri omnes Romani subscribunt; quod ad Diaconos non videtur pertinere; dicitur enim adstantibus quoque Diaconibus. Idipsum legas in Synodo II. Romana sub Gelasio, plaudunt similiter, & acclamant Presbyteri, ac Diaconi. Cum Martinus hujus nominis primus in Monothelitas anathematis mucrone vellet animadvertere, ad Concilium Presbyteros, Diaconos, ac
 Cle-*

Clerum universum accivit: *Sedentibus Episcopis, & Presbyteris, adstantibus Diaconibus, & Clero universo.* Sedent ergo cum Episcopis Presbyteri, quod iudicium singularis est praerogativa: Adstant cum Clero inferiori Diaconi. Subscribunt iidem Presbyteri in Synodo Rom. sub Gregorio II. & post hos Diaconi. Sed nullo alio in loco Rom. Presbyterii vigor se se exseruit, ac constantia plane singularis, nili cum timor incessit, ne labatceret Eugenius II. Monothelitarum insidiis circumventus, ac de Decessorum suorum infracta constantia remitteret. Tum enim, annuente etiam plebe, vi pene illata adversus Pontificem depugnavit, neque eum prius facra facere passus est, quam polliceretur, se se epistolam Petri Patriarchae Constantinopolitani plane rejecturum: *Et accensus Populus, & Clerus, ait Ananias Bibliothecarius; eo quod talem Synodicam direxisset; minime est suscepta, sed majori strepitu est a sancta Dei Ecclesia rejecta: ita etiam, ut nec eundem Papam dimitteret Populus, & Clerus Missas celebrare, nisi promississet Pontifex minime eam aliquando suscipere.* Videtis in hocce Presbyterio Paulum quodammodo in Cephæ faciem resistentem. Quis porro dubitet, num disciplina, quæ tam religiose Romæ servabatur, in aliis perinde Ecclesiis vigeret? Illud certe discriminis inter Ecclesias hæcce intererat, quod cum Romana Ecclesia & Metropolitico jure polleteret, & Patriarchali, ac toti Christiano Orbi sollicitudinis plenitudine præesset; ad illam & ex Provincia, & ex Dioecesi, immo & ab universis Christianis Ecclesiis causæ discutiendæ, ac dirimendæ referebantur. Id vero fiebat in concitorio consueto, in illius Ecclesiæ senatu, in Presbyterio Rom. Pontifice præsidente. Quod idem ad simplices sive Metropoles, sive Dioeceses aptandum est; ut nimirum illarum Urbium Presbyterium ordinarium esset Tribunal quæstionibus ex Provincia perlatis, aut

ex Dioecesi, finitendis. Episcopatum vero urbium Presbyterium de tota, ac singulari Parocchia cum Episcopo iudicabat.

Sed ut Roma in regiones Christiani Orbis alias excurramus, Gallicanae Ecclesiae omni tempore & pietate, & sapientia florentissimae Synodos aliquot excutimus, ut assertae veritati honor suus constet. Opportune nobis occurrit Turonense Concilium habitum medio fere VI. Seculo: sic habet de remotione Abbatum, vel Archipresbyterorum sine Cleri consilio non tentanda: *Ut Episcopus nec Abbatem, nec Archipresbyterum sine omnium suorum Compresbyterorum, & Abbatum consilio de loco praesumat ejicere: neque per praemia alium ordinare, nisi facto Concilio tam Abbatum, quam Presbyterorum suorum: quem culpa, aut negligentia ejicit, cum omnium Presbyterorum Concilio refutetur.* Eadem ubique recurrit disciplina; sed hic nimis arctis limitibus Episcopi circumscribitur potestas, cum sine Presbyterio nihil moliri permittitur, nihil tentare; ac si quid minus recte gestum fuerit, communi Presbyterorum sententia rescindi. Nonne vides hic aggeribus quibusdam Episcopale arbitrium circumsepiri, ne pro ingenio suo, sive jure, sive injuria, quo libuerit, multorum cum offensione, ac detrimento excurrat. Sane fatendum est mirificam plane hujus Concilii Patribus Presbyterii opinionem insedisse; nam can. 2. decernunt, *ut si quid quaestionis, aut jurgii inter ipsos Episcopos forte exoriatur, electis ex parte utraque Presbyteris conciliatoribus consopiantur.* Concilio Parisiensi IV. anni scilicet 573. in quo de Promoto actum est, quem Aegidius Rhemensis Episcopus contra Canones ad Episcopatum temere provexerat, praeter Episcopos Launovaeus Presbyter interfuit, suffragiumque tulit. Synodum habuit S. Anucharius Antisiodorensis Episcopus, an. 578., ibique ad instaurandam suae Ecclesiae disciplinam quin-

quinque, ac quadraginta conditi sunt Canones. Synodo unus Aunucharius Episcopus aderat, Abbates sex, Presbyteri tres ac triginta, ac tres Diaconi suffragii jure potiti. Quid quod Episcoporum ipsorum negotia Presbyteris etiam judicantibus definita reperiuntur? Id patet exemplo Sapharaci Episcopi Parisiensis, cujus causa composita fuit an. 555. praesentibus Sanctis, ac Venerabilibus viris Episcopis Medovecho, Leubeno, Leubachario Abbate, Hiculpho Presbytero, Aeterno Archidiacono, ac Castricio Diacono. Vernense Concilium an. 757. celebratum can. 4. ad Synodum una cum Episcopis Abbates, ac Presbyteros convenire jubet: *Et illi Episcopi ibidem conveniant, quos modo vice Metropolitanorum constituimus: Et alii Episcopi, vel Abbates, sive Presbyteri, quos ipsi Metropolitanus ad se venire jusserint. Ibidem in ipsa secunda Synodo convenire faciant.* Concilio Bracharensi I. in Hispaniis cum Presbyteris, & Provinciae Episcopis Clerus adfuit universus: *Confidentibus simul Episcopis, praesentibus quoque Presbyteris, adstantibusque Ministris, & universo Clero.* Verum ut confusione ex multitudine iretur obviam, Concilium IV. Toleranum cavet, ut selecti tantum ex Presbyteris afforent, ac Diaconis: *Vocentur Presbyteri, quos causa probaverit introire. Post hos ingrediantur Diaconi probabiles, quos ordo poposcerit intareffe.* In Conciliis enim Oecumenicis repraesentatio quaedam elucet Ecclesiae universae, & in Capitulis particularis cujusque Ecclesiae repraesentatio est. Utrobique & in universali, & in particulari qualibet Ecclesia, in Conciliis & in Capitulis praesident, ac praesulgent Episcopi, Presbyteri, & Diaconi.

Sed quanti demum censebimus peculiaribus Synodis interfuisse Presbyteros, quando ipsa Oecumenica Concilia tanti eos fecere, ut honestissimo in confes-
su suo eos excipere non respuerint, live disputando
opus

opus esset ad veritatem illustrandam, & heterodoxos revincendos, sive subscribere necesse fuerit, ac sententiam dicere, sive absentium vices Episcoporum gerere, sive demum primae Cathedrae partes sustinere? Exemplis hac in parte abstinemus, quod res sit & illis perspecta, qui Canonica monumenta vel primoribus labiis delibarent, & satis superius hac de re actum fuerit, ac prolato Ephesini potissimum Concilii testimonio demonstratum sit, eam Synodum ad Constantinopolitanum Presbyterium litteras dantem honorificentissimo viros illos Presbyterorum, ac Condiacorum nomine compellatos de Nestoriana exauctoratione certiores fecisse: tum porro dedisse in mandatis, uti ad electionem usque novi Patriarchae Ecclesiae rebus advigilarent, curarentque diligenter pro suo munere, quae Pastoralem sollicitudinem spectarent.

Id enimvero maximi ponderis est, quod non solum deposito, sed & absente, vel vita functo Episcopo in ejus partes, & munera omnia Presbyterium ipso jure vocabatur. Et quidem quoties morte interceptus esset Episcopus, antiquitus, immo ab Ecclesiae exordio, id ita obtinebat, & ad haec usque tempora obtinet adhuc: res est expedita, nullique obnoxia disputationi. Sed absente illo, vel impedito, aliter olim, ac nunc res se habebat. Nimirum ignota erat ea aetate Vicariorum suffectio: solidum quippe Presbyterium in Episcopalia succedebat jura; nec immerito, nam quae conjunctim expediti oportet, altero deficiente, in alterum consolidantur. Absens Cyprianus haec ad Presbyteros, ac Diaconos suos scribit: *Officium meum vestra diligentia praesentet; & faciat omnia, quae fieri oportet*, Epist. 6. lib. 3. Et alibi: *Horror, & mando, ut vos vice mea fungamini circa ea gerenda, quae administratio religiosa deposcit*. Testatur Hilarius in eo, quem Constantio obtulit, libel-

bellō, exulem sese per Presbyteros suos interim Ecclesiae suae consuluisse: *Licet in exilio permanens, & Ecclesiae adhuc per Presbyteros meos communionem distribuens.* Quo tempore, quae de causis disciplina haec exoleverit, non est hujus loci disquirere.

Atque hic, etiam me tacente, animadversio illa cuivis legenti incurret; exquisitissima nimirum diligentia, & accuratōne maxima dignissimos aetatis illius Praefules operam dedisse, ut nonnisi probatissimi homines tum morum sanctimonia, tum doctrina, inprimis Ecclesiastica, in Presbyterium adlegerentur. Cum nempe non solum indivisa secum consortione res Ecclesiae, ac saepenumero maximas gesturi essent, sed solitarie etiam absente, vel sublato Antistite Ecclesiae statum procuraturi essent; satis intelligebant, sibi pro viribus adnitendum, ut hujusmodi promoverentur, quibus haec omnia bene, feliciterque cessura spes foret non indubia. Adlectos autem sic informabant, ut paulatim idonei forent Episcopali sarcinae sustinendae. Videbatur tunc quidem Presbyterium, si ita loqui fas est, veluti ludus quidam, ubi Ecclesiastici homines ad Pastorale exercebantur officium, cum praesertim ex illo, veluti ex Trojano equo, Episcopi ipsi saepissime prodituri essent.

Seminarium ergo Episcoporum dici poterat hoc vetus Presbyterium, non memorata solum de causa, quod nempe ut plurimum ex hoc Collegio seligerentur ad Episcopale fastigium provehendi; quae de re Episcopum Calaritanum monebat Gregorius lib. 11. epist. 49. ut sic ad alias Ecclesias Presbyteros suos dimitteret: uti suae etiam vellet consultum, ne nimis exhauriretur: Sic tamen, ut non omnes ad Episcopatum de Ecclesia ipsius deligantur. Nam sic convenit cum alios ordinare, ut Ecclesiae suae de personis, quae in ea possint proficere,

*esse, necessitatem non faciat: sed etiam, quod Episcopi non pauci in amplissimam istam societatem referrentur. Id accidebat primo, si ipsis ad Civitates illas, quibus praefecti erant, accessus non pateret, aut pacifica commoratio. Sic Ancyra Synodus Can. 19. hosce Episcopos in illud Presbyterorum Collegium regredi jubet, unde ad Episcopatum fuerant acciti, Episcopali honore, & ornamentis fructuros, modo Episcopo Dioecetano subesse non detrectarent, ne Ecclesiastica unitas discinderetur. Pari ratione statuit Nicaenum I. Can. 8. ut Episcopi, qui ejurato Novati-Schismate, ad Catholicam unitatem se conferrent, Episcopatu, quo perturbati erant, iterum potirentur. Quod si alius interea Catholicus Episcopus ad illam Cathedram forte evectus esset; tum contenti essent inter Presbyteros ejusdem Ecclesiae accenseri; esset vero in potestate Episcopi Episcopalia illis insignia utenda permittere. In eandem sententiam constituit Antiochena Synodus Can. 18. ut honore, functionibusque in Presbyterio dignarentur, *τιμῆς, καὶ λειτουργίας*, si qui forte quacumque de causa insuperabili aut Urbes Episcopales adire, aut ibi ministerio fungi prohiberentur.*

Contingebat idipsum secundo demissionis causa, ac modestiae plane singularis. Nonnulli enim eximiae virtutis viri inviti fere, ac reluctantes ad Episcopatum adigebantur. Et non pauci quidem vel precibus, vel suasionibus permovebantur, ut Ecclesiae gubernacula susciperent, & Episcopali sarcinae collum supponerent. Alii contra inflexo & indomabili animo renitebantur; nec ullo modo molliri poterant, ut onus impositum subirent. Cum his postremis hac ratione agendum existimabatur; ut nomine, honore, ac functionibus Episcopalibus retentis in Presbyterorum Collegio vitam degerent. Istiusmodi Eustathius fuit Pamphyliae Metropoli-
quo

quo ita cavît Ephesina Synodus Act. 7. *Sed quia adversus ejus animum a rebus gerendis alienum non admodum decertari oportuit, sed misereri potius sententiam justum, rectumque definimus, ut nomen retineat Episcopi, & honorem, & communionem:* τοῦ τῆς ἐπισκοπῆς ὀνόμα, καὶ τὴν τιμὴν, καὶ κοινωνίαν. Illud ipsi interdicitur, ut sine Episcopi Dioecesani venia aut ordinet, aut rem divinam faciat propria auctoritate: μὴ χειροτονῶν, μὴ ἱερουργῶν.

His porro rationibus fiebat, ut Episcopi nonnulli inter Presbyteros agerent, quos inter in ipsos quoque Episcopalis amplitudinis ac potestatis pars non modica refundebatur. Non enim ad hanc classem referre oportet criminosos illos, qui Episcopatu dejecti omnis honoris exortes habebantur; nam nec inter Presbyteros locum obtinere patiebantur Ecclesiae Canones. Quapropter cum Eustathius Berytensis Episcopus in Presbyterorum ordinem rede-gisset eos, quos Episcopatu depulerat, antea a Photio Tyri Metropolitâ ordinatos, obstitit Synodus Chalcedonenſis adnitentibus Pontificiis Legatis; judiciumque rescissum est, utpote Presbyterii sanctitati contumeliosum; & Ecclesiae legibus repugnans; idque *ἱεροδυνας* sacrilegii loco meritiſſime habitum est, cum sine gravissima ordinis sanctiſſimi violatione committi non posset, ut quibus Episcopales functiones in criminis poenam interdictae essent, iis Presbyterales permitterentur. In hanc ergo sententiam canon hic cusus est: *Episcopum in Presbyteri gradum deducere sacrilegium est.*

PARS ALTERA

*Jura Presbyterii in Collegia Canoniorum
transfusa.*

Presbyteri, de quibus haftenus differuimus, non consilio solum, sed & opera, ac labore Episcopis praesto erant. Ignota quippe hisce seculis desidiosa vita, & otio serviens. In Coenobiis certe virtutum exercitationi, ac contemplationi locus erat. In Clero perfectionis statu actio contemplationi conjuncta & propriae, & aliorum saluti consulebat. Non Beneficiis animarum cura adnexa, sed Ordini, aut Ordini simul, ac Beneficiis, cum indivulsus esset iis temporibus a Beneficiis Ordo. Attondebatur, & ordinabatur prorsus nemo, cui non statim sacrae quaedam functiones assignarentur, indiceretque Ecclesia, ubi munus obiret aliquod spirituale, ex quo & temporale demeteret stipendium. Ita praeclare rem totam paucis complexus est Thomas. De Benef. part. 2. lib. 1. cap. 33. Hinc Presbyteri Parochorum partes explebant ad unum omnes, sive in eadem cum Episcopo Ecclesia, sive in diversis Paroeciis, ubi essent illae a Cathedrali divulsae. Num cum in satis multam excrevisset multitudinem Fidelium Populus non in pagis modo, sed & in amplioribus urbibus, ut Romae, plures excitatae sunt Paroeciales Ecclesiae, ubi sacrae Synaxes ab uno Presbytero, quem Parochum postera appellavit aetas, habebantur: eique Presbytero regionis illius cura concredita est. Hujus instituti prima origo, ac tempus plane non constat. Sunt qui referant ad medium III. Seculum sedente Romae Dionysio Pontifice, Illud certe affirmari potest, longe ante Seculum IV. morem hunc ubique receptum, uti colligere est ex Athanasio Apol. 2. Hieronymo lib. contra Luciferianos, Innoc. epist.

ad

ad Decentium, ex Concilio Neocaesariensi. an. 313. prohibente, ne Rurales Presbyteri sacrificium offerrent in Urbe praesentibus Urbanis Presbyteris: *Presbyteri ruris in Ecclesia Civitatis Episcopo praesente, vel Presbyteris Urbis ipsius offerre non possunt. . . . si vero absentes hi fuerint, & ad eandem orationem vocentur, soli dare debebunt.* Denique ex Sardicensi Synodo statuente. can. 13. ut si Episcopus diutius ruri ageret negotiorum causa Dominica die Parochiali Missae intersit: *Si est proxima civitas, in qua est Presbyter, ne sine causa videatur facere diem Dominicum, illuc accedat.*

Diaconi similiter per duodecim saltem Ecclesiae Secula Ordinem a Beneficio indivisum accipiebant, spirituales nempe potestatem adnexam juri ad annonam temporalem; ideoque certae semper Ecclesiae illigabatur, quisquis creabatur Diaconus. Nam quemadmodum ubi audieris Episcopum, non sacrum quemdam Ordinem solum, spiritualesque potestatem concipis, sed & gubernandae Dioeceseos munus, fruendaque & utenda, quae sunt muneri conjuncta bona temporalia: ita apud SS. Patres, Concilia, receptumque totius Ecclesiae usum, per annos saltem mille, ac ducentos, Presbyteri nomen, ac Diaconi, tum sacrum Ordinem caelestemque, quo in Ordinatione insigniti sunt, characterem, tum spirituales designat potestatem in Christi Fideles; ac jus ad rem temporalem, quae sustentationis loco cedat. Utque nemo hunc Episcoporum in Ordinem adsciscitur sine Ecclesiae cura spirituali, ac temporali; ita ab ipsis Ecclesiae incunabulis nemo poterat ad Presbyteri, aut Diaconi evehi dignitatem sine spirituali in certa Ecclesia munere, conjunctaque ei temporali re, & annona.

Hi omnes sive Presbyteri, sive Diaconi ita suis Ecclesiis, sive Titulis, veluti quidam cardines erant affixi, ut vere Cardinalium nomenclaturam tulerint.

Quod

Quod sane Cardinalium nomen, non modicae illud quidem antiquitatis (nam & Augustini aeo Petilianus Donatista conquerebatur uni Ecclesiae alios superinductos Episcopos a Catholicis praeter Cardinales, & authenticos, & Gelasius I. apud Gratianum Dist. 14. cap. 4. Cardinalem Episcopum Visitatori opponit; id quod Gregorio Magno usitatissimum est) quod, inquam, nomen iis a prima usque origine ad haec nostra tempora in Ecclesia saltem Romana, ac in pluribus aliis perpetuo adhaesit. Et quidem praeter Episcopalem tria alia aedium sacrarum genera in amplioribus urbibus erant; quarum aliae Tituli, aliae Diaconiae, aliae demum Oratoria appellabantur. Oratoria dicebantur illa, quae non modo Baptisterio destituta erant, sed in quibus Sacrum publice fieri minime fas erat. Testem de Gregorium ipsum paullo ante laudatum, qui Castorio Episcopo Ariminensi Oratorii cuiusdam consecrandi potestatem facit, *absque Missis publicis; ita ut nec Baptisterium construatur, nec Presbyterum ibi constituat Cardinalem*. Lib. X. ep. 12. Erant & Diaconiae, & quidem in singulis Urbis regionibus, Domus nimirum Hospitales accipiendis, & alendis viduis, pupillis, egenis, omnique subsidiorum genere fovendis. Hisce singulis singuli praeerant Diaconi Regionarii, qui ab ipsa sua institutione his curandis personis praefecti fuerant. Illis autem Xenodochiis non procul aberant sacrae Aedes, & ipsae Diaconiae appellatae, Adhuc aetate nostra Neapoli harum superesse vestigia testatur Mazochius in immortalis Opere suo de Ecclesia Neapolitana semper una. Super has autem eminabant Ecclesiae Titulares, sive Tituli, maximae post Cathedralem dignitatis, plures, paucioresve pro Urbium maiori, vel minori amplitudine. His praeerant Presbyteri Titulares, sive Cardinales memorati. Hi porro Presbyteri sive Cathedrali, sive Titulis affixi, ac velu-

ti cardinati una cum regionariis Diaconis unum cum Episcopo constabant Presbyterium illud, de quo tam multa huc usque deduximus: id quod cum ubique terrarum in defuetudinem abierit, Romae adhuc obtinet; nam amplissimus Cardinalium coetus, quem Rom. Pontificis Presbyterium rectissime dixeris, hisce titularibus Presbyteris, ac Diaconis unice constat; nam Episcopos Cardinales Suffraganeorum loco habendos esse nemo unus ignorat.

His porro memoratis Ecclesiae Ministris vetustis constantibus Presbyterium *Canonicorum* nomen aptissime congruit; si primigenium vocis etymon prae oculis habere velimus. Nam origine a militia sumpta Canon Matriculam sonat, sive Album, in quod referebantur Clerici, ut officio Ecclesiae praestito in stipendiorum partem venirent. Hinc & Collegialibus Ecclesiis, vel agrestibus Paroeciis Clerici affixi Canonici audiebant. Immo & Clericos ipsos minores Canonicos appellavit antiquitas. Laodiceum certe Can. 15. Canonicos Psalter memora-
non licet praeter Canonicos Psalter quolibet in Ecclesia canere. Qui contra Presbyteri Magnatum Oratoriis serviebant, ac qui proinde ab iis sustentabantur, hoc nomine minime censebantur. Sed non ista nos notione Canonicorum vocabulum accipimus, cum veteris Presbyterii iura in Canonicorum Collegia transfusa esse demonstrandum suscipimus. Alia certa est nominis originatio, quod modo paullo altius repetendum putamus.

Barbarorum incursiones, armorum strepitus, bel-
lorumque vastitas cum maxima in Christianam Rem-
importarunt mala; tum illud omnium gravissimum,
quod Ecclesiastici Ordines sensim a primaevo sancti-
tate, morumque innocentia descivere. Sive grassan-
ti tunc ignorantiae, sive intermissae Synodorum con-
vocationi, sive pravarum gentium exemplo, ac con-
suetudini id demum tribuendum sit; illud certe in-

confesso est, in tantam Clericos erupisse licentiam
 Seculo praesertim X. & XI. ut pene desperaretur,
 fore, ut morum corruptelae praesertim, remedium
 posset aliquod afferri, Pastoribus interim Ecclesiae
 sollicitè quaerentibus, atque inter se consultantibus,
 opportuna incidit cogitatio, hisce vulneribus non du-
 bia spe medendum, si Ecclesiastici homines a Lai-
 cis juxta propriam professionem segregati una omnes
 in semotis aedibus sub Episcoporum oculis, unaque
 cum ipso ad communem degendam viam adigeren-
 tur. Ita quippe cum non amplius secularium ille-
 cebrarum titillationibus, ac libertinorum scandalis
 paterent, certo sperabatur fore, ut repurgatis mo-
 ribus, qui forte pestifera labe essent contacti, ad
 pristinam integritatem revocarentur; illi vero, qui
 nunquam contagione forent afflati, innocentiae con-
 servandae tutissimum invenirent perfugium. Spem
 certiorē faciebat experientia. Hac quippe ratione
 & Augustinus, & Eusebius Vercellensis, & alii
 nonnulli IV. Seculi Antistites gloriosissimi perfe-
 cerant, uti sui Cleri sanctimonia, ac disciplina ef-
 floresceret; posse, quod in paucis illa aetate Epi-
 scopatibus obtinebat, tentari, ut in omnibus insti-
 tueretur. Eo sane consilio in Gallia primus omnium
 sub VIII. Seculi initia S. Rigobertus Rhemorum
 Archiepiscopus communem Clero suo vitam indi-
 xisse putatur. *Primus fertur, ait vitae ejus conscrip-
 tor, commune eis instituisse aerarium.* Quod nescio
 an commode ad communis vitae institutionem de-
 torqueri queat. Illud certo certius constat eodem
 Seculo S. Grædogangum Episcopum Metensem Cle-
 ricos suos ad vitae communionem compulisse, iis
 insuper conscripta ex Augustini, ac Benedicti insti-
 tutis regula. *Hic Clerum,* ait Paullus Diaconus,
adunavit, & ad instar Coenobii intra Claustrorum
sepia conservari fecit, normamque eis instituit, qua-
liter in Ecclesia militare deberent. Principes ipsi
 fa-

sapientissimi inprimis Pipinus, ac Carolus Magnus hac in parte Pastorum incenso studio mirifice velificati sunt. Immo, cum animadverterent, Monachos ipsos abjecta severiori disciplina, qua temporalium rerum abdicatio cum primis imperatur, in molliorem Clericorum vitam declinasse, indulgentius cum iis agendum rati sunt, cum meliores sint boni Clerici, quam mali Monachi; modo tamen & ipsi in Coenobio aliquo semoti ab hominum consuetudine sub Abbate degerent. Duplex hinc orta Canonico-
rum classis: alii quippe in Cathedralibus Ecclesiis sub Episcopo, alii in Collegialibus sub Abbatibus communi vitae, ac Canonico-
rum regulae serviebant. De utrisque Turonense III. an. 814. can. 13. De primis can. 23. sic praecipit: *Canonici, & Clerici Civitatum, qui in Episcopis conversantur, consideravimus, ut in Claustris habitantes simul omnes in uno Dormitorio dormiant, simulque in uno reficiantur Refectorio, quo facilius possint ad Horas Canonicas celebrandas accurrere, ac de vita, ac conversatione sua admoneri, & doceri: victum, ac vestitum juxta facultates Episcopi accipiunt, ne paupertatis occasione per diversa vagari cogantur.* De secundis statuit can. 24. Simili modo & Abbates Monasteriorum (sic promiscue ambae hae sodalitates appellabantur) in quibus Canonica vita antiquitus fuit, vel nunc videtur esse, sollicite suis provideant Canonici, ut habeant Claustra, & dormitoria, in quibus simul dormiant, simulque reficiantur, Horas Canonicas custodiant, victum, & vestitum, juxta quod poterit Abbas, habeant, quo facilius possint ad Dei servitium constringi: sintque Abbates sibi subditis bene vivendo duces, ac praeui. Vides profecto paria omnino, & his, qui sub Episcopo erant, & qui sub Abbate, praescribi. Sed ut oculis ipsis perspicias hosce Abbatibus obnoxios, veros non fuisse Monachos, ecce tibi Canon ejusdem Concilii 24.

Monasteria , in quibus Regula B. Benedicti penitus abolita negligitur . . . aliqua sunt , in quibus pauci sunt Monachi , qui praedicti Patris Regulam suis Abbatibus promissam habeant , quippe cum ipsi Abbates magis Canonice , quam Monastice inter suos conversari videntur . Hi igitur Monachi nomine tenus tales erant , Regula abolita , ac neglecta una cum suis Praepositis ad Clericalem omnino vivendi rationem sublapsi erant , quibus & illud vere exprobrabat Carolus Magnus epist. ad Albinum : Aliquando enim Monachos , aliquando Canonicos , aliquando neutros vos esse dicebatis . Sed tolerabilius visum est illos Canonice , ac sub aliqua Regula , quam sub nulla omnino vitam si non criminiosam , desidiosam saltem agere . Hinc optionem illis dat idem Carolus in Aquisgranensi Capitulari : Illi Clerici , qui se fingunt habitu , vel nomine Monachos , & non sunt , corrigendi omnimodis videntur , ut veri Monachi sint , vel vere Canonici , idest non vagi , non erronei , de quibus Moguntinum can. 22. Neque sub Episcopo , neque sub Abbate , Clerici vagi , sive Acephali , sine Canonica , sive Regulari vita . Quod profecto tunc maximae execrationi habebatur . Deum hos veri nominis Monachos non exstitisse & inde patet , quod per regulam sub Ludovico Pio concinnatam iis patrimonii possessione non interdictur .

Haec porro ideo latius paullo memoravimus , ut innotescat Collegialium Ecclesiarum extra Cathedralium Conventum , ac Collegium origo . Nam primo Clerici omnes ad Coenobiticam vitam utraque Potestate conspirante urgebantur . Deinde Episcoporum facultates seu Ecclesiarum patrimonia impares erant tantae familiae alendae ; eo praesertim tempore , quo non pauci contra Chalcedonense vetitum Ordinationes vagas interdicens ad Ordines promoveri coeperant . Hinc ipse Crodogangus Regula sua
Epi-

Episcopos monitos vult, ne superfluam sibi Clericorum multitudinem aggregarent, sed pro census, ac redituum ratione, tot sibi adjungerent, quot & alere, & regere commode possent. Denique Monachi ipsi, qui Monasticae professionis pertaesi Canonicam vitam optaverant, hi omnino perfecerunt, ut alia pene similia Canonico Collegia in Ecclesiam inveherentur. Accessit his omnibus pietas, ac Religio Principum, qui nonnulla excitarunt & ipsi Canonico Collegia, suoque aere dotarunt. Hinc ergo prognati Collegiales Canonici sive in ipsa Episcopali urbe, sive extra in pagis, quibus certe nihil commune cum Canonicis Cathedralium. Haec porro Canonico vita communis his coepta initiis Seculo demum XI. longe, lateque percrebuit sub Nicolao II. & Alexandro II. cum duobus Conciliis hisce sub Pontificibus Romae habitis Clerici majores, Diaconi nempe, ac Presbyteris (quibus solis in illa Ecclesiasticae Disciplinae instauratione continentiae lex ineluctabilis impacta est) in communis vitae societatem coire jussi sunt. *Praecipientes statuimus, verba sunt can. 4. ut hi praedictorum Ordinum, qui Praedecessoribus nostris obediētes castitatem servaverint, sicut oportet religiosos Clericos, juxta Ecclesias, quibus ordinati sunt, simul manducent, & dormiant, & quidquid eis ab Ecclesia competit, communiter habeant. Et rogantes monemus, ut ad Apostolicam communem vitam summo opere pervenire studeant.* Omnia tunc fere Capitula hanc caelestem vivendi normam amplexa sunt: immo tanta vis in exemplo fuit, ut & Laicos ipsos permoverit, ut in sacras convenirent frequentissimi sodalitates. In vicis ipsis, in villulis virorum, ac puellarum ipsarum examina religiosam sub Presbyterorum regimine vitam aggressa sunt. Verum maxime dolendum est, quod haec aurea disciplina Clericos omnes sub communione constringens, res fuerit

sit unius, non amplius seculi; jam enim ante annum 1200. in plerisque per Orbem Ecclesiis exoleverat, vixque in perpaucis adhuc constabat.

Nunc e diverticulo in viam. Clericis jam per octo secula Canonicis nuncupatis, quod in Canonem, sive Matriculam Ecclesiae relati essent, unde ad vitam necessaria accipiebant stipendia; nominis significatione paululum inflexa hoc nomine condecorari coeperunt ob Regulam, qua vitae communis societate copulati illigabantur. In hosce ergo Canonicos de novo procusos illud, quod initio posuimus, quadrat; nempe in eos veteris Presbyterii jura omnia esse transfusa. Haec ita depicta Canonorum Collegia, sive Capitula, ait Thomass. Part. 1. lib. 3. cap. 9. illum ipsum vetustissimum Clerum censendum est non repraesentare modo, sed esse Episcopi Senatum, & Concilium Episcopis suis sociatis; & communis vitae nodo tunc devinctiorem; nec ob solutam modo communionem minus cohaerescens, nec pristinis umquam decurtatum praerogativis.

De utroque nunc tempore & invalescentis scilicet, & distractae communionis disserendum est. Sed in antecessum nonnihil discriminis inter vetus, novumque, si ita loqui fas est, Presbyterium adnotandum est. Et principio quidem vetus Presbyterium omnes ad unum complectebatur Urbanos Presbyteros, ac Diaconos sive Cathedrali, sive civicis Ecclesiis affixos. Nemo ullibi praeter eos sive Presbyter, sive Diaconus. Coeperunt temporis processu alii Ordinibus initiari, ac primo, ut Magnatum Oratoriis operam navarent, in iisque sacrificia offerrent. De his Concilium Arvernum Can. 15. *Si quis ex Presbyteris aut Diaconis, qui neque in civitate, neque in Parochiis Canonicus esse dignoscitur, sed in villulis habitans, in Oratoriis Officio sancto deserviens . . . praecipuas solemnitates nullatenus alibi, nisi cum Episcopo suo in Civitate teneat.* Apparent

gent nunc primo exortes hi Presbyteri, ac Diaconi, a Cathedrali, & Civitate in villulis extorres, qui tamen & ipsi Urbano Clero aliquo pacto illigantur, dum praecipuis festis diebus cum Episcopo, ac ceteris Clericis convenire jubentur. Multiplicatis hinc Oratoriis & multiplicati sunt hujusmodi Ministri; immo & in immentam segetem cum excrevisse, quo tempore beneficia curae expertia adinventata sunt, nonnisi ex selectioribus Presbyteris, ac Diaconis doctrina, ac morum sanctimonia Presbyteria, sive Capitula coeperunt compingi. Secundo in Presbyterio superioris aevi lis tantum Presbyteris, ac Diaconis locus erat, qui per sacram inaugurationem & Ordine, & animarum cura, & Beneficio, sive jure accipiendae ab Ecclesia sustentationis augebantur. Tria ergo haec omnia simul eodem concurrebant tempore, Ordinatio, Pastoralis sollicitudo, Beneficium. Quam belle, quam sapienter haec constituta! Nescio quo Ecclesiae infortunio haec, quae tam mirifice, tam amice conspirant, coeperint sejungi. Post seculum XII. Beneficia ab Ordine distrahi coepta. Item pessimo omine in Ecclesiam inducta distinctio Beneficiorum, ut alia curae forent obnoxia, alia ab hujuscemodi onere libera. Factum est hinc, inter alia gravissima incommoda, ut Ecclesiastici coetus viri in ea potissimum oculos, animosque intenderent Beneficia, quae simplicia appellant, otii, turpisque desidiae fomenta. Illi porro, qui ad curata Beneficia animum appellabant, ut quam sero possent labori humeros supponerent, in longum Ordinationem protrahebant, illud unice curantes, ut redditum possessionem nanciscerentur. Omnino igitur lege severissima opus fuit, ut nisi intra statutum tempus Ordinem quis Beneficio respondentem adipisceretur, jure in illud acquisito omnino excideret. Et quod ad Capitula spectat Tridentino jure cautum est, Sess. 22. cap.

4. ut singulis Canonicatibus, ac Portionibus, Ordo sacer aliquis illigaretur; ita ut dimidia saltem pars Presbyteris constaret. Unde & illud evidentissime colligitur, Canonicatus eo tempore ab Ordine seorsum conferri solitos, Ordine inquam sacro; nam nec simplicibus, ut ajunt, Beneficiis, nisi prima saltem Tonsura insignitus donari umquam potuit. Hinc & illud evincitur, infantibus, adolescentulisque haec majora Beneficia passim collata non sine maximo Ecclesiae, & Ecclesiasticae disciplinae detrimento. Sed gravissimis hisce incommodis obviam itum est per Tridentinam legem, factumque, uti in Canonicum nemo cooptaretur, nisi ea aetate, qua possit intra annum sacris initiari Ordinibus. Sed illud pristinae integritati minime restitutum, quod animarum curam spectat; adhuc enim Canonicatus inter Beneficia passim recensentur curae expertia. Optaret id quidem Ecclesia. Et sane, cum ad Congregationem Concilii perlata esset causa Capituli Sipontini in nostro Regno, ubi Parochiae sunt non aliis creditae Parochis, quam Dignitatibus, ac Canonicis Ecclesiae Cathedralis, quorum unusquisque sortitus est Parochiam ab aliis omnibus distinctam; non censuit sacra Congregatio quidquam immutandum in ea disciplina, quae tantopere antiquis moribus consentiret, cum Parochi Ecclesiarum variarum iidem ipsi essent & Ecclesiae majoris Canonici, ac Consilarii Episcoporum; quod ex sacro Cardinalium Collegio manifestissime apparet. Illud tantummodo declaratum est, eandem ad hos Canonicatus aetatem desiderari, quae ad Parochias regendas. Videsis Barbosa de Parochis part. 1. cap. 6. n. 30. Nihilominus tamen, utut Canonici illo animarum curandarum onere peculiari levati fuerint, adhuc tamen Paroeciarum totius Dioeceseos eminenti quadam, ac generali sollicitudine, ac regimine, eo nimirum, quo Episcopus ipse tenetur, una cum

eo ex vi sui ministerii obstricti, devinctique sunt. Adis Thomassinum. Tertium nunc promo discrimen inter priora, ac posteriora Capitula. Et priora quidem solis constabant Presbyteris, ac Diaconis. Hi nimirum Ordines tantum una cum Episcopali Hierarchici, ac Sacri semper in Ecclesia habiti sunt. Iis proinde jus suffragii in Ecclesiae procuracione numquam non concessum. Quamobrem Paschalis II. Episcopo Compottellano ad hanc normam Ecclesiam suam jubet componere, ut Presbyteros, ac Diaconos sui senatus, quem semper contuleret, loco habeat: *Cardinales*, inquit Epist. 10. *in Ecclesia tua Presbyteros, seu Diaconos tales constitue, qui digne valeant commissa sibi Ecclesiastici regiminis onera sustinere.*

Sed placuit demum & Hypodiaconatum inter Sacros Ordines recensere, quod sedente Urbano II. contigit. Tunc & Hypodiaconis etiam non communicari non potuere potissima Presbyterii jura, & ornamenta praecipua. Hinc in Biterrensi Concilio cautum, ut nemini superiores implere sedes, aut jure suffragii in Capitulo potiri permetteretur, nisi Hypodiaconatus Ordine insignito: *Inhibemus*, ait Can. 13. *ne aliqui Canonici seculares stallum in Choro, vel vocem habeant in Capitulo, nisi fuerint in sacris Ordinibus constituti, nisi ex causa fuerit cum eis ab Episcopo dispensatum.* Valentina Synodus an. 1248. Canonicis subdidit poenis Canonicos illos, qui moras necebant, ne Subdiaconi, Diaconi, aut Presbyteri initiarentur, quando id necessitas requirebat. Salmuriense Concilium an. 1253, Sacerdotali Praebenda cadere jussit, qui Sacerdotio inaugurari respueret. Et quoniam Biterrense modolaudatum indulgentiae hac in re locum fecerat, & Episcopi permiserat arbitrio, id abrupte prohibet Avennionense edicens, nemini omnino sive in Cathedralibus, sive in Collegialibus Ecclesiis suffragii
jus

jus permittendum, nisi Subdiaconatus Ordine aucto-
Cum nullus Cathedralis, vel Collegialis Ecclesiae
Canonicus, nisi sit Subdiaconus, vocem de jure in
Capitulo habeat. Aditum vero intercludit omnino
 ad Capitulum Synodus Ravennas an. 1314. nisi sa-
 ceris sit initiatus: *Solummodo, ait, in sacris Ordini-*
bus constituti, & non alii ad Capitula vocantur,
& vocem habeant in Capitulo. Et haec intelligimus
 de *secularium Clericorum Capitulis.* Non aliunde,
 quam ex hac neglecta salutari observatione in Ca-
 pitula profectam labem gravissimis verbis queritur
 Moguntina Synodus an. 1549. quod nempe juniores
 Canonici ad suffragii jus passim in Capitulis admit-
 terentur. *Non sine magna ratione Majores nostri ju-*
niores Canonicos, quos Domicellares vocant, non sta-
tim ut Beneficia acceperint, ad Capitula admitti,
sed ad tempus sub jugo Praelatorum detineri volue-
runt. Nescio quid hic videmur audire illi simile,
 quod Apostolus edixerat: *Non Neophytum, ne in*
superbiam elatus in judicium incidat Diaboli. Sa-
 luberrimas haec constitutiones auctoritate sua demum
 confirmavit, & ad Monasticas etiam Congregatio-
 nes ampliavit Tridentina Synodus sess. 22. cap. 4.
Quicumque in Cathedrali, vel Collegiata Seculari,
aut Regulari Ecclesia divinis mancipatus officiis, in
Subdiaconatus Ordine saltem constitutus non sit, vo-
cem in Capitulo non habeat, etiamsi hoc sibi ab aliis
libere fuerit concessum.

Nunc ad institutum. Nova haec igitur Presbyte-
 ria, Collegia, sive Capitula, ut loqui amant, &
 communionis tempore initae, & distractae in vete-
 ris jura succedere, iis iisdem semper potita, ac
 modo potiuntur. Et quidem communis vitae aeo
 nemini profecto dubium esse poterit, si mentem ad-
 vertat, tunc Episcopis majorem datam opportunita-
 tem Senatum suum habendi, eosque in omnibus
 consulendi, quibuscum contubernii, vitaeque indiv-
 vul-

vulsa tenebatur consuetudine. Praeclarissimum certe in hac parte specimen exhibuit Hincmarus Rhemenfis Archiepiscopus. Hic certe communis vitae studiosissimus, ut ei arctius Capitulum suum illigaret, Canonicorum numero adaucto Aedes etiam iis excipiendis amplificavit regia munificentia opus promovere: *Praeceptum Caroli*, ait Flodoardus lib. 3. cap. 10. *de via, quae impediēbat ad Claustrum Canonicorum S. Rhemenfis Ecclesiae amplificandum, quoniam & numerum Canonicorum augmentaverat, idem Dominus Hincmarus obtinuit.* Id quidem laude dignum, sed illud admiratione dignissimum, quod cum summa & peritia, & doctrina polleret, nil sine Canonicorum suorum sententia moliretur, quippe qui probe calleret, hunc ex antiquissimo Ecclesiae more Episcopi esse Senatum. En tibi ex multis pauca. Abbas nescio quis Ecclesiae fundos ad censum sibi concedi postulabat; hoc negotium de communi Canonicorum consilio expediendum censuit sapientissimus Archiepiscopus. Abbas, ait cit. Flodoardus ibid. cap. 14. *sub censu sibi dari petebat. Sed Hincmarus id agere sine Clericorum suorum consilio rehuens, mandat ut easdem ad custodiendum interim suscipiat, & descriptionem earundem sibi mittere studeat, & postea quod cum Ecclesiasticorum consilio Ministrorum rationabilius consideraverit, ei remandaturus sit.* Sed res longe gravioris momenti, ut quae spirituales spectarent disciplinam, cum iisdem communicatas volebat. Eos igitur certiores fecit de Canonicis duobus, qui ceterorum deseruerant societatem; utque eos benigne acciperent re-
versos, admonuit: *pro receptione Odolardi, & Valterii, qui ab ipsa Congregatione irregulariter discesserant;* eadem humanitate utendum scripsit erga Adalgandum Diaconum, pro quo Rex etiam Ludovicus precatorias ei per eundem direxerat: *verba sunt laudati Flodoardi ibid. cap. 28. Simile quid-*
piam

piam usurpare videtur exercitus Imperator, qui habito consilio Ducum perfugas captos, aut sponte redeuntes milites communi iussu, ac sententia damnat, vel absolvit.

Equè id mirum; nam Capitulo potestas erat de causis cognoscendi Collegarum suorum. Ita disertis verbis edicunt Caroli Magni Capitularia lib. 7. cap. 6. *Si quis Episcopus damnatus a Synodo, vel Presbyter, aut Diaconus a suo Capitulo, ausi fuerint de sacro ministerio aliquid contingere, non liceat ei restitutionis spem habere. Nemo ringatur, si in re spirituali Capitulum advocemus auctoritatem.* Iis nam condendis Ecclesiastica, ac Laica potestas simul amice conspiravit. Mitto hic, quod Lupus Catalaunensis invasæ jurisdictionis postulatus ob Rhemensem Diaconum ab sese consecratum Sacerdotem, culpam a se avertit, tum quod Regi Carolo fuerit obtemperandum jubenti se in Rhemensi Ecclesia Episcopales functiones obire; tum vel maxime, quod Archidiaconi, ceterorumque Canonicorum accesserit beneplacitum: *Quo circa cum epistola regia, inquit saepe memoratus Flodoardus lib. 3. cap. 11. ut ipsum Halduinum Presbyterum ordinaret, Archidiaconus Rhemensis Ecclesiae cum aliis Communiis tam Canonicis, quam Monachis illi obtulerit, eumque ad votum praefati Principis, & offerentium ordinaverit. Nihil quippe hic singulare factum est, quod non & antiquitus usurpatum fuerit; & modo etiam non sit moribus receptum; ut scilicet Sede vacante, uti tunc contigerat, cum jurisdictio in Capitulum plane convertatur, ab eo Pontificalium exercendorum munerum facienda sit venia.*

Aldricus Episcopus Senonensis nihil quidquam de Ecclesiae suae statu censuit immutandum praeter Capituli sui, imo & Monachorum etiam, ipsorumque laicorum sententiam. Idcirco, inquit, *eum consilio Fratrum nostrorum, Canonicorum videlicet, & Mo-*
na-

nachorum, necnon & Fidelium Laicorum visum est nobis. Nolim mihi hic quaestionem ex Laicorum hominum consultatione moveri. Redolet id antiquum morem, cum Laici etiam ad Ecclesiasticos advocarentur Conventus, uti superius fuisse disputatum est, non ex necessitate quidem, sed ex abundantia; cum fortassis hic aliquid ad Laicos spectans ageretur. Quum pulchre vero Canonicam memorat auctoritatem Jonas Augustodunensis Episcopus, cum fundos quosdam Canonicorum Ecclesiae suae sustentationi collaturus, id ex ipsius Presbyterii consensu se fecisse confitetur: De facultatibus, ait, Canonicorum coetui mihi commissio aliquod subsidium conferre studui. . . . secundum Canonicam auctoritatem adhibito consensu Presbyterorum, ac Diaconorum ob Divini cultus amorem superaddere studui eis. Quod ergo consensus expetendus Capituli sit, ex Canonica descendit auctoritate.

Anno 1090. Gerardus Cadurcensis Episcopus Regulares Canonicos suam in Ecclesiam Cathedralē innoxit; inque eorum Collegium ad communem vitam comparatum multa & jura, & Ecclesiae suae bona munificentissime concessit. Dignitates vero, ac Capituli Praebendas uni sibi conferendas servavit cum Consilio tamen Canonicorum suorum. *Pro nostro Decreto per consilia Canonicorum ordinanda sine in posterum.*

Et quoniam paullo superius nonnulla de Capituli jure Sede vacante attigimus, nemo nobis succenseat, aut erubescere recoquere oggerat, si Parisiensis Cleri hic exemplum proferamus. Consentit enim adamussim Augustini, Alipii, aliorumque Africanorum Episcoporum instituto, qui Coepiscopis suis scriptitabant conjunctim cum Congregatione Cleri, quae in unam cum suo quaeque Episcopo societatem coalescerat. Res erat de deligendo Pastore, qui Metropolitanam Sedem impleret. Primas agit Metro-

politans Clerus, utpote qui Episcopo Metropolitano decedente omnes in se ejusdem praerogativas, munia, ac jurisdictionem exciperet; proindeque ipsis etiam Provincialibus Episcopis antecelleret. *Religiosissimis*, Epist. 98. inter Ep. Lupi Fer. Patribus, & Fratribus Gueniloni Metropolitano Senonicae Sedis Antistiti, & universo Clero ejus, & ceterarum Ecclesiarum Praesulibus, quae Dioecesis memoratae Sedis consentur, cunctisque in eis Deo famulantibus, Clerus Matris Ecclesiae Parisiorum, & Fratres Coenobii Sancti Dionysii, ac Sancti Germani, & B. Genovesae, ac Fossatensis, diversarumque Monasteriorum unanimitas. Illud hic quoque peculiare, celebriores Abbantias in consiliorum advocari communionem, quod supra ex Aldrico Senonensi didicimus: cum consilio Fratrum Canonicorum, ac Monachorum. Neque praetermittendum non Episcopis solum, sed Clero toti epistolam inscribi, ut eadem utrorumque & consiliorum, & regiminis societas indivulsa ostendatur.

Concludat hoc coalitae inter Canonicos Communionis tempus Elnensis Concilii Canon an. 1065. causas ad Episcopi, ac Canonicorum judicium rejiciens: *emendat ad judicium Episcopi, ac Canonice* . . . querela ad Episcopum, vel ad ejus Canonicos fiat. Ex hac porro saepissime commemorata communione illud necessario sequebatur, ut Episcopi ipsi & a Capitulo, & ex Capituli gremio deligerentur, ac Canonici nonnisi Capitularibus suffragiis optarentur. Cum nempe ad Coenobiticam vitam conformata essent Capitula; quemadmodum ad Coenobium non patet aditus, nec Praepositus quis renunciatur, nisi ex Monachorum calculis; ita in Canonicum nemo cooptabatur, nec Episcopus creabatur, nisi ex Canonicorum sententia. Id quod per diu etiam in Ecclesia stetit ad Johannem uique XXII. qui Cancellariae Regulas, ac Reservationes invenit. Sed

Sed mirum fortasse videbitur, quod cum communis vita intimius Episcopis Canonicos conjunxisset, ex hac ipsa societate inita Capitulorum Exemptiones originem duxerint. Res tamen ita sese habuit. Cum nimirum in quamdam Religiosae familiae speciem Capitula evalissent; omnino fieri non poterat, quin potestas aliqua Rectoribus, seu Praepositis (quocumque demum nomine appellati) impertiretur. Quae tota quidem potestas, siue jurisdictio initio certe solis correptionis paternae cujusdam angustiiis concludebatur; quam claustralem disciplinam rectius nuncupaveris. Prostant exempla, & quidem rigidioris hujus disciplinae apud Thomam Cantipratensem, qui lib. 1. cap. 7. poenam refert, qua cujusdam in Germania Capituli Decanus, & Capitulum ipsum Canonicum affecere flagitiosa libidine commaculatum: *A Senibus, inquit, Concanonicis ac Decano ab ingressu Ecclesiae arctatus est, & infra septa Monasterii quasi pro agenda poenitentia in loco ad hoc deputato reclusus: qui humiliter poenam suscipiens, flagellabatur interim a Decano, & gravibus conviciis culpabatur.* Acrius vero in Archidiaconum Rhemensem regia necessitudine insignem ad Caralaunensem Cathedram postulatum, & ob culpam fortasse levissimam saevit ejusdem Ecclesiae Decanus, quod nempe, cum Leodiensis Episcopus efferretur, funeri sine Canonicali indumento interfuerit. Nudatum ergo illum in Capituli medio virgis manu ipse propria emendavit. Nec dissimilis sui vir hic extitit etiam in ipsum Nepotem suum Atrebatensem Canonicum; annua Beneficii suspensione multatum ob incontinentiae vitium. Decano quippe huic Atrebatum profecto, cum ejus Urbis Capitulum illi gratificaturum; totam causam nepotis, poenamque omnino permisisset; non modo nihil de severitate remisit, sed ad annum alterum prorogari poenam voluit. Apud eundem Cantipratensem lib.

2. cap. 39. Omnimodo erat hujusmodi potestas ab omni Episcopi auctoritate soluta, ad quem nulla dabatur appellatio; quod & nunc in Claustris Monachorum usu venit.

Hujc necessariae, quam memoravimus, disciplinae, accessit saepiuscule Episcoporum liberalis concessio, qua in Capitulum ipsa Episcopalia jura collata esse volebant. Memoratu dignissima est Episcopi Caesenatis munificentia, quippe qui Capitulum suum permagna jurisdictionis suae parte donavit, talique potestate, quae proxime ad Episcopalem accedit. *Do, & tradidit*, verba sunt concessionis, *plebem S. Mauri . . . Et insuper omne dominium, omnem jurisdictionem, usum, seu consuetudinem, ut libere, & pleno jure possitis vos, & vestri successores nomine Canonicae Caesenatis dictam Plebem, ejusque Cappellas, earumque Rectores, & Clericos instituere, & constituere, visitare, corrigere, suspendere, interdicere, excommunicare, deponere, privare, & absolvere, ac in eis plenam jurisdictionem tam in causis civilibus, quam etiam criminalibus, sicut ego cum meis successoribus nomine Episcopatus facere possem.* Hisce ergo initiis ad omnimodam, ac plenam Exemptionem Capitulorum maxima pars pernicissimo gradu adproperavit. Arbitrariae quippe hae sive tacitae, sive expressae concessionibus temporis processu conuenere, & vetustate roboratae in legitimam prope praescriptionem abiire. In immensum porro excreverant Viennensis Concilii tempore, cum de iis revocandis cogitatum est, uti & de Regularium privilegiis. Sed tum non ultra processum; Schismate autem Avennionensi foede Ecclesiam dilacerante, cum latissime percrebuisent, visum est Constantiensi Concilio illas saltem Capitulorum Exemptiones revocare, quibus sine Episcopi consensu Canonici fuissent potiti, statutumque nullas amplius concessum iri, nisi causa cognita, vocatisque, quorum interest:

In-

Interim non intendimus exemptiones de cetero facere , nisi causa cognita , ac vocatis , quorum interest , Sess. 43. Eadem nec sustulit Synodus Tridentina , sed intra arctiores conclusit limites , Sess. 6. cap. 4. & Sess. 25 quas consule , si vacat .

Exemptionibus hisce decurtatis , & Canonicis socialis vitae nodo jampridem solutis , adhuc immota steterunt Capitulorum jura prisca illa , decora , atque ornamenta ; communio inprimis ipsum inter & Episcopum in Pastoralis regiminis cura . Id quando nunc extrema hac Capitulorum aetate discutendum superest , idque omnium maxime urget ; age , majori qua possumus diligentia exsequamur . Ac principio quidem non abs re erit sapientissimi illius consilii meminisse Paschalis II. qui Compostellano Episcopo auctor fuit , ut tales sibi Presbyteros , sive Canonicos constitueret , qui digne valerent commissa sibi Ecclesiastici regiminis onera sustinere . Cui consilio si obsequerentur Episcopi , imposita humeris suis gravissima sarcina maxima ex parte levarentur . Indivisam curam Episcopi , ac Capituli prae oculis habens Callixtus II. vetuit , ne Archipresbyteri , vel Archidiaconi pro illorum temporum disciplina Clericorum neminem interdicerent , Archiepiscopi , ac Capituli injussu : *Praeter Archiepiscopi , & totius Capituli vestri commune consilium*, epist. 13. Quibus clarioribus verbis poterat enunciari inter Episcopum , Capitulumque consiliorum Ecclesiasticam rem spectantium communio ? Sed rem acu tetigit , ac disertissime hanc societatem expressit Alexander III. Cap. Quanto de his , quae fiunt , &c. aureis illis verbis : *Novit plenius tuae discretionis prudentia* (sic Hierosolymitanum Patriarcham monebat) , *qualiter tu , ac Fratres tui unum corpus sitis : ita quod tu Caput , & Fratres tui membra esse comprobentur . Unde non decet omissis membris , te aliorum consilio in Ecclesiae tuae negotiis uti : cum id non sit du-*

binm & honestati tuae , & SS. Patrum institutionibus contraire . Innotuit autem auribus nostris , quod tu sine consilio Fratrum tuorum Abbates , Abbatissas , & ceteras personas Ecclesiasticas instituis , ac destituis . Inde est , quod Apostolica auctoritate prohibemus , ne Abbates , Abbatissas , vel alias personas Ecclesiasticas sine assensu , vel consilio Canonico-
 tuorum instituere , vel destituere de cetero praesumas . Mirifice concinunt novissima primis , quodque prisci Patres de Presbyterii consilio , ac consensu in Ecclesiae negotiis expetendo scitissime statuerunt , hoc ipsum strenuus antiquitatis vindex pro suprema auctoritate sua contra quaslibet innovationes munien-
 dum censuit ; & in re quidem gravissimi momenti , id est institutione , vel destitutione Ecclesiasticarum personarum assensum , vel consilium Canonico-
 suorum , vel ipsum Hierosolymorum Patriarcham expetere iussit . Huic sanctissimae Constitutioni Burdigalensis Concilii sanctionem subnectendam censemus , quod inde pene ipsis verbis exscripta videatur : *Declarat haec Sancta Synodus praecipuam in ipsis Ecclesiis auctoritatem ad Episcopos pertinere : eosque consilio , & opera Capitulorum , ac Dignitatum juvari debere , ut membrorum Capiti cohaerentium , & obsequentium .* Similia prorsus sentiebat doctissimus Cardinalis Polus in articulis Reformationis Ecclesiae Anglicanae : *Cum Canonicatus , & Praebendas in Ecclesia instituendi ratio , & causa haec fuerit , ut qui ad eos assumuntur Episcopo assistant ; eumque in muneris sui functione consilio , & opera adjuvent , & in divinis Officiis celebrandis Ecclesiae inserviant .* Potissimam porro Canonicalium munium partem in eo sitam adverte , ut Episcopis consilio , & opera praelito sint in Pastoralis regimine , qua absoluta de-
 mum divinis concinendis laudibus in Ecclesia vacandum .

Sed ut ex hac generica differendi ratione in ipsas
 rerum

rerum species descendamus, tria illa ab initio posita, quae totam complectuntur politiam, refricemus, praemiorum scilicet largitionem, iudicia, ac poenarum irrogationem, quaeque duo alia comprehendit, legislationem. In hisce tribus quippe capitibus a vetusta illa non discrepat novissima haec disciplina. Et quod ad primum pertinet, quemadmodum quo tempore ab Ordinatione Beneficia minime sejungebantur, cum praescriptum esset, ne inconsulto Clero quis Ordinibus initiaretur (quod perinde erat, ac nemini ad Beneficium, sive sustentationem, nisi de Cleri assensu aditum patrefacere): ita etiam postremo Decretalium jure res plane se habet. Audivimus modo Alexandrum III. Hierosolymorum Patriarchae exprobrantem, quod praetermissis Canonico-
rum Fratrum suorum assensu, vel consilio Abbates, ceterasque Ecclesiasticas personas institueret; jubente inque aliam ipsi in posterum rationem in instituendo ineundam, Canonicosque omnino fore consulendos. Apud Innoc. III. conquesti sunt Canonici Inculcantes de Episcopo suo, quod confirmaret Abbates, ac tractaret causas difficiles sine Canonico-
rum assensu. Pontifex de jure minime haesitans, factum solum Bituricensis Archiepiscopi inquisitioni permisit. Innoc. III. Regest. I. Epist. 231. Non abs re erit nonnulla huc ex Espenio conferre (ceteris omissis Canonum Interpretibus idem plane sentientibus) quae rem praesentem mirifice confirmant: *Cum Capitulum Cathedrale*, inquit eximius vir Canonice apprime doctus, *totum Clerum repraesentare coeperit, ipsumque Ecclesiae Senatum, praetendit etiam, juxta Canonum praescripta, in Ministrorum electione, & in Beneficiorum collatione, qua Clerici functionibus Ecclesiasticis applicantur, tamquam in re summi momenti, Capituli consilium expetendum.*

Mox sententia sua Alexandrina Decretali confirmata pergit in hunc modum: *Quod de institutione*

personarum generaliter dicitur, id singulari ratione militare videtur in institutione, aut electione ad Cathedralis Praebendas. Cum enim Canonici, & Episcopus unum quasi corpus sint, aequum apparet, ut ad electionem membrorum totum corpus concurrat. Quod & notat Zypaeus in Novo Jure tit. de Praeb. num. 4. Hinc indubie factum, ut in nonnullis Ecclesiis Cathedralibus etiamnum Canonicorum electio spectet ad Episcopum, ac Canonicos; quo jure etiam in Regno nostro Cathedralis non paucae potiuntur adhuc; quae porro id privilegii modo non obtinent, nulla certa lege, sed praescriptione paulatim invalescente ea possessione deturbatae sunt. Nam de jure collatio, sive provisio Canonicatum in Ecclesiis Cathedralibus simultanee spectare praesumitur ad Episcopum, & Capitulum, ait Glossa communiter recepta cap. cum Ecclesia Ulterana 31. de Elect. Juris hujusce Episcopo simul, ac Capitulo Canonicatum collationem deferentis olfacere aliquid videmur etiam in Capituli nostri Aversani Constitutionibus an. 1603. editis Bernardino Morra Antistite, Canonicisque ad id operis Auctoritate Apostolica instructis. Harum quippe Caput VII. ita inscribitur: *De qualitate Recipientium*. Prima porro Capituli periculis hanc vere perbellam continet praeceptionem: *Quoniam omnis Capituli Dignitas in eorum, qui cooptantur, qualitate nititur, accurate cavendum est, ne promiscue omnes, sed certi homines tum doctrina, tum morum integritate praestantes, quoad fieri potest, deligantur, qui oris sustinere pro dignitate valeant. Quocirca ad aliquam ex quatuor Dignitatibus evehatur nemo, nisi sit vel Canonici Doctor, vel Theologus, aut Licentius*. Quid nempe attinebat Capitularibus Constitutionibus hoc caput infercire, si ad unum Episcopum pertineret Canonicorum delectus? Si in ista optione nullae prorsus Canonicorum partes?

Ut-

Utrumque vero soli sibi totum hoc negotium in plerisque Cathedralibus vindicaverint Episcopi, quemadmodum & Beneficiorum extra Cathedralem collationem; minime vero id fieri passa est Ecclesia, nisi in iis Beneficiis, quibus simplicium nomen adhaesit; ea vero, quibus animarum adnexa cura est, non unius Episcopi iudicio permittuntur, sed Capituli quoque, non *apertis* quidem, sed data Capitulo facultate Examinatores probandi sive in Synodo, quos propterea Synodales appellant, sive extra, si Profynodales fuerint; a quorum sententia Episcopo discedere fas non est Tridentina Synodo sic diserte praecipiente. Idem prorsus obtinet in Praebendis, tum Theologica, tum Poenitentiali, quae concursu instituto conferendas jubet Benedictus XIII. *Bulla Pastoralis*. Immo & in simplicium quoque Beneficiorum, multoque magis Canonicatum collatione, ubi ab ea Canonici exclusi sunt, quis negaverit consilium saltem, si non assensum Capituli exquirendum esse ex saepe laudato Alexandri decreto?

Ad alterum caput accedo, quod est de judiciis, poenarumque inflictione. Meminerimus hic illius Africani Canonis, qui IV. Seculi disciplinam refert, nullius causam, nisi Clero praesente audire Episcopum debere, si sententiam suam irritam esse nolit. Similia omnino novissimo Decretalium jure. De criminalibus quippe causis cognoscere Episcopi haudquaquam possunt, nisi sibi Canonicis assidentibus: *Coram Ecclesiae senioribus*. Verba sunt Cap. Qualiter, & Quanto de Accusat. veterem morem confirmantis. Cui praeiverat Gregorius M. lib. II. epist. 49. *Si quid vero de quocumque Clerico ad aures tuas pervenerit, facile non credas, nec ad vindictam te res accendat incognita: sed praesentibus Senioribus Ecclesiae tuae diligenter est veritas perscrutanda, & tunc, si qualitas rei poposcerit, Canonica districtio culpam seriat delinquentis*. Eadem Gre-

gorii auctoritate nititur Innoc. III. cap. Licet Heli 31. de Simonia ejusdem Pontificis verba transcribens: *Nam juxta Canonicas sanctiones*, inquit, *si quid de quocumque Clerico ad aures Praelati pervenerit &c.* Hoc de judiciali cognitione, de poenis vero remitti non pigeat toties memoratam Alexandrinam Constitutionem vetantem omnino Ecclesiasticas personas destitui Capitulo ad id non consulto. Et adhuc disertius cap. Quanto de his, quae fiunt a Praelatis &c. *Fraternitati tuae mandamus, quatenus in concessionibus, & confirmationibus, & aliis Ecclesiae tuae negotiis Fratres tuos requiras, & cum eorum consilio, vel sanioris partis eadem peragas, & pertractes, & quae statuenda sunt statuas, & errata corrigas, & evellenda dissipas, & evellas.* Idem semper Rom. Pontifices disciplinae solliciti urere, ut omnia de Fratrum peragantur consilio, satis persuasi sapientiam in consilio habitare, nec nemini propriae prudentiae innitendum, fidendumque. Omnino decernit Caelestinus III. cap. Quaesivit: *De his, quae fiunt a majori parte Capituli*, uti Interdictum, ceteraeque Canonicae poenae non infligantur, nisi per Episcopum consentiente Capitulo: *Fraternitati Tuae taliter respondemus, quod interdictum in aliqua Ecclesia per aliquem, & per aliquos de Canonicis tuis sine tuo, & aliorum Fratrum assensu positum observare non debes, nec etiam sustinere, ut ab aliis observetur.* Quam sanctae praeceptiones istae, quibus concordia caput inter, ac membra perbelle fovetur! Et ita quidem res processere, donec caritas coetibus Ecclesiasticis praefuit. Sed ubi in isthaec sacra Collegia pestifera pervasit ambitio, dissociatis animis solidam jurisdictionem utraque pars ad se corripere, & totam complecti probe tentavit. Et Capitula igitur in Episcoporum jura irrupere satis intemperanter. Apparet quippe ex Decreto Lateranensis IV. sub Innoc.

III. evenisse aliquando, ut Canonici Ecclesiam suam Interdicto supponerent; de quo tamen poterat Episcopus apud Metropolitanum conqueri, & interim in Ecclesia celebrare, si sine iusta, ac rationabili causa sententia pronunciata fuisset. Cap. Dilecto in Sexto de sent. Excommun. probat Pontifex Innoc. IV. sententiam excommunicationis a Decano Aurelianensi in quemdam Ecclesiae bona occupare molientem propria auctoritate prolatam. Eam consuetudinem invalescentem temperamentis aliquot molliendam censuit Lugdunense II. Accepimus modo ex Caelest. III. cap. Quaesivit, Canonicos singulares sine Episcopi, & Fratrum assensu Interdicti sententiam intorquentes. Hisce initiis eo periculum est, ut Episcopalis jurisdictionis magnam partem Capitula nonnulla praescripserint, quem titulum legitimum habet jus Pontificium. Neque interim sibi quiescendum Episcopi censuere. Ipsi etiam in jure Ecclesiastico dicundo, criminibusque coercendis ab suo consortio paulatim Canonicos segregantes nunquam denique constiteret, donec eos omnino de Tribunali repulerint, atque in praescriptione ipsi etiam sibi titulum conquiescerint. Audiatur hac in re Fagnanus, licet innovationis causam in Canonicorum ignorantiam satis contumeliose conferat: *Sed hodie, inquit lib. 5. pag. 123. forte propter ignorantiam Canonicorum communiter Episcopi contra eos praescripserunt, ut ipsi soli absque Capituli consilio de criminibus inquirent, & jurisdictionem exercent; & valet haec praescriptio.* Si vera sint, quae hic Canonicis opponit Fagnanus ignorantiae eos postulans, in Episcopos recidit culpa, quos vehemens suspicio gravat doli mali, perinde ac si eo consilio ignaros Capitulo allegerint, uti solitarie ipsi rem gererent secluso Canonicorum consortio. Nam difficile creditur est, vel in media saeculorum barbarie, nonnullos repertum iri doctrina praestantes, qui in Canonicos adlegerentur.

Tertium restat modo , quod in Legislatione versatur . Res haec ex antiquissimo Ecclesiae more in Synodis ut plurimum expeditur . Eadem antiquitate docti Presbyteros ad Synodum convenisse , iisque subscripsisse innumeris prolatis monumentis superius evicimus . A veteri porro disciplina hodiernam non abhorreere instituti nostri nunc ratio postulat , ut doceamus . Ordiamur ab Innoc. III. jubente Cathedralium Ecclesiarum Capitula ad Synodum Provinciae invitari , Cap. Et si membra de iis , quae fiunt a Praelatis : *Provinciae Senonensis Capitula Cathedralium Ecclesiarum ad nos querimoniam transmiserunt , quod Archiepiscopus Senonensis , & ejus Suffraganei Procuratores eorum nuper ad Provinciale Concilium convocatos ad tractatum eorum admittere noluerunt . Visum fuit nobis , ac Fratribus nostris , ut Capitula ipsa ad hujusmodi Concilia debeant invitari , & eorum Nuncii ad tractatum admitti , maxime super illis , quae ipsa Capitula contingere dignoscuntur .* Praeiverat exemplo Innocentius ipse , qui Lateranensi IV. Oecumenico ab sese indicto Collegialium Ecclesiarum Delegatos adesse voluit de rebus ad se spectantibus tractaturos . Illud certe indignius ferendum est , jam tum Episcopos ab sacris hisce conventibus contra inveteratum Ecclesiae morem Capitula prohibere tentasse , ut proinde apud Rom. Pontificem querimoniae locum fecerint , quod non optimae in hujusmodi Collegia opinionis , atque existimationis indicium est . Concilium Provinciale Rhemense an. 1232. cum saepe convenisset ad Augustam Veromanduorum , omnesque ejus Provinciae Dioeceses Interdicto supposuisset ; Capitula Provinciae ejusdem huic Interdicto intercessere ea de causa , quod ad ea Concilia convocata non essent , ac rem pervicere Innocentiana Decretali illis obsecundante . Vacante Rhemeni Sede an. 1271. cum Suesbionensis Episcopus Milo Provinciale Concilium pro
ejus

ejus Provinciae more indixisset, Capitulum Rliemense contra obnitendum censuit eo ex capite, quod ejus assensus postulatus non esset; resque tamdiu dilata, quamdiu huic incommodo obviam itum non est. Qui an. 1279. Budense Concilium habuit, eique utpote Sedis Apostolicae Legatus praefuit, non Cathedralium dumtaxat, ac Collegialium Canonicos accivit, sed Superiores etiam Regularium, omniumque illorum praesentiam, ac consensionem poposcit, quorum interesset in propriis Ecclesiis severiorem invehi disciplinam. Haec cum ita sese habuerint in Provincialibus Conciliis, eccui dubium esse poterit in Dioecesanis idem obtinuisse, cum in illis inter Episcopos ipsos locum habuerint, & ab illis proximas Canonici Sedes occuparint; in istis Canonici Patres agant, & post Episcopum primi sedeant?

Nunc de Canonicorum subscriptionibus in Conciliis sive Provincialibus, sive Dioecesanis, eorumque suffragiorum qualitate, ac valore paullo accuratius disputandum. Et principio quidem extra controversiam positum video superiori aetate Presbyteros Conciliis subscripsisse, in iisque decisivi, ut vocant, suffragii jure donatos. Id non diffitetur immortalis memoriae Benedictus XIV. de Synod. Dioecesi. lib. 13. cap. 2. n. 5. cujus verba huc transcribere non piget: *Plures, inquit, ex Provincialibus Synodis Presbyteros una cum Episcopis vocasse, eorundemque Acta subscripsisse constat tum ex Concilio Arelatensti I. habito an. 314. cui plures Presbyteros, quin immo & Diaconos, atque etiam Exorcistas subscriptos legimus in ejusdem Actis editis a Symondo: tum ex Concilio Rom. sub Symmacho an. 499. cui sexaginta octo Presbyteros, & septem Diaconos subscriptos invenimus: tum denique, ut alia plurima praetermittamus, (& certe plurima, ut superius probatum est), ex alio Concilio Rom. sub Gregorio II. an. 721. ubi Episcopi, Presbyteri, & Diaconi sub*
hae

hac formula Decretis ab ipsis omnibus communi nomine promulgatis subscribere: Opportunus Gratia Dei Episcopus Maturanensis huic Constituto a nobis promulgato subscripsi. Sisinnius S. R. E. sub titulo S. Sisli Presbyter huic Constituto a nobis promulgato subscripsi: Muscus humilis Diaconus S. Sedis Apostolicae huic Constituto a nobis promulgato subscripsi. Haec ille, quae non immerito ad Dioecesanæ Synodos a nobis transferri æquus rerum aestimator minime inficiabitur. Ita Synodus Augustana an. 1548. Statuta Synodalia Episcopi assensione Capituli corroborat: Adprobante Cathedralis Ecclesiae Nostrae Venerabili Capitulo statuimus, & ordinamus. Ac ne ingratissimi hominum audiamus, quod externa conquirentes nostra hic memorare minime dignemur, ecce tibi ex Ecclesia Neapolitana id confirmans illustre monumentum apud Mazochium de Eccl. Neap. semper una, Humbertus Neapol. Archiepiscopus an. 1317. Constitutiones nonnullas editurus in hunc modum praeatur: Humbertus Neapolitanus Archiepiscopus . . . idcirco de consensu, & voluntate dicti Nostri Capituli infra scriptis Constitutionibus perpetuo valituris duximus statuendum. In quae verba sic egregie commentatur Vir ad miraculum doctissimus: Non tantum alienationes, permutationes, uniones, & cetera hujusmodi de consensu, & voluntate Capituli semper factae, verum etiam Constitutiones perpetuo valiturae (uti suas hasce Humbertus vocat) ita demum robur accipiebant, si cum consensu, & voluntate Capituli fierent. Multo magis in Synodalibus Constitutionibus id valebat: quas quidem Archiepiscopus Johannes Ursinus sibi aequae, & Capitulo inscribit; Constitutiones, inquit, Synodales Domni Johannis Archiepiscopi Neapolitani, & ejus Capituli. Haec tenus ille Capituli Neapolitani decus, & ornamentum. Huic sententiae suffragatorem accersimus Pontificale Rom. non mediocris illud

illud antiquitatis. Agens quippe de Ordine ad Synodum: *Post haec*, ait, *leguntur Constitutiones, si quae sint, per Synodum approbandae*. Ex quo certo colligitur Synodi itidem suffragium desiderari, ut Constitutiones editae robur, & efficaciam sortiantur; parendique obligationem inducant; quod etiam dilucide confirmat interrogatio Synodi Patribus facienda per verbum *Placet*.

Primo, quod sciam, Capitulis de subscriptione, ac pleni suffragii jure lis mota est in Provinciali Synodo (de Dioecesana quippe nil dubii adhuc subortum erat) Burdigalensi habito an. 1624. Nam in Londinensi an. 1075. non omnino submoti sunt Presbyteri; concessum est enim jus suffragii Abbatibus, qui meri Presbyteri sunt; & quod mireris, extra Presbyterium. Cum nempe Santonensis Capituli Procurator ex antiquo more decisivum suffragium ad Capitulorum Procuratores spectare contendisset, opinionem suam jussus est, tamquam erroneam retractare: *Sacro adprobante Concilio, decretis ultimi Concilii Burdigalensis inhaerentes, opinionem quorundam, qui ausi sunt asserere, praeter Episcopos quosdam alios habere vocem decisivam in Concilio Provinciali, ut erroneam judicamus*. Hic vides proculam primo distinctionem inter consultivum, & decisivum suffragium toti certe antiquitati incognitam. Sed miramur certe, qua ratione opinioni huic erroris nota inuri possit. Nam non de jure disputamus, sed de facto. De facto autem constat: nempe in confesso est, per plura secula, Presbyteros ad Provinciales Synodos admissos esse cum subscriptione; quod perinde est, ac cum suffragio decisivo. Canus Loc. Theol. lib. 5. cap. 5. Nonne id est contumeliam hanc satis atrocem in Majores nostros evomere, etiam primae omnium Cathedrae Moderatores, qui Presbyterium ad subscriptiones, & pleni suffragii jura in Synodalibus Conventibus ac-

civere, idque non tam ex liberalitate quadam, & in Presbyteros indulgentia (quam in quibusdam illorum propriae auctoritatis studiosissimis opinari non est), sed quod eam ab Apostolico aevo inveteratam in Ecclesia disciplinam reperissent? Sed cur, quaeio, haec demum opinio erroris accusabitur? Ne forte in Aerii errorem declinemus asserentis nil plane discriminis Episcopum inter, ac Presbyterum intercedere. Rursum teneatis amici: perinde, ac si idem esset; Presbyteros in Synodis decisivi suffragii jure potiri, & Episcopis esse comparere. Nonne omnium confessione Episcopi ipsi in Synodis Oecumenicis jus habent definitivi suffragii, quin sint tamen Rom. Pontifici pares? Cur ergo erunt Presbyteri Episcopis pares, si definitivi suffragii ipsis etiam in Synodis sive Provinciae, sive Dioeceseos jus permittatur? Nescio utrum illuc confugiant, Episcopos certe definitivum suffragium in Oecumenicis Synodis habere, integrum tamen esse, nec teneri Rom. Pontificem in ferenda sententia majorem Judicium partem sequi, eorumque doctrinam probare. Nam quo demum pacto hoc Episcoporum erit suffragium definitivum, si liberum sit Pontifici Rom. ab illo discedere? Certe non Episcopi, sed Pontifex unus rem conficiet. Quam melius rationes subducit doctissimus Melchior Canus, qui, quamvis, inquit, omnes Episcopi in Generalibus Conciliis veri sint judices, supremum judicium; & certe maximi ponderis penes est Rom. Pontificem Christi Vicarium totiusque Ecclesiae Caput. Cui adimplantes illud asserere posse videmur, etsi definitivum suffragium in Conciliis Minoribus etiam Presbyteris conceditur, supremam in Episcopo, ac praeponderantem auctoritatem agnoscendam, ita ut ejus sententia norma sit, ac regula, a qua ceteris, nisi aperte rationi ac juri dissona fuerit, non facile liceat discedere.

Sed nunc auctoritate pugnemus. Non ignorabant

cer-

certe, se Presbyteris antecellere Episcopi illi, quotquot praeteritis Seculis Presbyteros ad subscriptionem, ac jus suffragii decisivi perlubenter admisere; neque ulla fuit in eis mora, quin illos in Episcoporum gremium ad consultandum, ac deliberandum acciperent, quod sint Episcopi & Ordinis, & jurisdictionis potestate Presbyteris superiores, quodque possent leges ferre, quibus ipsi etiam Presbyteri invitati, ac reluctantes coërcerentur. Meminerant quippe illius saluberrimae Christi sententiae, quae omnibus seculis Ecclesiae in legislatione pro norma fuit, *Reges Gentium dominantur earum: vos autem non sic*. Volebant ab omnibus caritate duce, ac pedissequa decerni, quod ab omnibus esset servandum. Et nonne etiam Abbates modo quasi Episcopali jurisdictione pollentes, & Ordinum Regularium Generales Ministri ad ipsa Oecumenica Concilia cum decisivi jure suffragii Ecclesia largiente aditum invenere? Cur non Aërianam in Ecclesiam invehi haereseos, & Episcoporum jurisdictioni vim afferri reclamatum est, cum Presbyteri simplices Episcopis in suffragii praerogativa in confesso Orbis terrarum maximo proxime accederent? Nonne Ecclesiasticum novissimum jus, quale in libris Decretalium prostat, Episcopalem potestatem limitibus quibusdam coërcuit, eamque Canonicorum consensui illigavit quibusdam in capitibus, quae inferne dabuntur, (nisi potius in satis paucis rebus libertatem Episcoporum compresserit, quae tota prius ab omnium consensione pendebat) quid? Aërianum in illas leges permeasse virus autumabimus? Sed ut omnia alia taceamus, certe Capitulis consultivum suffragium denegabit nemo; ejusque in Synodis Episcopalibus omnium consensione tanta est necessitas, ut Benedicto XIV. teste si Episcopus inconsulto Capitulo novas ediderit Constitutiones, atque in Synodo promulgaverit, utpote deficientes a praescripta norma, omni-

omnino careant firmitate . Nonne haec necessitas , ajo , Capitulum consulendi , ac tanta necessitas , ut re neglecta Constitutiones in irritum cadant , compedes iunt , in quas Episcopalis potestas jurisdictionis , qua supra Presbyteros pollet , ineluctabiliter conjicitur ? Quid ? nonne leges hujusmodi , statuta isthaec Aërium sapere insulsi satis quis pronuntiaverit ?

Sed apage has ineptias . Res ita se habet . Ubi prius summa animi conjunctione Episcopis Presbyteria cohaerebant , ubi unum , & indivisum constabant corpus , in quo Episcopi capitis , Presbyteri membrorum locum tenebant , ubi summa concordia , consensione summa res gerebatur , optimum visum , ut cum Hieronymo loquar , in communi ab Episcopis , & Presbyteris Ecclesias regi ; leges omnes unanimi consensu ferri , communibus , paribusque suffragiis . Cum porro discordia primum , pestifera deinde ambitio sanctissimam , pulcherrimamque societatem discidisset , cum Canonici se se Episcopis immorigeros , ac contumaces praestare coepissent , exemptiones affectare , ac liberiores vivendi rationem inire , necesse fuit omnino Episcopalem potestatem pristinis vinculis paullo amplius expedire ; eaque paucis admodum rebus Capitulorum consensu coërcita , ut latius deinceps , ubi opus esset , excurreret , pati . Ne vero prisca prorsus intercideret disciplina , ejusque vestigia superessent aliqua , ad consultivum votum fuit necessario confugiendum . Et id quidem non lege aliqua peculiari denique statutum , qualis certe non exstat , ait Auctor Operis *Les Pretres juges dans le Conciles avec les Eveques* tom. 2 pag. 246. , sed usu potius , ac consuetudine , quam deinceps S. Concilii Congregatio ita probavit , ut religioni ducatur diversum sentire . Ad id igitur res rediit , ut in Synodo suffragium solummodo consultivum Capitulo relictum sit nulla necessitate Episcopis

pis imposita illius amplectendi : praetermissa tamen hac observatione nullius roboris decreta , si quae promulgentur , exsistant . Qua in re illusum potius Capitulis esse videtur : nam quae utilitas consultiui huiusce suffragii , quod impune liceat spernere ? Quid tu ad petendum consilium adigis illum , cui liberum est isthoc rejecto in contrarium plane abire ? Principes quidem Magnates suos consiliis adhibent , nulla eos necessitate urgente in consiliariorum sententiam . Verum liberum illis est , atque integrum & consilium petere , aequae ac sequi . Non ita Episcopi consilium jubentur petere , & summa libertate rejicere permittuntur . Quid isthuc rei est , nisi aut irrisio , aut inutilis quaedam caeremonia ? Ita sane posset imperitis videri . Sed interesse non parum visum est Ecclesiae Episcopos compellere ad Canonicos suos in omnibus consulendos . Nam si , uti opinari par est , sana prorsus , & ad rationis libellam exacta consilia deliberanti Antistiti tuo a Capitulo proponantur , incompressi esset , ac pervicacis animi illa respuere ; quod de Episcopo suspicari piaculum censemus . Si porro Canonici ab instituto , officioque discedentes , sententiae fortassis Ecclesiae statum , morumque disciplinam inturbanti pertinaciter adhaerescerent , illis intercedendi , atque oppositum plane statuendi libertas nativa Episcopo amplissima fuit relinquenda . Hanc porro disceptationem concludamus verbis doctissimi Gersonis de origine Jur. Consid. XII. qui licet suffragii decisivi in Conciliis minoribus etiam Praelatis asserat , quales sunt Curati , & Hierarchae (erant olim tales Presbyteri omnes) sic suam sententiam egregie temperandam censet : *Dicamus postremo , quod licet ea , quae statim dicta sunt , consonare videantur juri divino , & observationi priorum Conciliorum , & rationi ; nihilominus Concilium potest certis de causis , & ad tempus constituere voces definitivas in pluribus , vel paucioribus ,*
Sed

Sed rem nostram agamus, ad quam satis est consultivum saltem suffragium ad Capitula pertinere, Canonicos in omnibus gravioris momenti negotiis ab Episcopis, jure id exigente, esse necessario consulendos; nonne hic prono alveo consecutio fluit, illos oportere tales in consortio, Capituloque habere Canonicos, qui hoc demum tam grandi, tam periculoso munere digne queant, ac laudabiliter defungi! Id certe vidit Tridentina Synodus, quae cum post antiquos Patres, ac Concilia Capitula agnovisset veluti Episcoporum Senatum, atque eorum, uti vocant, Conciliarios natos, eam probitatem, morumque integritatem in iis, eam doctrinae excellentiam exquirat, ut vere Senatorum loco Episcopis sint. Optare ergo se fatetur, ut dimidia saltem Canonicorum pars aut in sacra Theologia, aut in Canonica re Doctoris lauream nacta sit. Sess. 24. de Ref. cap. 12. Praeiverat Synodus Burdigalensis an. 1624. cap. 9. *Metropolitanam, ait, & alias Cathedralis Ecclesias eas personas ita probitate, ac scientia commendatas ad Canonicatus eligere, & assumere, ut ex iis Corpus Capituli coalescens, Senatus Episcoporum, unde consilium accersant, merito dici possit.* Qua in re quid sanctius, quid disciplinae hodiernae etiam accommodatius, quid aequè utile, immo necessarium decerni poterat? Quod is demum facile intelliget, qui minime ignoraverit, quam late pateat muneris hujus Canonicorum humeris impositi amplitudo, quot in quotidiana Ecclesiae procuracione & ardua, & magna, & expeditu difficilia occurrere possint negotia, de quibus sicut eos consulendi Episcopo potestas est; ita iis continuo, si moram forte res non patiat, respondendi necessitas est injuncta. Quid quod intactum illud adhuc superest ex novissima Tridentini Lege, ut Episcopo ad plures abeunte, Episcopalis solida jurisdictio, atque Ecclesiae gubernatio recta
in

in Capitulum pleno jure concurrat? Nonne hinc facile colliget aequus rerum aestimator summa Canonicoꝝ peritia praeditos esse oportere, tali prope-
modum, qualis in Episcopo desideratur, quandoqui-
dem in illoꝝ Episcopalis sarcina transferenda est?
Si enim, verba sunt Espenii De Can. Offic. Part. I. cap. 2. §. 3. non exigua Keip. aut Regno injuria fieri existimaretur, si in Senatum illum, cujus consilio praecipua Regni negotia essent pertractanda, intruderetur persona negotiis Regni tractandis incapax; quanta non erit Ecclesiae facta injuria, si in ejus Senatum intrudantur personae, quae Ecclesiae regendae nullatenus sunt capaces, aut, quod pejus est, si quid industriae, aut capacitatis in ipsis est, potius in Ecclesiae perniciem, quam in ipsius utilitatem convertunt? Quin immo & hoc sapientissime a Majoribus constitutum est, ut ad Canonicos, vita perfuncto Episcopo, Pastoralis cura abiret, quippe qui diuturna cum Episcopo consuetudine ad Pastorale munus tam probe informati censendi sunt, ut illis difficile non sit Episcopos regere, manumque ad Ecclesiae clavum admoveere citra ullum gregis discrimen.

Perinde ergo est ad rem nostram, sive definitivum, sive consultivum suffragium Canonici habere dicantur. Verum, uti superius indicavimus, non pauca sunt, in quibus a Canonicoꝝ sententia discedere Episcopo, jure id statuente, non liceat. Ne quid porro in hac re desideretur, catalogum dare operae pretium ducimus, & eorum, in quibus decisivum suffragium imperatum est, & eorum, in quibus consultivum tantum requiritur. Decisivum in his, quae sequuntur, locum habet. I. In alienatione rerum Ecclesiasticarum, quae ad Cathedralē pertinent Ecclesiam. *Can. sine exceptione 53. caus. 62. quæst. 2. cap. ut super §. finali de rebus Ecclesiae non alienandis, Cap. 1. de his, quae fiunt,*

§c. II. In administratione bonorum, ac reddituum Ecclesiae, quae, si communia inter Episcopum, ac Capitulum sint, ad utrumque spectat administratio, *Cap. Novit, cap. Quanto, Cap. ea noscitur. De his, quae fiunt a Praelatis sine consensu* §c. III. In suppressione Canoniciatum, ac Beneficiorum, quae etiam legitima favente causa sine Capituli consensu Episcopo non permittitur. *Cap. cum accessissent de constitutionib.* IV. In adnexione Ecclesiae unius alteri Ecclesiae, seu Dignitati, seu Praebendae, quae sine Capituli consensu Episcopo licere jura non permittunt, *Cap. Tua Nuper. De his, quae fiunt, &c. Clement. si una de rebus Ecclesiae non alienandis.* V. Capituli assensus exposcitur, si Ecclesiae auctoritas minueretur. *Cap. Dilecti 13. de Majoritate, & Obedientia.* VI. In negotio quolibet, ubi forte Cathedralis Ecclesiae detrimentum timeatur. *Cap. Humilis Doctrina de Majoritate & Obed.* VI. Ut Seminarium in Aedibus Canonicalibus erigatur, quod sane ibi exstrui nequit sine Canonico- rum consensu; itaque ab ipsorum Aedibus divisum sit, ut Seminarii alumni cum Canonicis, aut Presbyteris minime communicent. *S. Con. Cong. in Mutinensi 3. Feb. 1604.* VIII. In Canonico- rum, qui supernumerarii dicuntur, creatione; quae res sine Capituli consensu non recte ab Episcopo instituitur, Eadem *S. Con. Cong. in Fulginatensi 26. Feb. 1639.* IX. Si velit Episcopus animarum curam, quae integrum Capitulum tangit, uni certae Personae, aut Dignitati perpetuo adnectere, id ei licebit ex Concilio Tridentino, modo Capituli consensus non absit. Eadem *S. Con. Cong. in Compensana 2. Julii 1647.* X. Consensus omnium Canonico- rum postulatur in actibus voluntariis, & ubi de Ecclesiae agatur intertrimento; nec majoris partis consensio sufficit: secus, si de actibus necessariis sermo sit, & Ecclesiae utilitatem respiciant. In omnibus hisce per-

perinde est Capituli consensum exposci, ac nullius momenti illa esse, quae ab Episcopo illo abnuente attentantur.

Nunc, quae consilium Capituli exquirant subnectamus. I. Requiritur in Beneficiorum Institutionibus, ac Constitutionibus. Cap. *Novit* saepius memorato *De his, quae fiunt*. II. In Clericorum Ordinationibus. Can. Episcopus sine consilio 6. Distinct. 24. ibi: *Episcopus sine consilio Clericorum suorum Clericos non ordinet*. III. In dispensationibus, & confirmationibus. C. *praesentium* 3. *caus.* 1. *quaest.* 5. *cap. quanto de his, quae fiunt &c.* IV. In Inquisitionibus, & Condemnationibus Clericorum, vel Sacerdotum, de quibus latius supra. Cap. *si quid vero* 23. *dist.* 85. *cap. Licet Heli vers. Juxta Canonicas sanctiones de Simonia*. V. In supplicationibus edicendis, dirigendis, atque deducendis Episcopus aget de Capituli consilio. S. R. Cong. in *Elboren*, 28. Martii 1628. VI. De eodem Capituli Consilio designet, ac distribuatur Episcopus, prout viderit expedire, quibus quisque Ordo ex Sacris adnexus in posterum esse debeat Ecclesiarum Cathedralium Canonicatibus, aut Portionibus; ita tamen, ut dimidia saltem pars Presbyteri sint; ceteri vero Diaconi, aut Subdiaconi. Ubi vero consuetudo laudabilior habet, ut plures, vel omnes sint Presbyteri, omnino observetur. Verba sunt Trid. sess. 24. *cap.* 12. VII. Indulgentiae non per alios, quam per Episcopos indicuntur adhibitis duobus de Capitulo. Ex Trident. sess. 21. de Reformatione. *cap.* 9. VIII. Dioecessana Synodus, antequam indicatur, ac promulgetur, Capituli consilium Episcopo adhibendum est. Cap. *quanto de his, quae fiunt a Praelatis*. Episcopus enim prudens, ait Lucius Ferraris Biblioth. Canon. V. Capitulum n. 21. *antequam Synodi decreta promulget, debet prius in privatis congressibus a viris doctrina, prudentia, ac pietate*

praeſtantibus ; & deinde ex obligatione a Capitulo collegialiter coadunato Conſilium exquirere
 Quod ſi Episcopuſ Conſtitutiones ſuas inconſulto Capitulo promulgaverit , illae proſecto , quod ad formam juris non ſint exactae , firmitate carent . In hanc ſententiam laudat Bened. XIV. de Synod. Dioceſ. lib. 8. cap. 1. VIII. De primo ad ultimum Capituli conſilium generatim requiri debet in omnibus arduis Eccleſiae negotiis . *Cap. Novit . Cap. Quanto . Cap. Paſtoralis .* De hiſ , quae ſunt a Praeſlaris ſine conſenſu Capituli . *Eccleſia enim habet Senatum* , pergit idem Ferrariſ , ſeu coſtum *Presbyterorum* , ideſt *Capitulum* , ſine quorum Conſilio Praelato nihil agere licet . *Cap. Eccleſia habet Senatum 7. cauſ. 16. quaeſt. 1.* Et facit ad hoc Conc. Trid. ſeſſ. 24. cap. 12 de Reform. ibi : *ut merito Eccleſiae Senatus dici poſſit .*

Haec porro ; quae fuſiori calamo haſtenus deduximus , (tum maxime , cum Capitulorum jura omni ex parte intacta erant , & illaeſa) ſatis luculenter oſtendunt , immenſam negotiorum moleſm Canonicoꝝ cervicibus incubuiſſe . Fiebat inde , ut quemadmodum Episcopuſ modo laborioſa Dioceſeos adminiſtratione diſtenti a Diviniſ Officiis , ac Choro , ut plurimum abſtinent ; ita & Canonici non plane diſſimili cura occupati ad eadem Divina Officia per raro convenientes locum fecerint alioꝝ Miniſtroꝝ institutioni , qui in Eccleſiaſticis Horis recitandis , ac Chori functionibus aliis Cathedralium Canoniciſ ſuppeties ferrent . Hi ſunt , quos variis nominibus Canonicae ditarunt , Portionarioꝝ vide licet , Manſionarioꝝ , Aſſiſioꝝ , Beneficiarioꝝ , Cappellanoꝝ ; & ſi vulgato nomine fortaiſſis notiore , licet minus proprio , utendum eſt , Hebdomadarioꝝ . Sed in eorum originem paullo diligentius inquiramus .

Oratio , praecipua Chriſtianae Religionis teſſera ,
 ma-

maximi semper in Ecclesia habita est. Ea etsi divino urgente mandato fidelibus omnibus pernecessaria est, Ecclesiasticis tamen hominibus pro anima, ac spiritu est, qui quemadmodum sanctiorem ex instituto suo prae ceteris vitae rationem inire debent; ita id sine Deo assiduis precibus exorato minime praestare eos posse Fidei dogma est. Et primi quidem Ecclesiae Pastores Apostolorum praecedente exemplo, qui orationi, ac ministerio verbi instantes erant, utrumque admirabili nexu conjungebant; & Ecclesiarum sollicitudine quotidiana pressi sive in Ecclesia, sive in privato quolibet Oratorio, quo eos persecutionis metus compulisset, una cum Clero, ac Populo frequentissime coibant, divinum hoc munus diurnis, nocturnisque horis persolaturi. Non poterant autem meliores Altissimo offerre sive laudes, sive preces, quam quas Deus ipse in Sacris Litteris homines edocuit, ut ita quadam ratione (cum ex Apostolo nos quid petamus, ignoremus,) Spiritus ipse pro nobis interpellaret. Hinc profluxit Officium illud, verissima nomenclatione Divinum appellatum, e Psalmis, Scripturaeque Sanctae Lectionibus conflatum: cujus recitationem Clericis omnibus, saltem Majoribus, ita praeceptum Ecclesia quovis seculo voluit, ut qui cum ceteris divinis Laudibus decantandis interesse gravi aliqua necessitate prohiberentur, eam privatim nullo modo intermitterent. Quid vero miremur priscam illam Clericorum assiduitatem in Ecclesiastico Officii persolutione, cum constet Laicos homines, immo & Principes ipsos, ac Magnates sive in publicis Templis, sive in domesticis Sacellis Angelico huic muneri operam dedisse non instrenuam? Innumera hujusce moris suppeditat monumenta Ecclesiastica Historia, quibus exscribendis consulto abstinemus memores illius effati, artificem ne in melius quidem aberrare sinas. Illud vero omittere religio est mihi,

confueviffe olim Nobiles quemdam e servis suis libertate donare , ut in proprio Oratorio Canonicas horas sibi recitaret . Tanta in illis & fidei fervor , & adversus hanc religiosam exercitationem animi studium , ac propensio .

Secutis porro temporibus , sive defervescente caritate , sive negotiorum turbis succrescentibus , quae duo simul conjungebantur olim & assiduitas in Ecclesia divinis laudibus concinendis , & labor in ministerio , separari coeperunt , cum Episcopi , ceterique Animarum Curatores , quales ab initio Canonicos fuisse diximus , alio , ut levius dicamus , advocati , totique in Ecclesiae administratione immerfi , Divinam Psalmodiam tantum non deseruerunt . Eoque res isthaec processit , ut quarundam Ecclesiarum Canonici alienum ab se se munus hoc sibi pessime persuaserint . Illustre corruptelae hujusce exemplum nobis suppetit ex responso Canonici cujusdam apud clarissimum Mazochium in saepius , nec tamen satis laudato Opere de Ecclesia Neap. semper unica . Agebatur quippe de Sacro Ordine singulis Canonicatibus ex Tridentini praescripto adnectendo ; habitoque ad id rei Capitulari Conventu , cum singuli Canonicorum suam rogarentur sententiam , quidam eorum sic opinatus est . *Istud nostrum Capitulum est satis ab omnibus Capitulis diversum : & non est aliud Capitulum , uti Nostrum . Unde Sacrum Conc. Tridentinum non poterit intelligi de nostro . Canonici enim nostri non tenentur Ecclesiae servitio . . . Ut quid Canonicatibus Sacri Ordines sunt adnectendi ? Unde sum voti , non esse eisdem Canonicatibus Sacros Ordines adnectendos .* Secundum hanc sententiam non defuerunt alii , qui censuerint . Vide opinenti monstrum , quasi alio consilio , quam ut Ecclesiae servirent , Canonicatus sint instituti , aut quidquam Ecclesiae possit utilitatis impendere , qui Sacris Ordinibus insignitus non est .

Licet vero id fingulare Neapolitani Capituli privilegium praefatus Canonicus crederet, uti Ecclesiae servitute esset immune: cetera tamen Capitula eandem sibi libertatem posse vindicare censuerunt. Fiebat inde, ut non sine bonorum offensione Divinorum Officiorum celebratio aut deserta jaceret, aut ad paucos admodum redigeretur. Huic tam gravi incommodo medio aevo obviam iri creditum est, si juniores Clerici complures Capitulis adlegerentur ad divinam Officiorum Sacrorum Psalmodiam celebrandam, cui muneri accommodata prorsus erat illa aetas. Eo tandem res erupit, ait Thomasinus de Benef. part. 1. lib. 3. cap. 10. n. 5. ut duae secernerentur in Capitulis Cathedralibus Canonorum classes: altera juniorum, qui Ecclesiae psalmodiae manciparentur: altera eorum, qui sacris decorati essent Ordinibus; possentque jam Episcoporum Consilarii, & Administri videri. Olfacimus hic quamdam Hebdomadariorum umbram. Clericos animadvertimus juniores concentui Ecclesiastico unice mancipatos; Canonicos, si, ita dicere fas est, minorum gentium; qui Canonici fortassis appellantur ex antiqua Canonorum notione Clericis omnibus bonis Ecclesiae alitis communi; a veris Canonicis Episcopi Administris, Consiliariisque immane quantum discrepantes.

Sed ista demum Capituli sectio, ac recens investita Canonorum distinctio statim displicuit; actumque est, ut in veros Canonicos simul cumularentur & florentissimorum Ecclesiae temporum decora, & ornamenta, cum Presbyteri, Diaconique Cathedrales Senatum, Synodumque perpetuam Episcopi conflarent, & aetatis illius aureae, ubi etiam Divinae Psalmodiae Canonici maxime vacabant, functiones scilicet omnium sanctissimae, aemulaeque caelestium Canticorum. Sed non continuo huic pientissimo consilio obsecundatum est; perrexerunt Canonici Choro frequentes abesse alio occupati. Quamobrem necesse

prorsus fuit genus aliud Ministrorum in Cathedrales fere omnes irvehere, a Canonicis longe diversum, iisdem in Choralibus functionibus subditum, ut iisdem in concentu, ceterisque Chori Ministeriis, sicubi abessent, opitularentur. Hujusce institutionis aetatem XIII. exeunte seculo comperimus. Et Romae primum hi novi Canonicorum Ministri prodire in Basilica S. Petri, institutionem probante Johanne XXI. an. 1277. Bulla ad id expedita, quae refertur in Bullario S. Basilicae Vaticanae. Ibi enim instituti dicuntur hujusmodi Beneficarii, ut Canonici in Divinis Officiis persolvendis subsidio essent, cum plena tamen ad ipsos Canonicos subjectione; servitiumque Cathedralis habitum fuit pro titulo Beneficii eorumdem, uti colligere est ex laudata Bulla Johan XXI. & ex altera Nicolai III. an. 1279. Hinc discrimen ortum inter Canonicos Cathedralis, & hos Beneficiarios, quod illis pro titulo est Cathedralis ipsa Ecclesia, cui cardinati sunt: hisce vero ejusdem servitium ab ipsis in illius Choro exhibendum. Ex his plane consequitur, Beneficiarios Capituli nomine minime venire, stallum, ut ajunt, in Choro minime obtinere, neque suffragii jure pollere: non tamen Corpus a Canonicis distinctum constare; neque ad Collegii formam coire. Adhaerent quippe Canonicis, uti Deservitores Capituli, quae nomenclatura a Canonistis passim usurpatur; quod nolim in eorum contumeliam dictum accipi, sed eo ut eorum ministerium significetur; nam infima etiam ministeria, quaecumque tandem ea sint, in Ecclesia Dei semper maximi habenda sunt.

Ex his, quae huc usque descripta sunt, facile lis illa componi posse videtur, quae paucis abhinc annis Canonicos inter Cathedralis, & Beneficiarios istiusmodi non levi exarsit contentione, ac suprema etiam pervasit Tribunalia, num scilicet Beneficariis his-

hisce ad Canonicatus adipiscendos patefaciendus sit
 aditus in Cathedralibus illis, ubi aut semper, aut
 fere semper eis fuit interclusus. Equidem nolo illis
 negotium facessere longissimi temporis praescriptio-
 ne, quae quoties hominum superet memoriam, va-
 lidissimum jus conficere non dubitatur. Antiqui enim
 mores hoc certe ostendunt abs re Ecclesiae non esse
 huiusmodi homines ad altiorem hunc gradum pro-
 vehere. Sin minus, aut uno, aut altero saltem tem-
 pore, aut unus, aut alter Antistes eorum aliquos
 altius ascendere iussisset. Contingere enim potest, ut
 unus, aut alterius lubricine injuria irrogetur: ut
 vero omnes per longissimam temporis intercapedi-
 nem eodem ingenio sint Episcopi, id enim vero
 nec contigit umquam, nec pro rerum humanarum con-
 ditione contingere umquam potest. Nolo itidem litem
 Beneficiariis eo ex capite intentare, quod decere
 minime videatur, ut qui deserviendo instituti sunt;
 ad imperandum continuo arcessantur; quemadmodum
 indecorum certe existimaretur, si Judicum apparitores
 in Tribunalibus, statim nullo alio interjecto gradu ad
 jus dicendum advocarentur. Quae certe ratio fuisse vi-
 detur, ut in illustrioribus, ac bene compositis Ca-
 pitulis haec Ordinis perturbatio minime toleretur.
 Sed mitto haec omnia. Nam sat scio aliquam par-
 tem aequi, bonique me dicturum, nec tria inter
 nos hic commutanda esse verba. Sane didicimus ha-
 ctenus, qui fuerint olim Presbyteri, quanam in
 Presbyterio munera eorum, jura, ac decora; quon-
 nam Canonicos esse hodieum oporteat illorum in
 juribus, ac muneribus successores, qua morum ca-
 stitonia, qua doctrinae excellentia praeditos, ut a
 consiliis saltem Episcopis esse queant, & Ecclesiae
 utilitati, cujus vere Senatus sunt. Id certe incon-
 cussum est; & ad saltidium usque hactenus inculca-
 tum. Si ergo inter Beneficiarios Cathedralis cujus-
 cumque aut pauci, aut plures forte fortuna existe-
 rit,

sint, qui his dotibus ornati Ecclesiae Christi & ornamento, gloriae, & adiumento futuri sperentur; age vero hi ad tam conspicuum Ecclesiae ordinem statim extollantur, evehantur, sublimes ferantur. Plaudent boni eorum profectioni, congaudebunt socii, exultabit populus; ipsi invidiosos occludent, conticescent. Quis enim hiscere contra, quis tam iustae electioni audeat obrectare?

Sed vereor, ut persacile sit multos in Beneficiariorum coetu invenire, qui ceteris, (quos in aliorum coetu facilius comperire est) doctrinae praestantia antecellant, iisque aliis ornamentis, quae dignum Canonicum, qualem Ecclesia expetit, constituent. Nam praestantia hic omnino requiritur: scitum quippe ad Beneficia, majora potissimum, digniores esse provehendos. Ut ut igitur demus ex Beneficiariis aliquem sapientiae nomine commendari; non statim Canonicatu dignus erit, nisi aliis praestet Ecclesiasticis viris, qui in aliis classibus in ministerio collaborant. Haec porro praestantia quam rara in saepe laudatis hisce inferioribus Ministris! Satis habent Episcopi, dum eos Sacerdotes inungunt, si sufficienti ad sacrum faciendum scientia polleant, id unum forte curantes, ut canora voce instructi, ac concinendi peritia, quod ferme unum eorum munus est, praediti appareant. Et certe, qui musicae addiscendae operam navant, impares se, & minus idoneos severioribus disciplinis arripiendis experiantur. Cantus nimirum oblectamentum adeo animum allicit, ac plane comprehendit, ut vix alteri graviori locum relinquat rei. Neque nostrum id est opinamentum, sed sanctissimi, doctissimique Pontificis Gregorii Magni, qui Cantoris munus non dico Presbyteris, sed ipsis Diaconis interdicat, in Subdiaconos illud, aliosque Minores Clericos rejiciens; tum quod pueros, ac juniores Clericos minime deceat, ut Dei laudes in Ecclesia suavi cum mo-
du-

dulatione concinant ; Diaconum vero aetate , ac dignitate proVectum absonum videatur in eo curam , operamque omnem ponere , ut suavissime canat ; tum vel maxime , ne concentus studio Diaconi a ministerio verbi , ac pauperum cura , quod longe momentosius est , avocarentur . In Romana Ecclesia , inquit lib. 4. epist. 45. dudum est consuetudo valde reprehensibilis exorta , ut quidam Sacri Altaris Ministri Cantores eligantur , & in Diaconatus Ordine constituti modulationi vocis inserviant , quos ad praedicationis officium , eleemosynarumque studium vacare congruebat Qua in re praesenti decreto constituo , ut in hac Sede Sacri Altaris Ministri cantare non debeant , solumque Evangelicae lectionis munus inter Missarum solemnias exsolvant . Psalmos vero , ac reliquas lectiones censeo per Subdiaconos , vel , si necessitas fuerit , per minores Ordines exhiberi . Id certe Gregorius statuit , non quod a concentu abhorreret , cum res in Ecclesia fuerit ad ejus usque tempora usurpatissima , & cantum ipsum meliorem jussit modulationem induere , quae ab ejus nomine Gregoriana nuncupatur ; sed quod noluerit altioris Ordinis Ministros levioribus hisce rebus distineri , quae curis gravioribus imparem hominem praestant . Nihil ergo nobis excidit a ratione alienum , cum asseruimus vix posse contingere , ut inter hos Cantores excellens doctrina , ac praestans sapientia , illa ipsa , quae Canonicalibus explendis muneribus par sit , inveniatur . Res est etiam evidentia facti notissima : rimemur , ac diligentissime Collegia illa perscrutemur , ubi ad concentum adolescentes informantur , dispeream si unus , aut alter eorum etiam , qui litteraturae operam dant (nam & ibi etiam in literis instituuntur) , ex quo isthaec condita sunt domicilia , repertus sit adhuc , qui doctrina sibi aliquid nominis compararit . Quibus si addere liceat , quod huic arti se se dedant ii , quibus inops est ingenium ,

studiis severioribus ineptum, res omnino conclamata est, ac causa finita. Si nempe nemo unus eo munere augendus est omnino, cuius onera ejus humeri ferre reculent; cumque luculentissime omnes Ecclesiae Canones clament, Canonicos oportere non modo castioris vitae ornamento, sed & sapientia etiam ceteris Ecclesiae Ministris praecellere, consequitur prorsus, hoc dignitatis gradu prohibendos hodiernos Cathedralium Hebdomadarios, quos adversus, ne provehantur, & antecepta omnium opinio, & vitae studia, atque institutae rationes acerrime pugnant. Quod si contra accidit aliquando, id portenti loco habebimus, ac portenta in rerum usum quotidianum minime venire apud omnes in comperito est.

P A R S III.

Capituli Aversani Constitutio, ac Status.

Mortalium ingratiissimi censeremur, si aliarum Ecclesiarum moribus, ac institutis conquirendis, ut operi nostro serviremus occupati, ac fere immergi, Ecclesiae nostrae Aversanae, in cujus gremio fausto omine enutriti sumus, educatique; conspicuique illius Capituli, cujus immerentes non infima insidemus sede, penitus incuriosi oblivisceremur. Ergo age hac suprema laboris nostri parte utriusque Constitutionem, ac Statum, qua majori fieri potest, & diligentia, & brevitate, posterorum memoriae consecremus.

Aversa Urbs in feliciori Campaniae situ constituta a Neapoli Regni Metropoli octo passuum mille distita, etsi multis nominibus commendanda, aëris scilicet salubri temperie, soli feracitate, civium industria, urbanitate, facilitate; eo tamen cum primis nobilissima, quod, secus ac complures ejusdem Provinciae Urbes, statim ab ortu sui Christianis Sa-
cris

cris dedicata est. Nullo idolorum cultu conspurcata, nullis superstitionibus commaculata soli vero Deo ab incunabulis consecrata est. Illud etiam in maxima ejus gloria ponendum est, quod parentes habuit Principes illos Northmannos, qui non modo alterius potestati minime subditi has nostras regiones obtinuerunt; verum etiam imperio longe lateque in Campaniam, Apuliam, Calabriam, aliasque adjacentes Provincias faustis omnibus prolato, Neapolitanae Monarchiae fundamenta jecere.

Raynulfus ergo ex illis Northmannis unus, qui e Neustria Boreali Galliarum plaga spe melioris fortunae illecti paternis laribus valere jussis se se in Italiam contulere, a Sergio Neapolitano Duce, quem contra Pandulphum Capuae Comitem strenue juverat, impetrato agro, in Regione ad Octavum dicta, urbem statuit, quam Aversam, vel Adversam, potius nominatam voluit, quod eo consilio posita fuerit, ut adversus Campani hostis impetum, promunimento foret, anno, ut melior fert supputatio, tricesimo supra millesimum. Quanta porro Religione, ac pietate adversus Deum hi novi Dynastae fuerint, cum unanimi consensione consentiant Historici, tum ex monumentis illustribus, quae nondum publicam lucem aspexerunt, pronum est colligere. Hic igitur, quem memoravimus, Raynulfus Urbis parens, ac Fundator tantum non moenia absolvit; cum de Ecclesia Matre construenda, Ministris arcessendis, iisque largo censu ditandis cum primis cogitavit. Res est nulli obnoxia dubitationi: constat enim ex Diplomate Jordanis II. an. 1121. Raynulfum hunc primum Aversae Comitem complura speciosissima praedia in Ecclesiam S. Paulli Aversanam, ejusque Clerum regali plane munificentia contulisse: quam sane largitionem Jordanus ipse ratam esse jussit his verbis, quae referuntur in Regio alio Diplomate Caroli II. in Regesto signato an.

1298. & 1299. ljet A. eandem concessionem ex-
 scribente, ac confirmante. *Nostre salutis providen-*
tes, verba sunt Jordanis, in perpetuum concedimus,
& confirmamus Aversanæ S. Pauli Apostoli Ec-
clesiæ quidquid ei a tempore Raynulphi I. Aversa-
norum Cbmitis concessum vel ab ipso, vel a successo-
ribus suis Radulpho Drancanotto, Ricardo Principe
Avo, & Jordane Principe Patre Nostro, Ricardo,
& Roberto Principibus Fratribus Nostis, & omni-
bus ejusdem loci Baronibus cum licentia Comitum,
vel Principum, concessum, aut concedendum est: ita
ut nullus ejus Ecclesiæ Episcopum, aut Clericos in
Beneficiorum subtractione, quæ possident, vel posses-
suri sunt, inquietare præsumat. Et ecce tibi, quam
 belle ex hoc Diplomate prima prodeunt Capituli.
 nostri elementa. Sane singulare quiddam huic no-
 stro accidit, quod nescio an alteri uspiam Capitulo
 contigerit, ut ante Caput enascerentur membra.
 Certe Raynulphi tempore videmus Aversanæ Eccle-
 siam, & Clerum, quam laudatus Comes donatione
 augeat locupletissima. At nullus ibi adhuc Episco-
 pus; qui tum demum Aversanis datus est, cum eam
 Cathedram recens statutam primus ascendit Azoli-
 nus a Leone IX. consecratus an. 1050. tribus post
 Raynulphi obitum annis. Namque is denatus est an.
 1047. Solum ergo Presbyterium toto illo viginti ad-
 minus annorum intervallo Pastoralem curam Neo-
 phytæ Ecclesiæ istius gerebat. Sat scio in Congas
 ambages nos conjectum iri, si moveatur quaestio,
 a quonam hi novi Pastores missionem suam mutua-
 ti fuerint. Non certe ab Antistite Atellano; jam
 enim Atella funditus erat eversa; cum constans sit
 Scriptorum assertio Adversam Urbem solo aequatae
 Atellae successisse: non a Campano, prorsus enim
 inverosimile est, Raynulphum Capuanis infensum,
 qui in officio continendis novam Urbem erexerat,
 quique a Sergio in eandem invidiae societatem per-
 tra-

tractus fuerat, passum esse, uti Sacerdotes novae Ecclesiae regendae Capua Adversam adventarent. Restat, quod vero propius videri posset fortasse, Neapoli hos Presbyteros huc demum commigrasse. Sergio Neapolitano Duci Raynolphus & amicitia, & propinquitate junctus agrum urbi aedificandae ab eo impetrat; agrum, ut nonnulli autumant, Neapolitanae ditionis, ut ex Castello quodam eo loci sito ad Neapolitanos pertinente constare ajunt. Haec omnia suadere videntur, Neapolitanis Presbyteris ad novam regendam Ecclesiam Raynolphum usum esse. Sed quominus huic opinioni adquiescamus illud facit, quod si a Neapolitana Cathedra Aversana Ecclesia, tamquam a fonte rivulus profluxisset, illi certe fuisset subdita; neque huic novus Episcopus dari potuisset, quin Ecclesiae Matris jura convellerentur, aut si id incommodum minime in censum venisset, saltem Cathedrae principalis Aversana Ecclesia evasisset suffraganea. At Aversana Ecclesia, Callixto II. teste Bulla peculiari, cujus initium, *Ex Fratrum sui semper juris exstitit, nulli alii Cathedrae subjecta praeter Romanam. Ibi: ab ipso fere sui principio Aversana Ecclesia Romanae adhaesit Ecclesiae, unde Rom. sibi Ecclesia eam tamquam specialem filiam specialiter vindicavit.* Neque enim veri speciem habet, Rom. Pontificem Neapolitani Antistitis jura conculcasse, ut Aversanam Ecclesiam alienae obedientiae vinculo prius absolutam suae Cathedrae peculiariter addiceret. Igitur transigendae rei hanc puto ineundam esse rationem, ut dicamus, Raynolphum cum Pontifice Rom. agentem, ut Ecclesiae abs se fundatae primus Episcopus destinaretur, dum res in deliberatione erat, obtinuisse interim, ut per Presbyteros, quos fortasse in comitatu habebat suo (neque enim a vero abhorret pro religione sua plures expeditionum comites adhibuisse) administraretur. Utcumque tamen id negotii se se ha-

habuerit, compertam habemus ante Episcopatum ipsum Presbyterii Aversani constitutionem; & quidem Pastoralis cura decorati, ita ut peculiari prorsus exemplo Principi Senatus praeiverit.

Hi ergo Aversani Presbyteri fuere & Parochi, & Canonici. Sic nempe temporum illorum disciplina ferebat, cum nondum a Beneficiis Ordo, & Animarum Cura fuisset ablegata, quod demum Seculo XII. contigisse parte 2. docuimus. Et mihi quidem prisca rerum nostrarum monumenta rimanti videtur vetus Capituli nostri Ordinator praecipuas praec oculis Ecclesias habuisse, Romanam scilicet, ac Neapolitanam. Et de Romana quidem satis exploratum est, primum illius Presbyterium, sive, si ita loquias sit, Canonicos, nonnisi Presbyteros, ac Diaconos Cardinales fuisse, idest titulis quemque suis affixos, quos veros Parochos appellaveris animarum cura oneratos. Neapolitana itidem Ecclesia non alios primitivos agnovit Canonicos, nisi XIV. illos a B. Athanasio Seculo IX. institutos Presbyteros simul, ac Diaconos Urbicis Ecclesiis, sive Diaconiis cardinatos; Presbyteros quidem Paroeciis Praepositos, & pauperum curam gerentes Diaconos. Ex quo recte colligit Mazochius, primitivorum Neap. Sedis Canoniorum Collegium nihil revera aliud fuisse, quam meram Parochorum Urbis collectionem, idque ex titulis, quibus singuli illorum insigniuntur, fieri manifestum: in quo, subdit, praecipua Canoniorum nostratium praerogativa vertitur, quae Nostros hoc Neapoli fuisse docet, quod Romae S. R. E. Cardinales, quorum scilicet originem si excutias, eos veros Rom. Ecclesiae Parochos ab initio fuisse reperies. Illud interest nostros inter, ac Neapolitanos, quod Aversae Presbyteri, non Diaconi; at Neapoli uterque Ordo conjunctim in Canoniorum album relatus est: cujus rei illa potest verissima proferri ratio; quod Diaconi Cardinales nonnisi in

ma-

majoribus Urbibus, quemadmodum Diaconiae ipsae instituti. Quare angustiori oppido Averſa, utroque implendo muneri soli pares habiti sunt Presbyteri. Hos vero nostros Presbyteros, sive primaevos Canonicos veri nominis Parochos fuisse ne dubita: hoc nempe nomine diserte nuncupantur laudato superius Jordanis Diplomate, etsi pro temporum illorum barbarie paullisper inflexo. Nimirum cum Linternini lacus donationem, rerumque aliarum, quas longum esset exscribere, confirmasset; vetuit, ne quis in Linternino agro castrum, aut munitionem aliquam erigeret; si contra factum esset, fas esse voluit Roberto Episcopo, ejusque successoribus, omnibusque suis Parochis illud funditus demoliri: *Quod si aliquis, verba sunt Diplomatis, infra praedicta duo milliaria, Castrum, vel munitionem, seu firmitatem aliquam factam habuerit, vel fecerit, sive etiam incipere praesumerit; praedictae Ecclesiae, & Domino memorato Roberto Venerabili Episcopo, ejusque Successoribus, omnibusque suis Parochianis potestatem, & licentiam concedimus funditus evertendi.* Qui erunt, amabo, hi Cathedralis Ecclesiae Parochi, nisi primitivi Canonici, quos ex illius aevi disciplina animarum Curatores, sive Parochos fuisse ostendimus?

Eorum numerum primo illo institutionis tempore vetustis destituti monumentis (Tabularium nempe Capitulare cum Urbe tota conflagrasse indubitatum est jubente Rogerio an. 1134) definire non possumus. At anno 1331. duodecim fuisse comperimus ex quadam permutationis pagina, ubi his notis designantur: *Congregatio, sive duodecim Presbyteri destinati ad celebrandum in Altari Majori Ecclesiae Majoris Averſanae.* Num vero hic numerus quatuor etiam Dignitates complecteretur, certum non habeo dicere. Nam etsi a Constitutione Capituli Dignitates hujuscemodi existisse reperimus; notum tamen est ex Canonistis, Dignitates non esse de Capitulo,

nisi in eodem Canonicatus obtineant. Is porro memoratus numerus non eo spectat, ut eo temporis articulo duodecim tantum fuisse Canonicos nobis credi velimus; sensim nempe numero succrevit; & immentum succrevit, ut inferius ostendetur; sed ut definiamus illos primigenios fuisse, ac Digniores Canonicos. Et horum alterum quidem satis, puto, haftenus demonstratum est; alterum vero tum ex dictis patet, nam animarum cura decoratos probavimus; tum vel maxime, quod ad sacra facienda in Ara majori Ecclesiae Matris destinati erant. Id porro quantae dignitatis foret, operae pretium est innuere. Et quidem Episcoporum munus erat peculiare sanctissimum Redemptionis mysterium publice offerre. Iis alio advocatis, potioribus, dignioribusque Presbyteris deferri illud moris erat. Et Romae quidem jam ante Stephanum IV. aliter III. Hebdomadarii instituti sunt Missis publice celebrandis. Qui vero illi? Episcopi certe Cardinales. *Hic statuit, ut omni Dominico die a septem Episcopis Cardinalibus Hebdomadariis, qui in Ecclesia Salvatoris observant Missarum solemniam, super Altare. B. Petri celebraretur, & Gloria in Excelsis Deo diceretur.* In antiquo Rituali Libro Romano apud Baronium an. 1057. haec invenies: *Haec (Lateranensis Ecclesia Salvatoris) habet septem Cardinales Episcopos, hosque dictos Episcopos Collaterales, itemque Hebdomadarios; eo quod singulis hebdomadibus per vices expleant munus Pontificis. Erant hi Episcopus Ostiensis, Episcopus Portuensis &c. Hinc Petrus Damiani II. Epist. I. Ecclesia Lateranensis, sicut Salvatoris est insignita vocabulo; septem Cardinales habet Episcopos, quibus solis post Apostolicum sacrosanctum illud Altare licet accedere, ac divini cultus mysteria celebrare. Est quod advertas Romae non Presbyteros, sed Episcopos Cardinales vice Pontificis in celebranda Missa perfungi; quod hi Presbyteris sine con-*
tro-

troverſia ſint digniores. Neapoli vero, & hic Averſae, quia huic muneri Epilcopi deſtinari minime potuere; digniores Presbyteri cum animarum cura huic operi peragendo praefecti ſunt. Neapoli ſane ſeptem Presbyteri Hebdomadaril, qui B. Athanaſium ejus Urbis Antiliitem parentem appellant; de quo ſic in ejus vita n. 14. *Hic itaque zelo fretus divino conſtituit Sacerdotes Hebdomadarios in Eccleſia Domini Salvatoris, quae Stephania vocatur, qui in eadem continuis diebus publicam Miſſam celebra- rent; ſicut mos eſt Eccleſiae Romanae.* Averſae duodecim memorati Presbyteri ab Altari Majori nuncupati. Nonne hinc ad Romanae, ac Neapolitanae Eccleſiae imaginem primaevum noſtrum Capitulum expreſſum fuiſſe affirmes?

Et de praecipua quidem noſtratum horum duodecim dignitate evidentius adhuc tibi conſtabit, ſi animum adverteris; quod cum nescio quo fato ſecutis temporibus ad portiones octo hi tituli evaſerint, nonniſi Dignitatibus quatuor, ac quatuor Canonicis honeſtioribus conſerri ſolerent conjunctim cum animarum cura, Miſſasque Conventuales canendi. Quod Pontificio oraculo demum inconcuſſe firmatum eſt, cum in perpetuum Dignitatibus Portionum harum quatuor adnexae ſunt; duae vero Canonicis Theologo, ac Poenitentiario attributae: ſuppreſſae duae reliquae, & Sacratio, ejusque oneribus ſuſtinen- dis corporatae, impoſita ſex priorum humeris ani- marum procuratione, Miſſarumque canendarum onere. Adi ſis Clementis VIII. Bullam rogante Bernar- dino Morra Antiſtite Romae datam an. 1601.. Ex noviſſima porro Benedicti XIV. Conſtitutione animarum cura ſex illis Praebendatis injuncta in Vicarium Curatum perpetuum converſa eſt, cum poſſet antea ad nutum amoveri, juiſſis tamen illis hunc pro viribus in tanto munere juvare.

Non in duodecim ſolis memoratis diu ſtetit Ca-
I 2 no-

monichorum numerus; sed in immensam, uti dicebamus, adolevit segetem. Id, quomodo contigerit, libet paullo accuratius deducere. Nullus dubito, quin nostrates Canonici a primis initiis in communis vitae societatem coierint. Consonant tempora, quibus in universis ferme Capitulis mos receptus fuerat, Seculum nempe XI. jam adultum. Sed suppetunt & nobis alia rei indicia, ac minime dubia in vernis nostris chartis. Memoravimus supra Jordanis, seu potius a Raynolpho profectam, atque a Jordane firmatam donationem praediorum locupletissimam in Episcopum simul, ejusque Clericos collatam; demus nunc ejus concepta verba: *Ita ut nullus ejus Ecclesiae Episcopum, vel Clericos in Beneficiorum subtractione, quae possident, vel possessori sunt, inquietare praesumat: Ecclesias scilicet omnes cum omnibus suis pertinentiis, decimas, terras cultas, vel incultas, cum montibus, & planitiis, cum sylvis, aquis, piscationibus, cum omnibus superioribus, & inferioribus earum; quin etiam hominibus (adscriptitios intellige, quales olim Subcivii Pagi incolae fuisse memorantur, in Episcopi Aversani ditione) cum omnibus eorum rebus ad persolvendum praedictae Ecclesiae: Et ne quis posset impune vitilitigare, res indicatas affirmans partim ad Aversanum Episcopum, partim ad Clerum seorsum pertinere, statim subjicit; Concedimus etiam, & confirmamus. Castrum Patriae cum toto territorio suo, & toto Lucrino lacu, & piscationibus, & fusariis, & aedificiis, & cryptis, &c. Certe vides Castrum Patriae, ac Lacum Episcopo, & Clero suo conjunctim celsisse, quae postea dissociata communione in Episcopi unius potestatem cecidere. Non levem etiam hujusce communionis conjecturam suppeditant vetera, quae passim occurrunt, Donationum instrumenta hinc verborum conceptionibus: *Ecclesiae S. Pauli Aversae, cui praest Dominus Episcopus NN. dono. Cur quae**

quaeso, nomen illud collectivum Ecclesiae hic usurpatum, nisi ut argumento esset cum Episcopo universos Ecclesiae Ministros accipiendos esse? cui conjecturae non modicum pondus accedet, eo quod seculis temporibus communi fortasse vita deserta donationes in Episcopum singularem; & in singularem Congregationem B. Paulli Apostoli collatae leguntur suppresso Episcopi nomine. Nolo mihi fidem adhiberi, donec idoneis testibus rem evicero. Anno 1097. sic eloquitur Robertus Ranulfi Comitis Filius: *Robertus divina ordinante clementia... Ranulfi Comitis Filius... concedit Ecclesiae B. Paulli Aversani, ubi Dominus Johannes Venerabilis Episcopus praeesit, omnes Ecclesias illas...* Anno 1143. Episcopi unius donationem accipientis mentio occurrit: *Symon de Sora unus ex Baronibus Aversae, per admonitionem, quam recepit a Domino tertio Joanne Episcopo Aversano, donat ei quamdam partem Terrae.* Ecclesia itidem separatim prodit innumeris in donationum chartis, quas, infiniti essemus, si huc transferre vellemus. Sed & alio utar argumento. A quodam Philippo Baetoso Gerardi Filio mutuas auri uncias 135. petierat Petrus Episcopus, pro qua pecunia hypotheace nomine lacum Lucrini, sive Aquam Patriae, Bajulationem Villae Subcivii, & Castrum Latinae nexui tradiderat. Sed quo pertinet illud, quod persoluta demum pecunia, creditor non Episcopum solum; sed ipsum quoque Capitulum absolvit? Illud, nisi fallor, quod memorata praedia non ad Episcopi mensam tantum; sed ad Capitulum quoque spectarent. *Concernentis mensae Episcopalis n. 38. Apud Major.* Verum diu est, ex quo a memorata communione Episcopum inter & Capitulum recessum est; & istud jacuisset, nisi privati homines pro sua pietate fundos in ipsum contulissent, quibus ejus constat dos universa. Hinc illud recte videmur posse statuere, ad medium fere XII.

Seculum coepisse Episcopum, ac Canonicos nostros cum primo conjunctim egissent, seorsum rationes suas instituere; ac distinctionem mensam inter Episcopalem, ac Capitularem inolevisse; quas tamen disertis verbis memoratas anno demum 1217. comperimus. Tunc quippe Paschasius quidam de Alenzone Averfanus renunciat Episcopali mensae Averfanae, & Domino Basuyno ejus Episcopo omne jus, & actionem, &c.

Cum porro e primitivis angustiis evalisset Averfa Urbs, coepissetque civium frequentia locupletari, Clericos ipsos Ecclesiae Ministros frequentioribus civibus praefuturos augeri necesse fuit. Hi primaevos Canonicos communem viventes vitam cum animadvertissent, insigni exemplo pellecti sunt, ut in Congregationem ipsi quoque coalescerent. Vigebat quippe eo Seculo consuetudo isthaec, ut in omnibus Matricibus Ecclesiis Clericorum Congregationes instituerentur. Imo, quod magis mirere, in agrestibus etiam Paroeciis. Emeritense enim Concilium Can. 18. Pastoribus his mandatum voluit, ut quos possent juniores alerent Clericos pro modo facultatum suae Ecclesiae, ut eorum opera, ac ministerio Divina Officia celebrarentur. Confer Thomass. de Benef. part. 1. Lib. 2. cap. 76. Moris originem inde arcessit Cl. Mazochius, quod aevo sequiore Monachorum vita passim fuerit in Ecclesias investa, Clericique instituta quaedam a Monachis hausta coeperint usurpare (veluti pullum vestium colorem, qui antea Clericis sive candidus, sive castaneus, aut violaceus esset), ac ipsa etiam vocabula non pauca indidem profecta. Nam hoc ipsum Congregationis nomen a Monachis petatum, hisce Clericis pro tesserâ fuit: eorum nempe Monachorum corpora, atque compages Congregationis nomine appellatas ab omnis aevi Scriptoribus res notior est, quam quae probari indigeat. Hinc Cathedralibus in Ecclesiis
duo

duo confata corpora, Canonorum scilicet, & Confratrum Clericorum: illa constanti vocabulo Collegia dicta, haec Congregationes. Quid quod ipsum Fratrum, sive Confratrum nomen a Monachis profuxit? Nam etsi olim omnes Christifideles Fratrum nomine gloriabantur; ubi tamen haec nomenclatio vulgo obsolevit, a solis Monachis tenacissime retenta est. Itaque apud Graecos *Ἀδελφότης* (*Fraternitas*) totam Monachorum Familiam uni Hegumeno subiectam notabat. Hoc ipso sensu vox apud Latinos recepta; nam Liberatus cap. XI. sic habet: *Tale Euthyches reddidit responsum, hoc apud se esse decretum, ut numquam egrederetur a sua Fraternitate, sed tamquam in sepulchro degeret in Monasterio.* Haec igitur post millesimum Christi annum facies Matricum Ecclesiarum, ac maxime Cathedralium, in quibus duo personarum Ecclesiasticarum nomina audimus, Canonicos scilicet, & Confratres; Clericos nempe in Congregatione communis vitae nodo obstrictos. Et de Neapolitana Ecclesia, adi, si vacat, laudatum Mazochium Part. 2. cap. 3. saepe memorati operis, ubi disertissimis productis monumentis, praeter Cathedralem, in quatuor Matricibus Neapolitanis Ecclesiis Beneficiorum, seu personarum Ecclesiasticarum recensionem describit ejusmodi, ut in earum quavis praeter Rectorem, aut si quae aliae occurrunt peculiaris nominis personae, definitus sit quidam Confratrum numerus cum reddituum, ac proventuum eis competentium, itemque munerum descriptione; cujusmodi sunt, Divinis interesse Officiis, pariterque Exsequiis. Alii Sacristiae deserviunt, alii Campanas pulsan, & cetera peragunt, quibus factum opus est. De Averfana Cathedrali vero, etsi confitemur rem esse subobscuriorem; si quis tamen superius dicta illi accommodare voluerit, quovis deposito pignore contendere posse affirmamus idem plane institutum obtinuisse. Nam praeterquam quod millies

in publicis Tabularii nostri monumentis Congregationis Divi Paulli, vel Ecclesiae Majoris mentio occurrit, luculentissima Fratrum, & Canonorum distinctio conspiciendam se praebet. Ut alia brevitati consulentes silentio praetereamus, unum satis sit proferre Instrumentum Anni scilicet 1142. *Ibi donat Liulfus Canonicus Ecclesiae S. Paulli Congregationi dictae Ecclesiae quasdam agri portiones praesente venerando Patre, & Domino Tertio Janne Aversanae, Sedis Episcopo, cum plerisque Fratribus, & Canonicis.* Quid, quaeso, evidentius desiderabimus, ut in eadem Matrice Aversana Congregationem scilicet, & Collegium fuisse agnoscamus, illam Clericorum Congregationi inscriptorum, qui Fratrum vocabulo veniebant; hoc Canonorum a Congregatione memorata immane quantum dissimile? Huc facit etiam, quod Scripturae aliae & Congregationis, & Capituli, veluti duorum Corporum diversorum clarissimam mentionem habent. Summaria Instrumentorum producam, quae in Tabulario custodiuntur. Anno 1133. *Pro eo quod Capitulum Ecclesiae Majoris Aversanae, &c. An. 1368. Capitulum Ecclesiae Majoris Aversanae. An. 1379. Capitulum Majoris Ecclesiae Aversanae. Anno 1380. Congregatio Majoris Ecclesiae Aversanae, &c. An. 1416. Congregatio Majoris Ecclesiae Aversanae. An. 1419.* Idem habetur initium. Anno iterum 1441. *Capitulum Majoris Ecclesiae Aversanae.* Quis non, deprehendet duo haec diversa esse corpora distinctis vocabulis indigitata in eadem Majori Aversana Ecclesia collecta?

Et hi quidem Congregationis Fratres Clerici uno inclusi domicilio vitam duxisse videntur. Nam supererat adhuc an. 1226. Domus, & Palatium memoratae Congregationis. Nimirum eo prorsus anno Thomas de Nigra Aversanus offert praedictae Congregationi annum redditum tarenorum quatuor A-

mal-

malphiae super parte Apothecarum, quam habet non longe a Cathedrali Ecclesia. Sic porro earum fines describuntur: *quibus ab Oriente est finis coemeterium ejusdem Ecclesiae, a meridie, & occidente Domus, & Palatium Congregationis ejusdem.* Inhabitationis hoc fuisse Domicilium inde patet, quod antonomastice dicitur Domus, & Palatium Congregationis ejusdem, cum constet domus multas, ac palatia ad Congregationem eandem pertinuisse ab eadem sub annuo Canone censui supposita; ut ex innumeris Instrumentorum paginis nostri Tabularii. Constat iterum domicilium illud supra memoratum, domicilium habitationis fuisse. I. Quod tolerant Clerici non Cathedralium modo, sed etiam Paroecialium ministerio mancipati simul in vicinia habitare, ut sicubi opus poposcisset, continuo praesto essent. An. quippe 1259. Johannes Cutinus Averfanus Aedium suarum partem Cappellani Ecclesiae Paroecialis S. Crucis habitandam concessit. Apud Majoranum tit. Donationum Dom. n. 29. II. Aedificia alia itidem majora possidebat eadem Congregatio in ipso Ecclesiae S. Paulli ambitu. Nam an. 1385. Johannes Acomarius Averfanus memoratae Congregationi donatas voluit quasdam suas hereditarias domos *Palatias juxta Palatium* ipsius Congregationis ab Oriente. Si hoc posterius Aedificium habitationis domicilium non fuisset, non dictum esset *juxta Palatium κατ' ἑξοχην*, sed *juxta aliud Palatium* ejusdem Congregationis. Adis eundem Major. tit. Don. Domorum n. 39. III. Domus nonnullae ejusdem Congreg. non quidem inhabitationis, sed dominii, ab inquilinis designantur. Sic an. 1268. memoratur domus quaedam Cong. S. Paulli intra ejusdem Ecclesiae fines, *quam tenet heres Domini Johannis Cantoris ejusdem Ecclesiae.* Aliud documentum, & satis sit. Ann. 1235. Jacobus Hugolinus vendit Philippo Scutario quamdam suam domum
in

in Parochia S. Paulli non longe ab ipsa Ecclesia, cui fines a meridie Domus Congregationis S. Paulli, quam tenet Contus Adierni; ab Occidente Palatium ejusdem Congregationis. Nonne hic in oculos incurrit domus a iis locata, ac Palatium proprio usui destinatum? Apud eundem Major. tit. Cens. Burgen. n. 98, & Tit. donat. Dom. n. 21.

Sed per diu non fuit, cum collectitii Clerici isti Confratres propriis non contenti terminis majorem gradum affectare coeperunt. Non defuit eorum votis Canonicorum temporis illius humanitas, ne dicam potius effusa facilitas, qui eos perbenigne ad sedem, sive stallum, & ad suffragia admiscere solo Canonico nomine pernegato. Hinc duo evenere: primum illud, quod Nostratum Collegium in quatuor Ordines displicitum fuerit; distinctique sint in Primo-stallos, Secundo, Tertio, ac Quarto-stallos: secundum, quod harum Personarum collectio, primo saltem institutionis aevo, non Collegium (quod vox Canonicorum coetui designando nata est; nam Capituli nomen serius aliquanto audiri coepit) sed Congregatio fuerit appellata. Accessit aliud non leve incommodum, Canonicorum scilicet, qui in immensum excreverant, numerus, ita ut iis alendis tenuissimi Ecclesiae redditus pares omnino esse nequirent. Quamobrem Jacobus Carafa Episcopus Ayersanus suo consentiente Capitulo an. 1449. exuberantem hunc compescuit numerum, ac Canonicos omnes octodecim in posterum esse jussit, quo numero quatuor etiam Dignitates, Decanum nempe, Prae-centorem, Archidiaconum, ac Succentorem inclusas voluit; ac primi, ac secundi stalli Ministris ablegatis, duodecim tantum in Quarto stallo retineri, decemque alios in tertio stallo; ita ut hi omnes cum Canonicis solidum quadragenarium numerum constarent. Vacantes porro Dignitates Capituli Canonicis creatis jam, non creandis conferendas decrevit

vit. Fortasse, nisi id divinare sit, hoc demum tempore Dignitates de Capitulo esse incepere, cum in eo Canonici nomen, ac reditus nascatur sint.

Res ita iterit ad usque Tridentini praeceptum, quo singulis Canonicatibus e Sacris Ordinibus aliquis illigandus jubetur. Tunc nempe decreto huic obsequens Petrus Ursinus Aversanorum Antistes cum Capituli sui assensu, quod octodecim memorati Canonici Presbyteri ad unum essent, duodecim enumeratos Ministros in Quarto Stallo ad Canonicatus non tam honorem quem habebant, quam nomen provexit; eorumque singulis Hypodiaconatus, vel Diaconatus Ordinem innoxuit. Exhausto hoc modo Beneficiarium numero (nam de Tertio stallis quid omnino contigerit nullibi apparet) Episcopus idem Petrus Ursinus An. 1597. annuente Clemente VIII. duodecim Beneficiariis novis Cathedrali Ecclesiam auxit, qui ita Capitulo deservirent; sibi quoque choralia munia imposita obirent, ut vocem tamen in Capitulo minime potirentur. Hi sunt, quos Nostrates sub vulgatissimo Hebdomadariorum nomine agnoscunt. His porro quatuor alii accessere an. 1724. instituentem Angelo Ranerio Canonico Succentore supremis Tabulis suis, quibus cavit, ut e Clericis Civitatis, vel suburbiorum uno, ac viginti annis non minoribus, ab Episcopo nominationem, & institutionem nanciscerentur. Pro coronide duos alios adjunctos voluit Nicolaus de Rosa Decanus an. 1730. Capitulumque ipsum ad eorum electionem arcessivit; quae sic est instituenda, ut Dignitates ad quamlibet vacationem unum nominent, alterum Presbyteri, alterum Canonici Diaconi, ac Subdiaconi, Episcopus digniorem electum instituat. His octodecim, si Canonicos triginta adnumeret, totum prodibit Capitulum octo, ac quadraginta Ministris conflatum; qui numerus sacris functionibus cum decore simul, ac maiestate obvendi nemo erit fortasse, cui non sufficiens videatur.

Et

Et haftenus Constitutionem , ac Statum Averſani Capituli breviter , qua tamen potuimus accurate , declaravimus . Illud ad exitum operi jam properanti reliquum eſt , ut Capituli ipſius dignitatem , decus , atque inſignia exponamus . Et licet fortasſe noſtra commendare nobis dedeceat ; ea tamen commemorabimus , quae oculos ipſos laceſſunt , eaque moderatione , ut nullus jaſtantiae factus eſſe locus videatur . Et principio quidem , quoniam Capitulum ad corporis inſtar eſſectum eſt , cui Episcopuſ capitis loco eſt , membrorum loco Canonici , Dignitas certe , & excellentia Praeſulum , qui huic Eccleſiae praefuerunt , ad Capitulum ipſum amplificandum magnifice facit . Unus itaque & ſexaginta Episcopuſ , qui longo ſeptem ſeculorum decurſu Cathedralam hanc inprimis conſpicuam occuparunt , ſi unum , aut alterum numero expungas , quos intrusionis crimen labefactavit , veluti Fridericum quemdam , Averſa ab Pontificis obedientia deficiente , minus legitime creatum , & Nicolaum Episcopum Lucerinum huc a Pſeudo-Pontifice Clemente VII. praeter faſ intruſum : ceteri omnes ad unum pietate , doctrina , rerum uſu , ac ſanguine nobiliſſimi . Ex hiſ duodecim ſacra Rom. Eccleſiae purpura condecorati , inter quos Aloyſiuſ ab Aragonia regia ſtirpe progenitus , utpote Ferdinandi Neapolitani Regis Nepoſ ; & Innicuſ Caraccioluſ omnium poſtremuſ , cujuſ ſamam , atque egregie facta nulla obliterabit aetas , quique adhuc vivere , atque anima ſpirare videtur in tot ſuperſtitibus ab ſe editis pietatis , Religionis ; ac magnificentiae monumentis . Neque praetermittendus eſſet Franciſcuſ de Tuſo e Theatina Regularium Clericorum Familia huic Eccleſiae regendae admotuſ , virtuteſque animi illiuſ non vulgareſ eſſent commemorandae , ſapientia inprimis , comitaſ , in hocce Capitulum ſuum amor , & effuſa beneficentia , hujus augendi , & ornandi ſtudium

dium singulare: sed modestiae ejus omnino parcendum est, omniaque injuriosa oblivione obtegeta, ut gratiam ab eo ineamus.

Ad ipsum ergo Capitulum stilum potius converteramus. Neque hic illa perensebo, quae ei cum Capitulis aliis communia sunt; nempe, quo tempore eligendi Episcopi Capitulis facultas erat, ea Canonicos nostros usos fuisse. Sic nimirum electi sunt Adam de Bingo Ambianensis Dioecesis a Johanne XXI. confirmatus an. 1276. ex Reg. Vaticano, Petrus de Bolonnesio Canonicus Belluacensis, confirmatus a Clemente V. an. 1309. ex eod. Vat. Regestu, Bartholomaeus Patracensis Archidiaconus, qui in Averfanis chartis electus legitur an. 1337. Johannes Ecclesiae S. Nicolai Barenfis Cantor a Capitulo postulatus, ac confirmatus an. 1340. ut ex eod. Regestu. Qua in re prudentia nostratium suspicienda videtur; qui in alienigenas homines suffragia sua contulerunt; ne intestinis turbis, ac factionibus aditus pateret, si in indigenas proclives se se praebuissent. Illud etiam praetereo, Canonicos nostros a Clemente VIII. an. 1594. Cappa Magna, quam vocant, violacei coloris cum Rocheto honestatos fuisse. Sed non committam, ut quae praerogativam sapiunt quamdam peculiarem, indicta relinquam. Hoc nempe inprimis, quod Feudali jure homines sibi obstrictos habuerit. Prostat in hanc rem pervertus scriptura in nostro Tabulario, ubi Simon cognomine Sclavius, habitator Averfae Civitatis, se, & alios antecessores suos fuisse homines constitetur Congregationis Ecclesiae S. Pauli: & proinde praestat hominii juramentum ad faciendam, & percipiendam justitiam, dominium ejusdem Congregationis semper recognoscendo, pro quo debeat annuatim reddere ipsi Congregationi tarenum unum Amalphiae Kalendis Majis. Pertinet monumentum ad an. 1223. Apud Major. tit. census Burgenfatici. Huc etiam spe-

spectat, quod Rom. Pontifices, ac Reges nostri adversus hocce Capitulum se se perliberales probaverunt. Ab his postremis jus nundinarum profectum est, quo ad haec usque tempora Capitulum potitur plena cum dicendi juris potestate, id concedentibus Ferdinando Siciliae Rege, Carolo V. & novissime Carolo Borbonio. Exstant praeterea & alia hujus potestatis munificentissimi Principis in Averianum Capitulum praeclarissima beneficentiae argumenta. Cum enim subacto victricibus armis Regno, Aversae paulisper subsisteret, donec Neapolim ingressuro triumpho pompa adpararetur, Canonicorum nostrorum precibus benigne inclinatus a Clemente XII. tunc Rom. Pontifice impetravit, uti nostris liceret alternis hebdomadis ad Divina celebranda Officia convenire, cum antea oporteret per novem integros menses ex Tridentino adesse. Sed illud inprimis singulare beneficium, neque tum, nisi Metropolitanis Ecclesiis concedi solitum, quod eodem Pontifice indulgente obtinuit, Aversanis ut Canonicis fas esset Mitra, ceterisque Pontificalibus indumentis, dum sacra facerent, uti, instar Canonicorum Capuae, ac Beneventi. Quod perhonorificum sane privilegium, cum nescio quo fato complurimos annos neglectum jacuisset, Capituli sui studiosissimus, ac peraman- tissimus Antistes Franciscus Tufius excitavit; eo- que suffragatore, & opus perurgente non sine Principis venia anno demum 1789. Capitulum Pontificalia primum induit insignia.

Illam vero Capituli Aversani insignia gloriosiora, ac maximi facienda, quae ex animi virtutibus, Religionis inprimis, ac doctrina proficiuntur. Quibus in rebus absit verbo invidia, nulli alii concessisse, aut adhuc concedere, affirmare tuto possumus. Et hic quidem satis esset ad publicam opinionem provocare, quam nostris plus aequo fortassis favere incomperto est; sed ne nos *assumptores* simus

simus, duo tantum aut tres temporibus nostris viciniores, commemorabimus, Archidiaconum scilicet Michaëlem Archangelum Patricellium, Hieronymum Serao, ac Dominicum Planesium. Et quidem primi duo ad omnem eruditionem effo-
mati, & primi subcellii viris, inprimis Cl. Alexio Symmacho Mazochio Neapolitanæ Ecclesiæ Canonico, amicitia conjuncti, bonas Muias in Aversanum Seminarium intulere: postremus hic subacti judicii Theologus (quo Magistro purioris Theologiæ lac hausisse gloriamur) qui vir esset, apud cultiores Romanos Theologos, doctissimo aequè ac elegantissimo edito libello, cui titulus: *Methodus veræ Religionis investigandæ*, se se prodidit. Et hi sane jamdudum vitam cum morte commutarunt: qui porro *de illis nati sunt*, utar verbis Ecclesiæ. cap. 44. *reliquerunt nomen narrandi laudes eorum*; sed quoniam illustrandæ huic Ecclesiæ Deus illos sospites, incolumesque servat, & servet quidem quam diutissime, vereor, ne illorum modestiæ vim afferam importune, si in publicum eorum merita proferantur. Unum mihi certe elabi non sinam, quo utor familiarissime, quique mihi hujus qualiscumque scripti-
onis edendæ & adjutor, & auctor fuit, Canonicum nempe Josephum Cirillo acerrimi ingenii virum, in indagandis præsertim reconditæ antiquitatis penetralibus, ac cimeliis solertissimum, ut venatici canis illum merito cognomine appellare so-
leam. Is cum in Theologicis rebus aequè etiam polleat, & incenso tuendæ sacrosanctæ Religionis studio teneatur, paucis ab hinc annis disertissimam, ac solidissimam confutationem adornavit adversus impiam Volterrii Incredulorum Patriarchæ fabulam, *il Maometto*: qua data occasione, illum undique op-
pugnaturus, adversus varios illius circa Principatus jura errores tam sapienter invehitur, ut simul & sanam doctrinam constituat, & ejus scurriles cavil-
la-

lationes potius , quam ratiocinationes funditus con-
 vellat . Cui operi & Romae & Neapoli , & in Re-
 gni Provinciis primi Ordinis eruditi plaufere . Par-
 cet mihi amiciffimus homo , si fuis fortaffe ingrā-
 tiis hic ei gratificatus fum ; illudque fecum repu-
 tet , etiam tacente me rem ipsam per fe loqui . Il-
 lud ad extremum Deum Optimum Maximum eni-
 xis precibus comprecor , uti hujusce Ecclesiae Pastro-
 ribus mentem bonam injiciat , quo viros ejusmodi
 florentiffimo huic nostro Canonicorum Collegio ad-
 legere pergant , qui acceptam fatis amplam a Ma-
 joribus gloriam non tueantur modo , sed nova sem-
 per in posterum cumulent accessione .

F I N I S .

ERRATA CORRIGE

Pag. 9. v. 19. Corinthiorum Cerinthianorum

APPENDIX

DE SPIRITUALI

ECCLESIAE POLITIA:

1111111111

1111111111

LECTORI BENEVOLO.



Um nonnulla in superiori O-
pella leuiusculè, quantum sci-
licet instituti mei ratio tunc
postulabat, delibata potius, quam per-
tractata sint, placere animadyeri duo-
bus amicissimis, atque eruditissimis Vi-
ris Antonio Succentori Pagnano, & Vin-
centio Moccia Archidiacono, quorum al-
tero in humanioribus litteris Praecepto-
re doctissimo usus sum; alteri summo
Theologo ab condiscipulatu intime con-
suevi

*. . . . quales neque candidiores
Terra tulit, neque queis me sit
deuinctior alter,*

placere; inquam, animadverti, ut fu-
sius aliquanto, ac veluti data opera
dilucidius recenserentur. Iis ergo in-
dulgendum omnino duxi; cur non &
obsequendum, quando illis summum in

me, meaque omnia imperium libenter
 permitto? Hanc igitur in ipforum spem
 gratiae Appendiculam adornavi: eo cupi-
 dius, quod in eam nonnulla de meo con-
 tuli seria meditatione expromta, quae
 ejusmodi rerum peritis improbatum non
 iri confido. Tu interim, amice Lector,
 si quid habes melius benignus imperti;
 sin minus, his utere mecum.

A P P E N D I X

DE SPIRITUALI ECCLESIAE POLITIA.

U Niversas inter hominum Societates nobilior nulla unquam esse potuit, ac ne excogitari quidem Divina Societate illa, quam Unigenitus Dei Filius, Verbum illud Patris, per quod facta sunt omnia, postquam in Terris visus est, & cum hominibus conversatus, sibi adscivit, & in unum secum Mysticum Corpus, cui ipse Caput esse dignatus est, coalescere voluit. Haec nimirum illa est Catholica Ecclesia, quam dilexit, pro qua seipsum tradidit, quam acquisivit sanguine suo, quam lavit, quam mundavit, ut exhiberet sibi gloriosam, non habentem maculam, neque rugam. Haec illa est Ecclesia, quam ad omnem sanctitatem caelesti doctrina sua informavit, quam sanctissimis legibus communivit, quam ipse per se in diebus carnis unus, ac verus Summus Pontifex, verusque Animarum nostrarum Episcopus gubernavit. Sed quoniam consummato opere, quod dedit illi Pater, ut faceret, oportebat, ut transiret de hoc Mundo, & ad illum pergeret, unde exivit, intraturus in gloriam suam; fieri omnino non potuit, quin alios vice sua praeficeret Ecclesiae Pastores, Doctores, Evangelistas in opus ministerii, in consummationem Sanctorum. Eo consilio sibi Discipulos aggregavit. Ex his duodecim elegit, quos Apostolos nominavit. Unum ceteris unitatis munimentum futurum praeposuit, Simonem Petrum, supra quem se Ecclesiam aedificaturum suam pollicitus est, eique Caelorum Claves traditurum, ut quodcumque solvisset in Terra, & in Caelis solutum esset, & ligatum, quodcumque ligasset.

Id certe significavit , atque hunc Primatum luculenter ostendit , cum uni Petro , Caelorum Claves & promisit , & tempore suo concedidit . Non quod aliis etiam Apostolis hujusmodi claves minime tradiderit , id est ligandi , & solvendi potestatem illis verbis : *Quaecumque alligaveritis super terram , erunt ligata et in Caelo , & quaecumque solveritis super terram , erunt soluta & in Caelo* . Matth. XVIII. (quemadmodum omnes veteres Auctores docent) : Sed quod non easdem Claves habuerint , quas Petrus , quasque habuerunt , Catholici vere quidem , sed alio sensu Claves appellarunt . Solus ergo Petrus eas Claves habuit , quibus ita aperiretur , ut nemo clauderet : ita clauderetur , ut nemo aperiret . Sicut in domo , etiam si aut omnes , aut multi suas habeant claves , solus tamen Dominus & domus omnes & secretas habet , quibus , cum vult , ita claudit , ut nemo aperire , ita aperit , ut nemo possit claudere . Sic egregie Mald. in hunc locum commentatur , ut inde diversitas innotescat potestatis , qua ceteris Apostolis longe Petrus antecellit ; ut alia interim omittamus argumenta rem eandem invicte probantia , sive ex ipsis Sacris Literis , sive e Traditione petita : sunt enim notiora ; quam quae hic vel leviter attingi oporteat .

Nunquam veto solemnius insaniunt Heterodoxi , quam cum privilegia haec , amplissimas hasce potestates nec Petri , nec Apostolorum personas egredi , neque ad successores transmitti serio pronuntiant . Nam quis sibi unquam persuadeat , Reges Regni sui Magistratus , ac Praefecturas instituentes , personis potius , quam potestate augent , gratificari velle , quam publicis commodis servire ? Quid porro sapientia sua dignum fecisset Christus Dominus ; immo quid ea magis indignum , quam si mystici aedificii , quod aeternum permanere volebat , super mortalem hominem fundamenta jecisset ; aut domus , quam nullis tem-

temporum injuriis patere decreverat, uni perituro homini claves tradidisset? His rationum momentis factis per se firmis, atque inconcussis tota concinit Antiquitas. Sit ergo ratum hereditario hic agi jure, ac quidquid est, institutae potestatis, ex ipsa vi institutionis, ad successores permeare.

Verum non eadem plane ratione & Petro & ceteris Apostolis succeditur. Id modo diligentius inquirendum, ac disertius explicandum. Et sane Veterum monumenta legenti dubium esse minime poterit, quia inter Apostolos fuerit honoris, ac potestatis confortium, nullo inter ipsos Apostolatus ratione intercedente discrimine. Omnes quippe ea aucti dignitate sunt, ut Evangelium per orbem universum disseminarent, ut Mysteriorum sibi creditorum testes essent in omni Judaea, ac Samaria, & usque ad ultimum terrae, ut Populos erudirent, Ecclesias fundarent, iisque regendis Episcopos praeficerent. Nulla igitur Petri praerogativa prae ceteris Apostolis in iis elucet, quae Apostolico muneri cohaerent, sive in fundandis, sive in Ecclesiis regendis, sive in Pastoribus iis praeficiendis, sive in immorigeris Ecclesiastica censura coercendis, uti loquitur Tertullianus. Quid ergo proprium Petri? Num quod ceteros Apostolos posset pro facta sibi potestate compescere, si ob officio deflexissent, sicuti ei praeceptum fuerat; *Et tu aliquando conversus confirma Fratres tuos?* Sed Apostoli singulari gratiae privilegio ἀνωμαλῆτος effecti a Petri jurisdictione hac in parte eximebantur. Quale ergo Petri jus eximium, quod alii revereri, ac colere debuerint?

Duabus quidem in rebus Primatus Majestas, ac singularis Dignitas sua erat. Primo, quod ceteri Apostoli communionis necessitate tenebantur, ut Petro tanquam Capiti cohaerescerent; nec ipsi solum, sed & Ecclesiae omnes, quas per Provincias instituerent, quas eidem communionis necessitati subjicerent, ut

in Petro Primatum & potestatis, & jurisdictionis agnoscerent, & venerarentur. Haec nimirum necessitas a Christo ipso fuerat sancita, cum claves singulari ratione, ceteris Apostolis audientibus, soli Petro tradidit, ut supra docuimus, ac super Petrum, ceu fundamentum, Ecclesiae aedificium impositurum promisit. Quamobrem, si Ecclesia, Cypriano deficiente, grex est suo Pastori cohaerens, ac plebs Sacerdoti coadunata, nullus coetus, nulla Ecclesia legitima, si a supremi Pastoris communionem secesserit. Soliditatem, firmitatemque aeternam Ecclesiae Christus pollicitus est, sed illi soli, quae super Petrum, solidissimam petram illam, aedificata est. Secundo in eo aliis Apostolis praestat Petrus, in eo singularis illius praerogativa, quod ad illum graviores causae, si quae forte alio modo finiri non possent, ad eum discutiendae, ac terminandae tanquam ad totius Collegii Principem per ceteros Apostolos essent referendae. Quod statim sub ipsa praedicati Evangelii initia fecerunt, cum de oborta Legalium controversia Petrum in ultimo iudicio consulere, posteris insigne relinquentes exemplum subjectionis, quae Ecclesiae Capiti debebatur. Merito igitur S. Leo, in *pari Apostolorum Dignitate discretionem fuisse asserit potestatis*; in necessitate communionis, & in majorum causarum suprema cognitione repositam.

Neque id immerito a Christo Domino constitutum. Nimirum, ut ait Hieronymus, non aliter schismati, ac dissensionibus, quae forte oborirentur, obviam iri poterat, nisi uno Capite, unitatis totius centro constituto, ac Monarchici regiminis forma; *propterea inter duodecim unus eligitur, ut Capite constituto schismatis tollatur occasio. Hier. lib. contra Jovin.* His ita statutis illud necessario consequitur, Petri ius, ac privilegium, totum quantum est, reale fuisse ad successores necessario transmittendum: quippe uni-

unitatis custodes, & communionis centrum erant futuri. Reliquorum vero Apostolorum privilegia mixta potius exstitisse, partim realia, partim singulares ipsorum personas spectantia. Nimirum Apostoli vel ut singulares personae accipiuntur, vel ut unum Corpus, sive Collegium una cum Capite suo compingentes. Priore acceptione potestatem suam illam, sive jurisdictionem, quam a Christo habuere, indefinitam, nullisque terminis circumscriptam, ad successores utique minime transmisere. Altera vero notione in totum Episcoporum Collegium Capiti suo adhaerens transfudere, plenissimam, absolutissimamque numeris omnibus jurisdictionem. Romanus itaque Pontifex, qui jure Divino in Primatu Petro succedit, & universum Pastorum Corpus Pontifici communione junctum isthaec illimitata, incircumscriptaque sive Petri, sive Apostolorum jura potiuntur. Ceteri Episcopi seorsum spectati circumscripta, definitaque suarum Dioeceseon jurisdictione concluduntur, Apostolis, non qua Apostolis, sed qua Episcopis succedentes; nisi si quid aliud extrema Ecclesiae necessitas suaserit, uti de Eusebio Samosateno, & Vercellensi memoriae proditum est per varias Orientis Provincias excurrentibus, uti Catholicis in immani illa Arianorum perturbatione afflictis succurrerent, Catholicosque Episcopos ordinarent. Potestas Clavium nempe Ecclesiae concessa est in augmentum, ac Fidelium aedificationem; neque a vero abludit primos Episcopos fines sibi ab Apostolis praescriptos fuisse praetergressos, quoties urgens necessitas id exposceret, cum nempe vel finitimi populi in fide edoceri, nostrisque mysteriis initiari exposcerent; neque in Provinciis Apostoli praesto essent, qui novam Ecclesiam ibi constituerent; vel Fidei subveniendum esset, Pastoribus, vel absentibus, vel ab officio decedentibus.

Hinc porro & illud consequitur, ad solum Romanum

num Pontificem, & ad Oecumenica Concilia pertinere Episcopatus novos erigere, veteres vel dissecare, vel conjungere, quorum nimirum incircumscripra est jurisdictio. Nam cum nemo in alium plus juris transferre possit, quam ipse habet, evidens est, Episcoporum neminem (si seorsum spectentur) quantavis fulgeat dignitate, sive Primas sit, sive Exarchus, sive Metropolitae, quorum in loco quopiam definita est jurisdictio, posse illam in Episcopum loci transferre, ubi nihil ipsi est jurisdictionis. Id quod obrinet etiam in Episcopatuum vel sectionibus, vel conjunctionibus. Nimirum non potest pars alteri accedere, quin alteri decedat. Non potest autem decedere, nisi renuntiante illo, qui obrinet. Renuntiare autem non potest, nisi integro Episcopatu; jus quippe sacrum illud individuum est: & vel totum abrenunciandum, vel totum successori servandum, vel potius illi, a quo constitutum est primo, integrum restituendum. Non potest iterum alteri accedere; nam pars illa, qua se Episcopus abdicaverit, in manus illius statim recidet, a quo primo profecta est. Simile quid de usufructu Civilia statuunt jura, cui si fructuarius cesserit, in alium transferri nequit, sed Proprietario accrescit, ac proprietati consolidatur. Atque hinc etiam evincitur, non posse Episcopatum unum ita discindi, ut duo inde emergant. Nam tritum est illud: *per quas causas quid nascitur, per easdem dissolvitur*. Omnino igitur illa ipsa incircumscripra jurisdictione opus est ad discissionem, quae ad primam erectionem, ac Dioeceseon partitionem necessaria fuit.

Multa satis novi ex veteri disciplina posse exempla opponi, cum Episcopatus novi constituebantur in Synodo Provinciali de Metropolitae, ac Provincialium Episcoporum sententia, Episcopo illo consentiente, si cujus fortasse pars Dioeceseos decurraretur. Nec deerunt in Ecclesiae monumentis Episco-

pi, qui id sibi sumserint, ut novos Episcopatus erexerint, ibique Episcopos praefecerint. Qua in re consuli poterit eruditissimus Thomaf. de Nova, ac veteri Ecclesiae Discipl.

Verumtamen hisce omnibus reponi potest, id sibi permisisse Apostolorum suppres Apostolicos viros, Apostolicatum Sedium Heredes (Metropoliticae tunc Sedes *Sedis Apostolicae* nomine donabantur: ob-
tinebatque Metropolitanus quicquam partem ac de-
libationem aliquam eximiae illius potestatis, quam
Christus Petro contulit in ceteros Apostolos, hoc
est in Episcopos; *ut extra conscientiam Sedis A-*
postolicae, hoc est Primatis nemo audeat ordina-
re. Syricius PP. epist. 4. cap. 2.) qui effusio-
re potestate praediti illud sibi licere putaverunt,
quod ab Apostolis viderant factitatum. Id Ec-
clesia non modo non improbavit, sed lege quadam
sanxit in Synodo Constantinop. Missiones in Barba-
ricas regiones, idest extra Rom. Imperii terminos,
illis Episcopis cum erigendorum Episcopatum facul-
tate reservans, qui Thronos haberent illis provin-
ciis viciniore. Ea de causa Alexandrinus Episcopus
Aethiopiae consulebat, Antiochenus Indiarum Ec-
clesiis, Caesariensis in Cappadocia Majoris Arme-
niae Ecclesias ordinabat, quod jus deinde post sub-
jectam Constantinopolitanae Sedi Caesaream in il-
lam devolutum est. Romanus jure Patriarchico Oc-
cidentis quoque Provincias in Barbarico constitutas
curabat, quamvis jure Primatus omnibus consulere
posset, saltem negligentibus officium suum ceteris
Patriarchis. Petrus de Marca Dissert. de discrimine
Laicorum, & Clericorum §. 9.

Et sane cura haec praecipue Rom. Pontificem
totius jurisdictionis fontem, ac principium potissi-
mum tangebatur. Ab hujus nempe Throno, tanquam
a regali quodam flumine in totum terrarum or-
bem seu rivuli Episcopatus ferme omnes profluxe-
re

re. Ab Rom. Ecclesia ad omnes Mundi plagas regale Sacerdotium cum caelesti potestate prima origine permeavit. De Orientali Ecclesia testem do Agapetum Pontificem, qui datis ad Episcopum Hierosolymitanum literis de Menna, quem Constantinopoli ordinaverat, haec habet: *Ut illis ipse similis esse videatur, quos ex his quandoque paribus ipsius Apostolorum primi electio ordinavit.* Insinuatur his aperte verbis, ait Thomas. *De Benef. part. 1. lib. 1. cap. 56.* a Petro Romae sedente ordinatos, missosque in Orientem Episcopos, qui Ecclesiarum fundamenta ubivis terrarum jacerent. Quis Africae Ecclesias primus fundaverit, docebit Gregorius Magnus Dominico Episcopo Carthaginensi rescribens: *Scientes, unde in Africanis partibus Ordinatio Sacerdotalis exordium sumserit, laudabiliter agitis, quod Sedem Apostolicam diligendo, ad officii vestri originem prudenti recordatione recurritis, & probabili in ejus affectum constantia permanetis.* *Lib. 7. epist. 32.* Non poterat clarius exprimi originem in Africa Episcopalis Officii ab Rom. Sede profluxisse. Britannis Episcopos Apostolica item Sedes cum Religione Christiana concessit teste Venerabili Beda *Lib. 1. cap. 4.* his verbis: *Lucius Britanniorum Rex misit ad Eleutherium Papam epistolam, ut per ejus mandatum Christianus efficeretur.* Hibernis conterminis Evangelii lux affulsit primo per Patritium Sanctissimum Gentis illius Apostolum facta a Caelestino PP. ejus nominis primo Christianae veritatis praedicandae, Ecclesiarum fundandarum, & statuendorum Episcopatuum facultate. In Angliam iterum instaurandis deperditis pene Christianae Religionis reliquiis Augustinum illum misit Gregorius M., qui ab eodem venerabili Beda nationis illius Apostolus nuncupatur: *quo ex principio tanquam ex fonte Episcopatus in eam omnis emanavit.* *Lib. 2. cap. 20.* Subdit deinde *lib. 2. cap. 8.* Augustinum

num, dum viveret, sibi successorem Laurentium designasse, ne se defuncto status Ecclesiae tam rudis, vel ad horam Pastore destitutus, vacillare inciperet. Laurentium Mellitus, Mellitum Justus excepit: data sibi ordinandi Episcopos auctoritate a Pontifice Bonifacio. Ad Scotos Religio cum Episcopatu pervenit Caelestini itidem I. opera, de quo S. Prosper: *Ordinato Scotis Episcopo, dum Romanam insulam studet servare Catholicam, fecit etiam Barbaram Christianam. S. Prosper adversus Collat.* Idest Pelagianos Anglia, Idololatrias Scotia exturbavit. Et ne latius evagemur, Galliae ipsae non alii, quam Rom. Petri Cathedrae & Evangelii beneficium, & Evangelii Ministros, & Episcopatus debent, ut Gregorius Turonensis disertissime testatur, *De gloria Confess. cap. 30.* qui ex gestis B. Saturnini asserit, missum esse Gratianum Turonem, Trophimum Arelatem, Narbonem Paullum, Parisios Dionysium, Saturninum Tolosam, Stremonium in Averniam, ac Martialem Lemovicum: per S. Stremonium, qui & ipse a Rom. Episcopis cum Gratiano Episcopo, & reliquis, quos memoravimus, directus est. Post quae subjicit Thomass. laud. loco: *Hoc rursus erga fidem, & Ecclesiam Rom. primo, secundo, tertioque seculo factum in Gallia, & Hispania, quod sexto, septimoque in Germania, & Anglia. Neque aberraveris forsitan a vero, si putes ita primis seculis constitutos Episcopatus, uti fuerent, quos instituere missus a Papa Bonifacius Villibrordus, (de quo statim) Augustinus, (de quo supra) Corbinianus, qui omnes in Ecclesia Rom. originem, & auctoritatem hauserint suam, & singularem cum ea conjunctionem semper, & concordiam servaverint.*

Sed prioribus quinque seculis satis perraro Pontificii assensus in argumento, de quo disputamus, mentio occurrit, tum quod gradatim Ecclesiae discipuli

plina perpolita fuerit; tum quod tacita quaedam consensio satis habita fuerit, quam minime defuisse inde colligitur, quod novos institutos Episcopos ubique terrarum ad sui communionem acceperint tunc temporis Rom. Pontifices, Antiquissimi huiusce moris, petendae & accipiendae communionis, testem accipe Hormisdam PP. Epist. ad Epiph. Patriarcham Constantinop. eum accusantem, morem pristinum fuisse neglectum, *quia plenum fraternitatis pacis id postulabat officium, praesertim quod illud sibi non arrogantia personalis, sed regularum observantia vindicabat. Decuerat siquidem, te, Frater Carissime, Legatos ad Apostolicam Sedem inter ipsa tui Pontificatus initia destinasse, ut, quem tibi debemus, affectum bene cognosceres, & vetustae consuetudinis formam rite compleres.* Epist. 75. In Collect. Concil. Labbè Tom. 5. pag. 665. Verum ab V. sursum seculo expressi consensus Apostolicae Sedis in novis instituendis Episcopatibus, vel secandis iis, vel aggregandis diserta mentio est apud illorum temporum scriptores. Et certe Leo I. Canon 28 Chalcedonensi, quem nonnulli seorsum convenientes Episcopi suo Constantinopolitano Patriarchae assentatori procudere, quoque veterum Patriarchalium Sedium series, & ordo inturbabatur, acriter restitit, & irritum fore decrevit. Medardus Vermanduorum Episcopus an. 531. eversa ab Infidelibus Urbe, veritus alias huiusmodi deinceps irruptiones Noviodunum Sedem transtulit suam. Anno mox 532. Eleuthério e vivis absente Tornacensi idem Medardus praeficitur Ecclesiae: quo ex tempore Episcopatus hi duo in unum postea coaluere. Coniunctio haec, ait vitae illius conscriptor Surius die 8. Junii, facta est, *Pontificali, Metropolitani, & Comprovincialium auctoritate, Regis, (nam & Regiae etiam hic partes sunt), ac Procerum assensu, plebis adclamatione.* Agebatur per idem tempus, ut

ut Meladuni in Gallia novus Episcopus crearetur ,
decerpta e Senonensi Archiepiscopatu ea Civitate ,
fortiter intercessit Leo eo tempore Senonensium Ar-
chiepiscopus , interminatus , si sibi vis afferretur , sua
abstenturum se communione , tum qui ordinaverint ,
tum qui ordinatus foret : *Nam gloria vestra* (Chil-
derico rescribit) *optime debet & credere , & scire ,*
quia si contra statuta Canonum quicumque Episco-
porum sine consensu nostro Meladuni Episcopum
voluerit ordinare , usque ad Papae notitiam , vel Syno-
dalem audientiam , tam hi , qui ordinaverint ,
quam qui ordinatus fuerit , a nostra erunt commu-
nione disjuncti . Concil. Gallic. tom. 1. pag. 258.
Discimus hinc ex Canonum statutis ad Episcopatus
dissectionem Pontificis Rom. in primis , mox Syno-
di , illius deinde Episcopi , cujus iurisdictio decurta-
tur , omnino postulari . A Sergio Pontifice in Fri-
siam Villibrordus ablegatus est , ubi Ultrajectensem
Episcopatum fundavit Rom. Sedi immediate subje-
ctum . Apud Saxones efferatis moribus Gentem Evan-
gelium disseminaturus a Gregorio II. missionem ac-
cepit S. Bonifacius , literisque suis Carolo Regis
Francorum Palatii Majori commendatus . A Grego-
rio III. nomen Archiepiscopi adeptus est , potesta-
temque Episcopos ordinandi . Mox a Zacharia , qui
Gregorio successit , flagitavit Bonifacius , ut Episco-
patus tres a se constitutos confirmaret : *haec tria lo-*
ca , inquit , propria auctoritate , & Charta Aposto-
latus vestri roborari , ac confirmari postulamus , ut
per auctoritatem , & praeceptum S. Petri , jussioni-
buz Apostolicis fundatae , & stabilitae sint tres in
Germania Episcopales Sedes . Et ne infiniti simus ,
hoc argumentum concludat ex S. Malachia deprom-
ptum testimonium , qui , uti scribit S. Bernardus ,
cum Apostolico abreptus aestu in alienas Dioeceses
excurreret liberius , ut animas Christo lucrificeret
scrupulo max mordendi coepit , quod suo demum in-

genio; nulla ad id Apostolica fretus Auctoritate ag-
gredi ausus esset; & quamvis signa, ac prodigia,
quae per eum divina operabatur virtus, a Deo in-
stitutam a se rationem probari testarentur; non con-
quievit tamen, nisi sese universalis, ac summae Se-
dis delegatione, ac potestate muniret: Ipse interdum
ibat, & exhibat seminare semen suum disponens, &
decernens de rebus Ecclesiasticis tota auctoritate tan-
quam Apostolus unus. Et nemo illi dicebat: In qua
potestate hoc facis? Videntibus cunctis signa, & pro-
digia, quae faciebat. Et quia ubi Spiritus Domini,
ibi libertas. Visum tamen sibi non tute satis actita-
ri ista absque Sedis Apostolicae auctoritate. Bernard.
in vita S. Malch.

Amplissimam hanc, effusissimam, solisque Orbis
terrarum finibus conclusam jurisdictionem, qualem
modo praeter alias res exferi vidimus in Episcopa-
tuum erectionibus, discissionibus, vel conjunctionibus,
qualemque disertissimis verbis expressit Bernardus
de Consid. ad Eugenium: Sunt & alii Caeli jani-
tores, gregumque Pastores, sed tu tanto gloriosus,
quanto differentius nomen hereditasti. Habent illi
assignatos greges, singuli singulos: tibi universi cre-
diti, uni unus, nec modo ovium, sed & Pastorum
tu unus omnium Pastor; immediate a Christo in
Rom. Pontifices derivari, completam omnino, a
nullo, & in nulla re perficiendam, Catholicorum
omnium sententia est. Eaque in ipsis perpetua est,
& inalienabilis, dum verus, indubiusque Pontifex
quis perseveraverit, ut duo propterea rerum casus
excipias, quorum alter nec contigit unquam, &
certo certius confidimus fore ut nunquam contingat,
si Pontifex nimirum a fide deficiat: tunc nempe omni
Primatu excidet, & jurisdictione in Ecclesiam. Alter
semel evenit aliquando pessimo Christianae Reipubl.
malo, cum Seculo XIV. diro schismate dilacerata est
Ecclesia, eo quod e tribus Pontificibus, quorum sin-
guli

guli se verum Petri successorem jactabant, discerni certo nequibat, quis illorum indubius esset. Opus ergo omnino fuit, ut Ecclesia in Concilio Oecumenico Constantiensi legitime convocata pro potestate sibi a Christo in his rerum *transactione* facta omnes deponeret, verumque, & indubium Pontificem eligeret; uti revera factum est, datusque Ecclesiae Catholicae legitimus Pontifex Martinus V.

De Episcopis porro num & ipsi immediate jurisdictionem a Christo mutuentur, minime expedita res est. Et quidem a veritate longo satis intervallo aberrat Cardinalis Turrecremata *lib. de Ecclesiae cap. 54.* Apostolos ipsos affirmans, non a Christo Domino, sed a Petro jurisdictionem accepisse, cui opinioni aperte repugnat Scriptura: Paullus enim se constitutum Apostolum affirmat, non ab hominibus, neque per hominem, sed per Jesum Christum, & Deum Patrem, *ad Galat.* Christus Jesus ipse per se Discipulos vocavit, & duodecim ex his elegit, quos & Apostolos nominavit *Luc. VI.*, quibus ipse per se eisdem missionem impertitus est. *Sicut misit me Pater, & ego mitto vos. Joh. XX.* Quamobrem merito hanc sententiam oppugnat Bellarminus *lib. 4. de Rom. Pontifice cap. 23.*

Sed ipse Rom. Pontificem immediate a Christo autumat jurisdictionem accepisse, ceteros vero Episcopos per Rom. Pontificem accipere; idque duabus de rationibus; primo, quia non posset aliter Ecclesiae unitas consistere ac Primatus Rom. Pontificis; nulla enim dependentia ipsi copularentur: secundo, quia illimitata foret Episcoporum jurisdictio, si similis, qua pollebant Apostoli; possentque illam in toto terrarum Orbe explicare,

Sed hae rationes tanti non sunt, ut consensum extorqueant. Ex iis enim, quae superius exposuimus, Apostolos constat immediate a Christo jurisdictionem habuisse, & tamen unitati illigatos ex ne-

cessitate communionis cum Petro, & subjectionis erga Caput totius Ecclesiae, Quidni Episcopi dici possunt immediate a Christo jurisdictione instructi, & ad Ecclesiae unitatem adigi ejusdem vinculo subjectionis erga Petri successorem? Neque incircumscripta foret Episcoporum jurisdictio, si eam immediate a Christo accipiant. Nempe Apostoli, quibus ipsi succedunt, ne perturbaretur Hierarchicus Ordo, ac confusio oriretur, si omnes Episcopi omnia possent ubique, merito limites praescripserunt Episcopis, quos non Apostolatus, sed Episcopatus sui successores relinquebant Ecclesiis, quas fundaverant. Jurisdictio enim illimitata, uti superius diximus, non in Episcopos, uti singulos, sed in totum Episcoporum Collegium, id est in Concil. Oecumenicum permeavit. Haec ergo Concilia, quae totam exhibent Ecclesiam, quaeque immediate a Christo omnem habent jurisdictionem, eam vel ampliant, vel coercent in Episcopis, prout Ecclesiae regimen postulerit.

Neque hinc illud aliud timendum est incommodum, ne si Episcoporum jurisdictio a Christo immediate proficisci dicatur, isthaec nec limitari, nec circumscribi possit omnino, quemadmodum potestas Ordinis, quae immediate a Christo est, non potest ita suspendi, ut invalide Episcopus ea utatur, quod pari modo accideret in potestate jurisdictionis, si a Christo esset immediate; nempe ea quomodolibet aut limitata aut definita, validus semper, etsi non licitus, esset actus ab illa profectus. Nimirum latissimum hac in re discrimen intercedit inter Ordinis, ac jurisdictionis potestatem. Illa siquidem in se absolutum quiddam est, neque ad subditos ulla puncto refertur, ac potest sine illis constare. Quamobrem Episcopus suspensus, aut depositus, valide quidem, sin minus licite Confirmationis, aut Ordinis conferet Sacramenta. Ista necessario ad subditos refertur.

fertur: nam necessario principatum includit, qui sine subditis nullus erit. Sed potest Ecclesia subditos illi aut concedere, aut adimere, Potest ergo illi jurisdictionem aut negare, aut largiri, aut amplificare, aut circumscribere.

Disiectis hisce difficultatum obicibus tutius constabit sententia Francisci Victoria *praefect. 2. de potest. Ecclesiae qu. 2. Alphonsi de Castro de iusta Haeretic. punit.* ac plurimorum Parisiensium Theologorum, Episcopos asserentium immediate a Christo jurisdictionis potestatem accipere. Quae quidem sententia, cum Patres illos ipsos vades habeat, quorum testimoniis utatur Theologi ad Rom. Pontificis jurisdictionem probandam a Christo immediate derivatam, nempe quia Rom. Pontifex Petro succedit, ut Episcopi ceteri aliis Apostolis, hac argumentatione rem plane conficiet. Non alia de causa Rom. Pontifex suae appellat Christum Dominum jurisdictionis auctorem immediatum, nisi quia Petro succedit, qui illam a Christo immediate accepit. Sed & Episcopi Apostolorum sunt successores. Pari ergo ratione a Christo immediate jurisdictionem accepisse dicendi sunt.

Superest modo, ut de Presbyteris, qui secundum in Hierarchia locum obtinent, differamus, utrum scilicet & ipsis aliquid jurisdictionis conveniat, quam immediate Christo Domino referant acceptam. Et quidem duplicem in Presbyteris potestatem distinguo Theologorum turba, Ordinis alteram, alteram jurisdictionis. Primam una cum Sacramento Ordinis in sui inauguratione accipit Sacerdos, eaque in consecratione Corporis, & Sanguinis Domini fixa est, ac in peccatis dimittendis; secunda per legitimam vocationem, sive missionem illi ab Ecclesia confertur. Et recte quidem, nam duplicem hanc potestatem ad ministrandum in primis Poenitentiae Sacramentum necessariam, distinctis verbis exprimit *Trid. Sess. 24.*

Cap. 7. Quoniam igitur natura, ac ratio iudicii illud exposcit, ut sententia in subditos tantum feratur, persuasum semper in Ecclesia Dei fuit, & verissimum esse Synodus haec confirmat, nullius momenti absolutionem eam esse debere, quam Sacerdos in eum profert, in quoniam ordinariam, seu subdelegatam non habet jurisdictionem. En Jurisdictionis potestas, sed ecce tibi statim Ordinis potestatem. Sess. 23. Cap. 15. de Reform. Quamvis Presbyteri in sui Ordinatione a peccatis absolvendi potestatem accipiant, docernit, &c.

Hisce tamen Decretis debita cum reverentia, ac submissione exceptis, agnoscendum tamen est in Presbyterali Characterе jurisdictionis nonnihil, quae ipsi Characteri sit imbibita, quae cum illo conferatur, quam soli Christo immediate acceptam feramus; jurisdictionis, ut ajunt, inchoatae, incompletae, radicalis, perficiendae, complendae, absolvendae ab Ecclesia per legitimam missionem, sive subditorum collationem. I. Et ut ab ea potestate ordiamur, quam modo proposuimus; peccatorum dimittendorum, nemo non videt, per Spiritum Sanctum judicariam potestatem Presbyteris conferri, quae in solvendo, ac ligando sita est; sic enim Presbyterum jam inauguratum alloquitur Pontifex: Accipe Spiritum Sanctum, quorum remiseris peccata, remittuntur eis, & quorum retinueris, retenta sunt. Quae verba eadem plane sunt, quibus Apostolis jurisdictionem plenissimam impertitus est Christus; at inchoatam, & incompletam tantummodo Episcopis (qui, uti dictum est superius, in omnem plenariam Apostolorum missionem non succedunt) ac Presbyteris simili quadam ratione, quae complenda, ac perficienda Ecclesiae relinquitur, cum gregis pars aliqua illis pascenda legisime traditur. Cum igitur iudicium ex iudicis, ac rei persona constetur, si iudices constituuntur Presbyteri vi ordinationis suae, modo illo, quo dictum est, non potuit non jurisdictionis aliquid illis conferri.

II. Fide Divina constat, definiente Tridentino *Sess. 23. Can. 6.* esse in Ecclesia Hierarchiam Divina ordinatione institutam, eamque ex Episcopis, Presbyteris, ac Diaconis componi. Ad hunc ergo Sacrum Principatum pertinent secundo loco Presbyteri. At Principatus concipi omnino nequit sine subditis, ac jurisdictione in illos, aut saltem ordinem ad illos explicat necessario, si actu illi non habeantur. Ergo sine aliqua saltem inchoata jurisdictione explicari non potest fieri hic in Presbyteris Principatus.

III. Declarat eadem Tridentina Synodus *Sess. 23. Cap. 4.* praeter ceteros Ecclesiasticos gradus, Episcopos, qui in Apostolorum locum succedunt, ad hunc Hierarchicum Ordinem praecipue pertinere, & positos, sicut idem Apostolus ait, a Spiritu Sancto regere Ecclesiam Dei. Si Episcopi praecipue pertinent ad Hierarchicum Ordinem, & praecipue positi sunt a Spiritu Sancto regere Ecclesiam Dei; ergo Presbyteri, qui secundo gradu censentur, minus praecipue, id est secundo loco pertinent, & minus praecipue positi sunt a Spiritu Sancto Ecclesiae Dei regendae. Sive praecipuum vero, sive minus praecipuum regimen sine aliqua jurisdictione immediate a Spiritu Sancto profecta concipi nequit omnino.

Sed audiamus Pontificem Presbyteros alloquentem, priusquam consecrationis illos munere augeat, propria illos munia edocentem, *Sacerdotem* enim, inquit, oportet offerre, benedicere, praefare, praedicare, baptizare. Praecipuum ergo Presbyteri munus est offerre, ex quo reliqua pendent. Per hanc augustissimam oblationem Sacerdotii Christi ita particeps efficitur; ut unus cum illo Sacerdos sit (eo modo, quo instrumentum unum quid est cum causa principe movente, & applicante), unus Mediator Dei, & hominum. Sed Mediator, sicut infinite a Deo distat, sic longo intervallo homines praecedat, usque

superior est. Ergo Sacerdos ratione mediationis homines habet sibi quodammodo subiectos. Deinde Sacerdos jus habet, & potestatem in victimam, quam Deo offert: illam quidem & cædit, & mactat, ac destruit. Victima porro hujus tremendi sacrificii, quamvis sit Christus ipse, qui, sit ita loqui fas sit, ipse primum se Sacerdoti subiecit, illi obtemperans, ab illo sese immolari permittens, sunt etiam Fideles, qui Patri offeruntur simul cum Christo, cum quo unum mysticum corpus constituunt. Ergo ratione sacrificii jurisdictionem quamdam in omnes fideles Sacerdotes explicant.

Neque minus ejusmodi jurisdictio evincitur ex altero benedicendi munere, quod Sacerdotio convenit.

Nam, *sine contradictione*, Apostolo teste ad *Hebraeos VII.* quod minus est a majore benedicitur. Oportet ergo ei, qui jure pollet, benedicendi, subditum esse illum, cui benedicitur. Qua argumentatione Abrahamo majorem fuisse Melchisedechum concludit Apostolus laudato loco: eoque ipso jure decimas ab illo accepisse, quarum collatio sicut in dante subjectionem, ita in accipiente auctoritatem dubio procul ostendunt.

Sed evidentissime isthaec jurisdictio ex quarto Presbyterali munere colligitur, quod est *Praeesse*, ut docet Apostolus *I. ad Timoth. V.* id nempe & nomen ipsum Presbyteri importat, cum in sui conceptu Praefecturam explicet quamdam; Magistratus nimirum, ac Praefecti in Rep. Seniores appellari solent, & ipsi non sicut Diaconi ad ministrandum, sed ad regendum sub manu Episcopi populum ordinantur. Sed haec clariora sunt, quam ut explicatione indigeant.

Porro, si in ministerio verbi, id est in praedicatione Magisterium includitur, quod sine discipulis non consistit; si pastio, quae sine grege non constat: luculenter apparet praedicandi munus aliquid jurisdictionis inferre tale, ac tantum, quale in Magistro erga

erga discipulos, & in Pastore erga oves suas nemo non agnoscit.

Baptismi postremo jus dandi, quod Presbyteri ultimum munus esse audivimus, & ipsum quoque ad quamdam in Presbyteris jurisdictionem percipiendam sponte sua nos ducit. Nempe si per Baptismum janua Ecclesiam ingressuris aperitur, profecto liquet, Patrem familias oportere esse in domo, qui ingredi volentibus, fores recludit, & illorum numero accenset, qui cives sunt Sanctorum, ac domestici Dei. Sunt ergo Presbyteri vi ordinationis suae Patres familias, qui quos dignos reperiunt, domum admittunt, indignis exclusis.

Verum statuta inchoata hac, & incompleta in Presbyteris Jurisdictione, videamus modo, qualis illa demum sit, ejusque indolis, ac naturae. Discimus id ex Pontifice Presbyteros initiante: *Tales esse studeatis, inquit, ut in adjutorium Moysi, & duodecim Apostolorum, Episcoporum videlicet Catholicorum, qui per Moysen, & Apostolos figurantur, digne per gratiam Dei eligi valeatis.* Et rursus Deum alloquens in oratione, quam pro consecrandis tundit, ejus sapientiam, ac bonitatem commendat his conceptis verbis: *Cum Pontifices summos regendis populis praefecisses, ad eorum societatis, & operis adjumentum sequentis Ordinis viros, & secundae Dignitatis elegeris.* Addit mox adjutorium septuaginta seniorum Moysi a Deo collatum, & orationem concludit in hunc modum: *Quapropter infirmitati quoque nostrae, Domine, quaesumus, haec adjumenta largire, qui quanto fragiliores sumus, tanto his pluribus indigemus.*

Duo in recitatis sanctissimis his precibus, Deique Spiritu plenis, notatu digna praecipue sunt. Primum, quod ab eodem summo Deo, qui Pontifices regendis populis praefecit, in societatem operis, ac laboris secundi ordinis, ac dignitatis Sacerdotes advocantur, & eliguntur. Secundum, quod maxime urgeo, quod

videntur diserte in *adjutorium societatis*, & *operto*. Quae verba eo nos ducunt, ut Presbyterorum ministerium, Presbyterorum potestas in regendis Populis, quod idem sonat, ac jurisdictio, sit tantum in *adjutorium*, in *supplementum*, ac *levamen*. Episcopi ergo erunt ipsi per se Principes, Praefecti, Rectores, Duces, Magistri; Presbyteri vi ordinationis suae in adjutorium tantum, ac supplementum, id est Principes, Praefecti, Rectores, Magistri, Ducet Auxiliares, Subsidiarii sub Episcopis, ipse jubentibus, ipsis adjutorium, ac levamentum poscentibus, uno verbo secundi Ordinis Pastores, qui nihil unquam sua sponte gerant, sed jussu Pontificum, & ut de Diacono Eucharistiam ministrante Canones loquuntur: *jussus erogat*.

Huc etiam fortasse alluserat Christus Dominus, cum Discipulos septuagintaduos praedicatum misit: utitur enim restrictione quadam, quam non adhibuerat Apostolos mittens: *Misit illos*, ait Lucae Cap. X. *binos ante faciem suam*, ut indicaret nimirum Presbyterorum, qui Discipulis succedunt, ab Episcopis, quorum in se personam exprimebat, dependentiam, in omnem locum, ac Civitatem, quo erat ipse venturus. Certe statuerat illuc proficisci, sed gravioribus fortasse curis distentus, pergere distulerat; utiturque interim Discipulorum ministerio, ut significaret, id etiam facturos Episcopos, cum ipsi omnibus rebus gerendis pares esse nequeant. Demum illuc pergere decreverat, ut ea perficeret, quae Discipuli perficere nequiverant, ut indicaret, potestatem Presbyteris traditam Episcopali ministerio perficiendam fore.

Sed obijciat fortasse aliquis: Si Episcopis in adjutorium Presbyteri dati sunt, integrum erit Episcopis hoc adjutorium respuere, ipsi per se poterunt omnia gerere. Futilis oppositio, nec satis digna, quae serio refellatur: nam primo *per adjutorium amandan-*
dum

dum est, quod homo unus cujusvis demum virtutis, ac sapientiae omnia per se; maxime in summa negotiorum turba, quae possunt contingere, expediat. Deinde, etiamsi in prima nascentis Ecclesiae infrequentia id fortasse locum habuerit (quod nescio utrum diu obtinuerit, nam Apostoli statim post Ecclesiae exordia rerum mole oppressi tertium Ministrorum Ordinem promovere coacti sunt) excrecente in immensum Fidelium numero potuisse fieri summae stultitiae genus est reputare. Accedit, quod Pontifices ipsi tanto oneri impares sese confitentur verbis illis; *quanto fragilliores sumus, pluribus his indigemus*. Denique Adjutores hujusmodi non sibi Episcopi adscivere, sed divinitus illis adjuncti sunt, ut proinde non liceat ipsis oblatum sibi a Deo subsidium refutare. Recte Johan. Major in 4. dist. 24. *Per consequens tam Episcopi, quam Curati sunt de jure divino, nec aliquis parus homo potest illas potestates tollere ab Ecclesia, plusquam summum Pontificatum*. Si non tollere, nec inutiles, nec frustraneas reddere; quod contingeret, si Episcopi Presbyteris Adjutoribus sibi a Deo concessis uti recusarent. Immo tantum ab hoc opinamenti monstro sanctissimi priorum seculorum Praefules abhorrere; ut potius potestatem suam vinculis quibusdam coërcuerint, ut Presbyteralem quodammodo amplificarent; cum irritum esse voluerunt, si quid ab ipsis sine Presbyterii vel consilio, vel consensu gestum fuisset. Et hic obiter notatum velim, Rom. Ecclesiam; si qua alia umquam, pristini hujus moris ad haec ulque ferme secula retinentissimam fuisse. Certe Paulus III. sacrosanctum Oecumenicum Tridentinum Concilium indicturus, qua re nescio utrum gravius aliquid, ac momentosius fingi possit, Julius III. ac Pius IV. Idem Concilium prorogaturi, Pius item IV. ejusdem Concilii Acta dum confirmat, facere se se id profiteretur de Ven. Fratrum suorum S. R. E. Cardinalium

Illum Consilio, & Assensu, quos scilicet Rom. Pontificis Presbyterium vere appellaveris. Observandum esset, num posteriores Pontifices in suis Constitutionibus eandem formulam usurparint: sed modo non vacat. Neque ob id injuriam ullam Episcopali ordini, ac dignitati irrogatam credidere. Nam Canonum, qui Episcopalem fraenant auctoritatem, Episcopi ipsi auctores, conditoresque sunt. Episcopalis Collegii Capita fuisse Apostoli, Caput summum per se Christus, vel per Vicarios. Non aliis ergo elaudatur Episcopatus limitibus, quam quibus ipse sese concludit. Egregie pro more suo Thomae. de Benef. Part. 2. lib. 1. Cap. 15.

Haec igitur, quam hactenus adstruximus, jurisdictio radicalis, incompleta, imperfecta, Sacerdotali characteri adhaerens, ab eoque promanans, illa jurisdictio est, quam parte I. pag. 17. diximus non Ecclesiae indulgentia, aut concessione, sed Divino jure in Presbyteros descendisse: Episcopali tamen auctoritati obnoxiam, ut significarem illam ab Ecclesia, & ab Episcopis per collationem subditorum completam esse, ac perficiendam. Neque id ingenio nostro confinximus, sed Universitatis Sorbonicae sententiam, quam Scripturis consonare censuimus, secuti sumus. Quae quidem sententia quatuor istis propositionibus concluditur.

I. Omnes jurisdictiones Ecclesiae, aliae a Papali (nam hanc esse immediate a Christo Catholicis nemo diffitetur) sunt ab ipso Christo, quantum ad institutionem, & collationem primariam (en aliis verbis jurisdictionem radicalem, incompletam) a Papa autem, & ab Ecclesia quoad limitationem, & dispensationem ministerialem (ecce vero jurisdictionem perfectam, atque completam).

II. Hujusmodi potestates sunt de jure divino, & immediate institutae a Christo.

III. Ex textu Evangelii, & doctrina Apostolorum habet

habetur expresse Apostolis, & Discipulis a Christo missis auctoritatem jurisdictionis fuisse collatam. Sed interest inter jurisdictionem Apostolis, ac Discipulis a Christo collatam, & illam, quam eorum confert successoribus. Apostolis nempe, ac Discipulis per summam potestatem suam extra Sacramentum contulit, licet cum ordine ad Sacramentum; nam etsi Paullum ipse per se Apostolum creaverit; voluit ut deinceps Episcopus per manuum impositionem ordinaretur. Successoribus vero illorum per Ordinis Sacramentum jurisdictionem hominum ministerio collatam vult.

IV. Dicere inferiorum Praelatorum potestatem jurisdictionis, sive sint Episcopi, sive Curati, esse immediate a Deo, Evangelicam, & Apostolicam consonat veritati.

Non dissimulo, in hisce propositionibus sermonem esse de Curatis, sed id ob eam causam, quod utraque de jurisdictione loquantur: de inchoata scilicet, quantum ad institutionem, & primariam collationem, de perfecta, & completa quoad limitationem, & dispensationem ministerialem. Ceterum tales olim usque ad Seculum XII. omnes erant Presbyteri, quibus vetus constabat Presbyterium: in sua nempe inauguratione alicui adscribebantur Ecclesiae regendae sub manu Episcopi, plenamque accipiebant potestatem, jurisdictionemque: & hanc quidem immobilem, ac stabilem, ut minime possent solo nutu, aut Episcopi arbitrio de gradu dimoveri (qui ritus in hodiernis etiam Parochis obtinet, qui nonnisi iudicio instituto, & pronunciata sententia possunt de Parochiali Beneficio deturbari). Ita contra nonnullos non indoctos viros diversa sentientes veteribus productis Canonibus censet Thomass. laud. superius loco. Sed ex quo invaluerunt Ordinationes vagae, contra quas acriter disputatum est in Trid. pluribus afferentibus, iri obviam non posse malis, quae in Ecclesiam irreperant, nisi Canon Chalcedonensis instau-

abuteretur, Ordinationes hasce proscribens, Presbyteri sic ordinati, speciali indigent deputatione, qua ipsis subditi conferantur, in quos jurisdictionem exercent. Jurisdictionem plenam, inquam, nam radicalem, & inchoatam, characteri affixam, amittere minime potuerant.

Hujus occasione disputationis illud in nos intorqueri audio. Cum nimirum vetus Presbyterium asseruerimus solis Animarum Curatoribus constituisse, id est Parochis, Parochos, quibus solis Animarum cura haesit, non Canonicos, qui illam diu jam abjecere, illi Presbyterio, ejusque juribus legitime successisse. Quod vere dici videretur, si vetus Presbyterium, Canonicosque antiquos sola Animarum cura constitueret; quod nonnisi falsissime affirmari potest. Nempe antiquitus non quis de Presbyterio erat, verusque Canonicus, quod Animarum curam gereret, sed quod de illo esset Clero, qui in corpus unum cum Capite Episcopo coalescebat. Nam & Parochi rustici Animarum curae erant addicti, nec in Presbyterio censebantur. Unica ergo Presbyterii nota haec erat plane, quod Capiti suo Episcopo velut membra adhaerescerent, licet pro temporum illorum disciplina Animarum gererent curam, quod *κατὰ οὐκιστικὸν* accidisse censendum est. Id porro, non Parochis, sed solis Canonicis convenit, qui & olim, cum Animas curarent, & modo, cum hoc onus abjecere, unum cum Episcopo corpus constant. Neque ullus erit, qui hoc inficiabitur, si animum adverterit, quod soli Canonici, non Parochi, Episcopo e vivis sublato, vel renuncianti in Episcopali succedunt jurisdictione; non alia de causa, nisi quia, illius Capituli nativa sunt membra (*). Ce-

(*) Et quoniam hic sumus, praetermitti sine piaculo sequitur eximium Cardinalis de Luca testimonium, cujus

terum etſi Canonici hodierni miniſteriali, ut ita dicam, Animarum curae nuntium miſerunt, emine-
tio-

auctoritas in rebus ejuſmodi quanti facienda ſit norunt eruditi. Is ergo in *Adnot. ad S. C. T. Diſcur. 31. n. 1. 2. 3.* etiam Sede plena iuriſdictionem quamdam habitualem Capitulo adſcribit: *Sede Episcopali vacante, & de jure Episcopalis iuriſdictionis, atque Eccleſias adminiſtratio devolvitur ad Capitulum; non quidem ex aliquo privilegio, vel ſpeciali delegatione, ſed ex ratione juris non decreſcendi; eo quia Eccleſia Cathedralis efformatur conjunctim ab Episcopo, & Capitulo; ab illo ſcilicet tamquam capite; ab iſto autem tamquam reliquo corpore, Eccleſiaſtica iuriſdictione, penes totum corpus HABITUALITER reſidente; exercitio autem in plerisque competente Capiti. Et poſt nonnulla: Et conſequenter deſeſſo Capite jure conſolidationis, vel ex jure non decreſcendi, univerſa iuriſdictionis, ſeu totum jus Cathedraliticum tam in HABITU, quam in EXERCITIO remanens penes Capitulum, tamquam reliquum Corpus Politicum; quod in hoc differt a corpore naturali, ut etiam ſine capite vivat, omneſque faciat operationes, quod in corpore naturali non datur. Omnia in hoc teſtimonio ad miraculum praeclariffima ſunt; ſed illud ſingulare, quod nullo ex privilegio, aut ſpeciali delegatione jus illud Capituli derivat; ſed ex natura ipſa, id veluti inſinuante, ut functiones eadem toti Corpori, Capiti ſcilicet, & membris tribuantur. Quae ratio tanti fuit, ut uſque ab ultima Chriſtiane Reip. origine eadem ſemper, & pene ubique diſciplina obtinuerit.*

Sed hoc cum dicimus, ecce neſcio quis nobis fortaiſſe negotium faceſſet, Viſitatores Episcopos in antiquitate ſat notos obtrudens, quibus viduae Eccleſiae commendabantur. Nam ſi Episcopo humanis rebus exempto Episcopale jus omne in Capitulum conſolidatur; quanam Episcoporum iſtorum, quos Viſitatores, Interventores Latini, *επιπορευταί* Graeci, appellitarunt, partes erunt denique? Sed id facile diſſolabitur, ſi animadverſerimus La
di.

torem tamen curam retinuerunt. Si enim Episcopo in Pastoralis sollicitudine, sive consilio, sive consensu praesto esse debent, nonne id est nobiliori quodammodo, non unius Paroeciae tantum, sed Dioeceseos totius talem gerere curam, qualem gerit Episcopus ipse

disciplinam hanc, nec semper, nec ubique viguisse. In Africa IV. demum Seculo frequentes Visitatores fuisse Auctor est Augustinus epist. 163. de Unico Baptis. cap. 16. In Oriente venandi unquam nobis non sunt Visitatores Episcopi, ait Thomas. Part. 3. lib. 2. cap. 512. Viduarum ibi Ecclesiarum curam gerebat Metropolitani; neque id singulare; nam viventibus etiam Episcopis tota Provinciae is advigilabat. II. Visitatoris partes erant potissimae, ut novi Pastoris electio bene, & quam citissime succederet. Quod si intra annum hoc non perfectisset, facessere jubebatur, & novo Intercessor locum cedere. Carth. IV. can. 8. In Galliis obtinebat, ut propinquioris Ecclesiae Episcopus mortui Collegae procuraret funus, viduatam Ecclesiae temporalem rem gereret, impensis in id opus septem, non amplius diebus, in suam se mox reciperet Ecclesiam. Concil. Regiense Can. 6. 7. III. Visitatorem curata oportebat, ne res Ecclesiae, quae abeunte e vivis Episcopo Laicorum, & Clericorum interdum direptioni patebant, qui mos tam pessime invaluerat, gliscebaturque, misere explerentur. Si aliquis Episcopus interim obierit, Metropolitani ipsi Sedi Visitatorem secundum sacros Canones deputet, qui una cum Comite ipsam Ecclesiam, ne praedetur, custodiat. Carolus Calvus Capit. cap. 8. Denique Clero ipsi vel auctoritate sua in administranda Dioecesi auxiliares manus asserere, si quid forte sine Episcopali adiutorio expediri minime posset; vel certe illius negligentiam antevertere. Cujus rei vestigium aliud quod in novissima superest disciplina: nam si Capitulum octo patiatur elabi dies, ac Vicariam minime deputarit, huiusmodi cura ex Tridentino vel ad Metropolitani, vel ad viciniorem Episcopum pro Ecclesiarum condicione devolvitur.

ipso? Recto Ludovicus Habert *Cap. 7. de Parochiis Istorum*. (Parochorum) potestas ad unum locum coarctata est, & honor imminutus, cum ante novam hujus regiminis formam, Parochiarum scilicet erectionem, cura eorum ad universam Dioecesim extendere-
tur, & eo honoratiores essent, quo Episcopo conjun-
ctiores, utpote ejus Consilarii, & Assessores
ut Ecclesiae Cathedrali adscripti, qui a Patribus
Trid. Sess. 24. *Cap. 12. de Reform.* dicuntur Sena-
tus Ecclesiae, & eo titulo in Clero Dioecesano pri-
mum locum obtinent. Totius rei summa huc redit
demum. Ab Apostolicis usque temporibus Ecclesia
Senatum habuit Presbyteris compactum Episcopo
suo adfidentibus. Ignatius epist. ad Magnesianos.
Hieronymus: *habemus Senatum nostrum coetum Pres-
byterorum*. Sed Tridentinis Patribus *loc. cit.* fixum,
ratumque est, hunc locum, hunc Senatum hodie-
pos Canonicos implere. Hi igitur veteri illi Pres-
byterio succedunt legitime, inque hos illorum ju-
ra, ac privilegia hereditario quodam titulo trans-
funduntur,

Haec cum affirmamus, non illud nobis propo-
situm est, ut nostrates Canonicos contentione facta
Parochis anteferamus, aut hos illis vicissim. Prae-
ter enim quamquod verissimum est tritum illud,
Odiosa comparatio, est utrique ordini suus peculia-
ris honor, prerogativae peculiares. Parochos anima-
rum cura extollit, quae sane dignitatum summa
est, quae supra mysticum Christi Corpus mortali
homini conferri possit. Canonici itidem compluribus
nominibus satis praecellunt, etiam postquam Ani-
marum procuracionem abjecerunt, (nam quanti-
diu illam retinuerunt Parochis nulla in re absimi-
les fuere). Nam 1. Canonici sunt Episcopo-
rum Consilarii super regimine, curaeque ipsius re-
cta administratione. 2. Consilarii sunt non ad arbi-
trium adsciti, sed ex necessitate, in multis saltem
capi-

capitibus, quae in unum locum congegimus *Opus*.
part. 2. pa. 100. 3. Quod in Capitulum Sede vacante
 omnis Episcopalis jurisdictio recidit; quo tempore,
 quod magis mireris, Metropolitanus Canonici ipsi
 etiam Episcopis suffraganeis praeerant jurisdictione.
 4. Quod Canonici Episcopus, immo commune jus
 praeiens, potestatem ampliat clavium, Canonico ni-
 mirum Pœnitentiario. 5. Quod Magisterium, do-
 ctinaeque sacrae tradendae munus ipsis solemnus,
 ac praecipua quadam ratione conceditum est, Ca-
 nonico nempe Theologo. 6. Canonici, non verò
 Parochi una cum Episcopo ad Concilium Provin-
 ciale conveniunt. 7. Denique, quod ipsi prae aliis
 simplicibus Sacerdotibus frequentius destinari soleant
 ad gravissima omnium munia, & quidem nonnum-
 quam supra Parochos ipsos, ut, scilicet eorum scien-
 tiam, qui Parochi renuntiandi sunt, inituto scru-
 tinio in concursu discutiant; & id quidem Canoni-
 cis cum Parochis ipsis, immo & cum aliis Sacer-
 dotibus commune est; sed illud Canonicoꝝ pro-
 prium, quod Examinatores soli probent, Synodales
 quidem in Synodo, extra Synodum Prosynodales,
 quos vocant; uti de ipsis Parochis judicent aliquan-
 do in Ecclesiastico Tribunali, ut Clero toti adyi-
 gilent, ut in delicatissimo Monialium regimine Vi-
 cariam operam Episcopis praestent, quod demum in
 Synodali legislatione post Episcopum praecipuas par-
 tes habeant. Hinc merito factum est, ut insigni-
 bus, quae *Praelatis* appellant, honestari soleant;
 quodque rem magis confirmat, mos invaluit, ut
 Parochi sibi ad Capitulum aditum pateſceri postu-
 lent, atque ad Canonicatus ascendant; Canonici
 numquam fere ad Paroecias descendant; cujus qui-
 dem moris vestigia in antiquitate satis perspicua com-
 perimus apud Thomassinum, cujus verba damus: *Est*
magna esset existimatio, magna dignitas Presbytero-
rum quoniam; erat tamen longe major, illustriorque
eorum,

eorum , qui cum Episcopis Cathedrali Ecclesiae affigebantur , unde tanquam e specula universae imminerent Dioecesi . Eo factum est , ut Numidius Presbyter , forsan alicujus Ecclesiae Parochus , in coetum promoveretur Cathedralium Presbyterorum . Et alibi , nimirum Part. 1. lib. III. Cap. 8. §. 10. agens de Emeritenſi Concilio , quod facultatem Episcopo fecerat Rurales Parochos in Ecclesiam Cathedralē suam transferendi , haec habet : *Quamquam pluris animarum salutem faciendi videantur Parochi , quam Canonici : non temere tamen in hoc Concilio potestas sit Episcopis , ut transferre possint Parochos quoscunque praestantiores , & Cathedralis suae Canonici adnumerare , suffecto in eorum locum Parocho alio . Nec abstrusa magnopere , sed prompta , & expedita hujus rei ratio est . Nimirum Canonici veluti membra sunt , & oculi , manusque , & pedes Episcoporum , cumque eo constantur in Senatum unum , qui Dioeceseos universae moderatur gubernacula . Ne dubitari autem quidem potest , quin pluris intersit ad Reipublicae salutem & gloriam promovendam providentia haec generalis Ecclesiae , quam Parochiae cujuscunque particularis . Et ea etiam forsan ratione Canonico huic novo cura semper incumbit , & regimen Parochiae prioris , quid vere Canonici cum Episcopo invigilent , excubentque ad regimen universae omnium territorii Episcopalis Ecclesiarum .*

Hic finem facere constitueram , cum mihi obnuntiaturum de aliquibus in exposita Presbyterii doctrina , utut innumeris auctoritatibus firmata non satis mihi consentientibus , perinde ac si Parochis injurius fuisset , quos Presbyterio expulerim . Ad istorum igitur gratiam ineundam , age & Parochos etiam quoquo modo fas est in Presbyterium admittamus : quod plane fiet , si pressius explicentur , quae in Opere edisserui (neque enim omnia tamquam imperitis lectoribus enucleanda tum censui) & quidem

Cap. 7. Quoniam igitur natura, ac ratio iudicii illud exposcit, ut sententia in subditos tantum feratur, per-
 suasum semper in Ecclesia Dei fuit, & verissimum
 esse Synodus haec confirmat, nullius momenti absolu-
 tionem eam esse debere, quam Sacerdos in eum pro-
 fert, in quem ordinariam, seu subdelegatam non ha-
 bet jurisdictionem. En Jurisdictionis potestas, sed ec-
 ce tibi statim Ordinis potestatem. Sess. 23. Cap. 15.
 de Reform. Quamvis Presbyteri in sui Ordinatione a
 peccatis absolvendi potestatem accipiant, docernit, &c.
 Hisce tamen Decretis debita cum reverentia, ac
 submissione exceptis, agnoscendum tamen est in Pre-
 sbyterali Characteris jurisdictionis nonnihil, quae ipsi
 Characteri sit imbibita, quae cum illo conferatur,
 quam soli Christo immediate acceptam feramus; juris-
 dictionis, ut ajunt, inchoatae, incompletae, radicalis,
 perficiendae, complendae, absolvendae ab Ecclesia per
 legitimam missionem, sive subditorum collationem. I.
 Et ut ab ea potestate ordiamur, quam modo proposui-
 mus, peccatorum dimittendorum, nemo non videt,
 per Spiritum Sanctum judiciariam potestatem Pre-
 sbyteris conferri, quae in solvendo, ac ligando sita
 est; sic enim Presbyterum jam inauguratum alloqui-
 tur Pontifex: Accipe Spiritum Sanctum, quorum re-
 miseris peccata, remittuntur eis, & quorum retine-
 ris, retenta sunt. Quae verba eadem plane sunt,
 quibus Apostolis jurisdictionem plenissimam imperti-
 tus est Christus; at inchoatam, & incompletam tan-
 tummodo Episcopis (qui, uti dictum est superius, in
 omnem plenariam Apostolorum missionem non suc-
 cedunt) ac Presbyteris simili quadam ratione, quae
 complenda, ac perficienda Ecclesiae relinquitur, cum
 gregis pars aliqua illis pascenda legisime traditur.
 Cum igitur iudicium ex iudicis, ac rei persona con-
 stetur, si iudices constituuntur Presbyteri vi ordina-
 tionis suae, modo illo, quo dictum est, non potuit
 non jurisdictionis aliquid illis conferri.

II. Fide Divina constat, definiente Tridentino *Sess. 23. Can. 6.* esse in Ecclesia Hierarchiam Divina ordinatione institutam, eamque ex Episcopis, Presbyteris, ac Diaconis componi. Ad hunc ergo Sacrum Principatum pertinent secundo loco Presbyteri. At Principatus concipi omnino nequit sine subditis, ac jurisdictione in illos, aut saltem ordinem ad illos explicat necessario, si actu illi non habeantur. Ergo sine aliqua saltem inchoata jurisdictione explicari non potest sacer hic in Presbyteris Principatus.

III. Declarat eadem Tridentina Synodus *Sess. 23. Cap. 4.* praeter ceteros Ecclesiasticos gradus, Episcopos, qui in Apostolorum locum succedunt, ad hunc Hierarchicum Ordinem praecipue pertinere, & positos, sicut idem Apostolus ait, a Spiritu Sancto regere Ecclesiam Dei. Si Episcopi praecipue pertinent ad Hierarchicum Ordinem, & praecipue positi sunt a Spiritu Sancto regere Ecclesiam Dei; ergo Presbyteri, qui secundo gradu censentur, minus praecipue, id est secundo loco pertinent, & minus praecipue positi sunt a Spiritu Sancto Ecclesiae Dei regendae. Sive praecipuum vero, sive minus praecipuum regimen sine aliqua jurisdictione immediate a Spiritu Sancto profecta concipi nequit omnino.

Sed audiamus Pontificem Presbyteros alloquentem, priusquam consecrationis illos munere augeat, propria illos munia edocentem, *Sacerdotem* enim, inquit, oportet offerre, benedicere, praebere, praedicare, baptizare. Praecipuum ergo Presbyteri munus est offerre, ex quo reliqua pendent. Per hanc augustissimam oblationem Sacerdotii Christi ita particeps efficitur, ut unus cum illo Sacerdos sit (eo modo, quo instrumentum unum quid est cum causa principe movente, & applicante), unus Mediator Dei, & hominum. Sed Mediator, sicut infinite a Deo distat, sic longo intervallo homines praecedat, usque

superior est. Ergo Sacerdos ratione mediationis homines habet sibi quodammodo subiectos. Deinde Sacerdos jus habet, & potestatem in victimam, quam Deo offert: illam quidem & caedit, & mactat, ac destruit. Victima porro hujus tremendi sacrificii, quamvis sit Christus ipse, qui, sit ita loqui fas sit, ipse primum se Sacerdoti subijcit, illi obtemperans, ab illo sese immolari permittens, sunt etiam Fideles, qui Patri offeruntur simul cum Christo, cum quo unum mysticum corpus constituunt. Ergo ratione sacrificii jurisdictionem quamdam in omnes fideles Sacerdotes explicant.

Neque minus ejusmodi jurisdictio evincitur ex altero benedicendi munere, quod Sacerdotio convenit.

Nam, *sine contradictione*, Apostolo teste ad *Hebraeos VII.* quod minus est a majore benedicitur. Oportet ergo ei, qui jure pollet, benedicendi, subditum esse illum, cui benedicitur. Qua argumentatione Abrahamo majorem fuisse Melchisedechum concludit Apostolus laudato loco: eoque ipso jure decimas ab illo accepisse, quarum collatio sicut in dante subjectionem, ita in accipiente auctoritatem dubio procul ostendunt.

Sed evidentissime isthaec jurisdictio ex quarto Presbyterali munere colligitur, quod est *Praeesse*, ut docet Apostolus *I. ad Timoth. V.* id nempe & nomen ipsum Presbyteri importat, cum in sui conceptu Praefecturam explicet quamdam; Magistratus. nimirum, ac Praefecti in Rep. Seniores appellari solent, & ipsi non sicut Diaconi ad ministrandum, sed ad regendum sub manu Episcopi populum ordinantur. Sed haec clariora sunt, quam ut explicatione indigeant.

Porro, si in ministerio verbi, id est in praedicatione Magisterium includitur, quod sine discipulis non consistit; si pastio, quae sine grege non constat: luculenter apparet praedicandi munus aliquid jurisdictionis inferre tale, ac tantum, quale in Magistro erga

urgo discipulos, & in Pastore erga oves suas nemo non agnoscit.

Baptismi postremo jus dandi, quod Presbyteri ultimum munus esse audivimus, & ipsum quoque ad quamdam in Presbyteris jurisdictionem percipiendam sponte sua nos ducit. Nempe si per Baptismum janua Ecclesiam ingressuris aperitur, profecto liquet, Patrem familias oportere esse in domo, qui ingredi volentibus, fores recludit, & illorum numero accenset, qui cives sunt Sanctorum, ac domestici Dei. Sunt ergo Presbyteri vi ordinationis suae Patres familias, qui quos dignos reperiunt, domum admittunt, indignis exclusis.

Verum statuta inchoata hac, & incompleta in Presbyteris Jurisdictione, videamus modo, qualis illa demum sit, ejusve indolis, ac naturae. Discimus id ex Pontifice Presbyteros initiante: *Tales esse studeatis*, inquit, *ut in adjutorium Moysi, & duodecim Apostolorum, Episcoporum videlicet Catholicorum, qui per Moysen, & Apostolos figurantur, digne per gratiam Dei eligi valeatis*. Et rursus Deum alloquens in oratione, quam pro consecrandis fundit, ejus sapientiam, ac bonitatem commendat his conceptis verbis: *Cum Pontifices summos regendis populis praefecisses, ad eorum societatis, & operis adjumentum sequentis Ordinis viros, & secundae Dignitatis elegeris*. Addit mox adjutorium septuaginta seniorum Moysi a Deo collatum, & orationem concludit in hunc modum: *Quapropter infirmitati quoque nostrae, Domine, quaesumus, haec adjumenta largire, qui quanto fragiliores sumus, tanto his pluribus indigemus*.

Duo in recitatis sanctissimis his precibus, Deique Spiritu plenis, notatu digna praecipue sunt. Primum, quod ab eodem summo Deo, qui Pontifices regendis populis praefecit, in societatem operis, ac laboris secundi ordinis, ac dignitatis Sacerdotes advocantur, & eliguntur. Secundum, quod maxime urgeo, quod

videntur diserte in *adjutorium societatis* ; & *opera*. Quae verba eo nos ducunt , ut Presbyterorum ministerium , Presbyterorum potestas in regendis Populis , quod idem sonat , ac jurisdictio , sit tantum in *adjutorium* , in *supplementum* , ac *levamen*. Episcopi ergo erunt ipsi per se Principes , Praefecti , Rectores , Duces , Magistri ; Presbyteri vi ordinationis suae in *adjutorium* tantum , ac *supplementum* , id est Principes , Praefecti , Rectores , Magistri , Ducet Auxiliares , Subsidiarii sub Episcopis , ipse jubentibus , ipsis *adjutorium* , ac *levamentum* poscentibus , uno verbo secundi Ordinis Pastores , qui nihil unquam sua sponte gerant , sed jussu Pontificum , & ut de Diacono Eucharistiam ministrante Canones loquuntur : *jussus erogat*.

Huc etiam fortasse alluserat Christus Dominus , cum Discipulos septuaginta duos praedicatum misit : utitur enim restrictione quadam , quam non adhibuerat Apostolos mittens : *Misit illos* , ait Lucae Cap. X. *binos ante faciem suam* , ut indicaret nimirum Presbyterorum , qui Discipulis succedunt , ab Episcopis , quorum in se personam exprimebat , dependentiam , in *omnem locum* , ac *Civitatem* , quo erat ipse venturus . Certe statuerat illuc proficisci , sed gravioribus fortasse curis distentus , pergere distulerat ; utiturque interim Discipulorum ministerio , ut significaret , id etiam facturos Episcopos , cum ipsi omnibus rebus gerendis pares esse nequeant . Demum illuc pergere decreverat , ut ea perficeret , quae Discipuli perficere nequiverant , ut indicaret , potestatem Presbyteris traditam Episcopali ministerio perficiendam fore .

Sed obijciat fortasse aliquis : Si Episcopis in *adjutorium* Presbyteri dati sunt , integrum erit Episcopis hoc *adjutorium* respuere , ipsi per se poterunt omnia gerere . Futilis oppositio , nec satis digna , quae serio refellatur : nam primo *quo* *adjutorium* amandan-

dum est, quod homo unus cujusvis demum virtutis, ac sapientiae omnia per se, maxime in summa negotiorum turba, quae possunt contingere, expediat. Deinde, etiamsi in prima nascentis Ecclesiae infrequentia id fortasse locum habuerit (quod nescio utrum diu obtinuerit, nam Apostoli statim post Ecclesiae exordia rerum mole oppressi tertium Ministrorum Ordinem promovere coacti sunt) excrecente in immensum Fidelium numero potuisse fieri summae stultitiae genus est reputare. Accedit, quod Pontifices ipsi tanto oneri impares sese confitentur verbis illis; *quanto fragiliores sumus, pluribus his indigemus*. Denique Adjutores hujusmodi non sibi Episcopi adscivere, sed divinitus illis adjuncti sunt, ut proinde non liceat ipsis oblatum sibi a Deo subsidium refutare. Recte Johan. Major in 4. dist. 24. *Per consequens tam Episcopi, quam Curati sunt de jure divino, nec aliquis parus homo potest illas potestates tollere ab Ecclesia, plusquam summum Pontificatum*. Si non tollere, nec inutiles, nec frustraneas reddere, quod contingeret, si Episcopi Presbyteris Adjutoribus sibi a Deo concessis uti recusarent. Immo tantum ab hoc opinamenti monstro sanctissimi priorum seculorum Praefules abhorruere, ut potius potestatem suam vinculis quibusdam coërcuerint, ut Presbyteralem quodammodo amplificarent; cum irritum esse voluerunt, si quid ab ipsis sine Presbyterii vel consilio, vel consensu gestum fuisset. Et hic obiter notatum velim, Rom. Ecclesiam, si qua alia umquam, pristini hujus moris ad haec usque ferme secula retinentissimam fuisse. Certe Paulus III. sacrosanctum Oecumenicum Tridentinum Concilium indicturus, qua re nescio utrum gravius aliquid, ac momentosius fingi possit, Julius III. ac Pius IV. Idem Concilium prorogaturi, Pius item IV. ejusdem Concilii Acta dum confirmat, facere se se id profiteretur de Ven. Fratrum suorum S. R. E. Cardinalium

Illum Consilio, & Assensu, quos scilicet Rom. Pontificis Presbyterium vere appellaveris. Observandum esset, nūm posteriores Pontifices in suis Constitutionibus, eandem formulam usurparint: sed modo non vacat. Neque ob id injuriā ullam Episcopali ordini, ac dignitati irrogatam credere. Nam Canonum, qui Episcopalem fraenant auctoritatem, Episcopi ipsi auctores, conditoresque sunt. Episcopalis Collegii Capita fuisse Apostoli, Caput summum per se Christus, vel per Vicarios. Non aliis ergo clauditur Episcopatus limitibus, quam quibus ipse seft concludit. Egrege pro more suo Thomasi. de Benef. Part. 2. lib. 1. Cap. 15.

Haec igitur, quam hactenus adstruximus, jurisdictio radicalis, incompleta, imperfecta, Sacerdotali characteri adhaerens, ab eoque promanans, illa jurisdictio est, quam parte I. pag. 17. diximus non Ecclesiae indulgentia, aut concessione, sed Divino jure in Presbyteros descendisse: Episcopali tamen auctoritati obnoxiam, ut significarem illam ab Ecclesia, & ab Episcopis per collationem subditorum completam esse, ac perficiendam. Neque id ingenio nostro confinximus, sed Universitatis Sorbonicae sententiam, quam Scripturis consonare censuimus, secuti sumus. Quae quidem sententia quatuor istis propositionibus concluditur.

I. Omnes jurisdictiones Ecclesiae, alias a Papali (nam hanc esse immediate a Christo Catholicus nemo diffidet) sunt ab ipso Christo, quantum ad institutionem, & collationem primariam (en aliis verbis jurisdictionem radicalem, incompletam) a Papa autem, & ab Ecclesia quoad limitationem, & dispensationem ministerialem (ecce vero jurisdictionem perfectam, atque completam).

II. Hujusmodi potestates sunt de jure divino, & immediate institutae a Christo.

III. Ex textu Evangelii, & doctrina Apostolorum habet

habetur expresse Apostolis, & Discipulis a Christo missis auctoritatem jurisdictionis fuisse collatam. Sed interest inter jurisdictionem Apostolis, ac Discipulis a Christo collatam, & illam, quam eorum confert successoribus. Apostolis nempe, ac Discipulis pro summa potestate sua extra Sacramentum contulit, licet cum ordine ad Sacramentum; nam etsi Paullum ipse per se Apostolum creaverit; voluit ut deinceps Episcopus per manuum impositionem ordinaretur. Successoribus vero illorum per Ordinis Sacramentum jurisdictionem hominum ministerio collatam vult.

IV. Dicere inferiorum Praelatorum potestatem jurisdictionis, sive sint Episcopi, sive Curati, esse immediate a Deo, Evangelicæ, & Apostolicæ consonat veritati.

Non dissimulo, in hisce propositionibus sermonem esse de Curatis, sed id ob eam causam, quod utraque de jurisdictione loquantur: de inchoata scilicet, quantum ad institutionem, & primariam collationem, de perfecta, & completa quoad limitationem, & dispensationem ministerialem. Ceterum tales olim usque ad Seculum XII. omnes erant Presbyteri, quibus vetus constabat Presbyterium: in sua nempe inauguratione alicui adscribebantur Ecclesiæ regendæ sub manu Episcopi, plenamque accipiebant potestatem, jurisdictionemque: & hanc quidem immobilem, ac stabilem, ut minime possent solo nutu, aut Episcopi arbitrio de gradu dimoveri (qui ritus in hodiernis etiam Parochis obtinet, qui nonnisi iudicio instituto, & pronunciata sententiâ possunt de Parochiali Beneficio deturbari). Ita contra nonnullos non indoctos viros diversa sentientes veteribus productis Canonibus censet Thomass. laud. superius loco. Sed ex quo invaluerunt Ordinationes vagæ, contra quas acriter disputatum est in Trid. pluribus afferentibus, iri obviam non posse malis, quæ in Ecclesiam irrepserant, nisi Canon Chalcedonensis instau-

auraretur, Ordinationes hasce proscribens, Presbyteri sic ordinati, speciali indigent deputatione, qua ipsis subditi conferantur, in quos jurisdictionem exercent. Jurisdictionem plenam, inquam, nam radicalem, & inchoatam, characteri affixam, amittere minime potuerant.

Hujus occasione disputationis illud in nos intorqueri audio. Cum nimirum vetus Presbyterium asseruerimus solis Animarum Curatoribus constituisse, id est Parochis, Parochos, quibus solis Animarum cura haesit, non Canonicos, qui illam diu jam abjecere, illi Presbyterio, ejusque juribus legitime successisse. Quod vere dici videretur, si vetus Presbyterium, Canonicosque antiquos sola Animarum cura constitueret; quod nonnisi falsissime affirmari potest. Nempe antiquitus non quis de Presbyterio erat, verusque Canonicus, quod Animarum curam gereret, sed quod de illo esset Clero, qui in corpus unum cum Capite Episcopo coalescebat. Nam & Parochi rustici Animarum curae erant addicti, nec in Presbyterio censebantur. Unica ergo Presbyterii nota haec erat plane, quod Capiti suo Episcopo velut membra adhaerescerent, licet pro temporum illorum disciplina Animarum gererent curam, quod *nata suppositio* accidisse censendum est. Id porro, non Parochis, sed solis Canonicis convenit, qui & olim, cum Animas curarent, & modo, cum hoc onus abjecere, unum cum Episcopo corpus constant. Neque ullus erit, qui hoc inficiabitur, si animum adverterit, quod soli Canonici, non Parochi, Episcopo e vivis sublato, vel renuncianti in Episcopali succedunt jurisdictione; non alia de causa, nisi quia, illius Capitis nativa sunt membra (*). Ce-

(*) Et quoniam hic sumus, praetermitti sine piaculo sequitur eximium Cardinalis de Luca testimonium, cuius

terum etſi Canonici hodierni miniſteriali, ut ita dicam, Animarum curae nuntium miſerunt, emine-
tio-

auctoritas in rebus ejuſmodi quanti facienda ſit norunt eruditi. Is ergo in *Adnot. ad S. C. T. Diſcur.* 31. n. 1. 2. 3. etiam Sede plena iuriſdictionem quamdam ha- bitualem Capitulo adſcribit: *Sede Episcopali vacante, de iure Episcopalis iuriſdictionis, atque Eccleſiae admini- ſtratio devolvitur ad Capitulum; non quidem ex aliquo privilegio, vel ſpeciali delegatione, ſed ex ratione iuris non decreſcendi; eo quia Eccleſia Cathedralis efformatur conjunctim ab Episcopo, & Capitulo; ab illo ſcilicet tamquam capite; ab iſto autem tamquam reliquo cor- pore, Eccleſiaſtica iuriſdictione, penes totum corpus HABITUALITER reſidente; exercitio autem in plu- riſque competente Capiti. Et poſt nonnulla: Et conſe- quenter deſecto Capite iure conſolidationis, vel ex iure non decreſcendi, univerſa iuriſdictione, ſeu totum jus Ca- thedraticum tam in HABITU, quam in EXERCITIO remanens penes Capitulum, tamquam reliquum Corpus Politicum; quod in hoc differt a corpore naturali, ut etiam ſine capite vivat, omneſque faciat operationes, quod in corpore naturali non datur. Omnia in hoc re- ſtimonio ad miraculum praeclariffima ſunt; ſed illud ſingulare, quod nullo ex privilegio, aut ſpeciali delega- tione juſ illud Capituli derivat; ſed ex natura ipſa, id veluti inſinuante, ut functiones eadem toti Corpori, Capiti ſcilicet, & membris tribuantur. Quae ratio tan- ti fuit, ut uſque ab ultima Chriſtiane Reip. origine ex- dem ſemper, & pene ubique diſciplina obrinuerit.*

Sed hoc cum dicimus, ecce neſcio quis nobis fortaiſſe negotium facieſſet, Viſitatores Episcopos in antiquitate ſat notos obtrudens, quibus viduae Eccleſiae commenda- bantur. Nam ſi Episcopo humanis rebus exempto Episco- pale juſ omne in Capitulum conſolidatur; quoniam Episcoporum iſtorum, quos Viſitatores, Interventores Latini, *επιſκοπιτῆρες* Graeci appellitarunt, partes erant denique? Sed id facile diſſolabitur, ſi animadverterimus La-
di.

torem tamen curam retinere. Si enim Episcopo in Pastoralis sollicitudine, sive consilio, sive consensu praesto esse debent, nonne id est nobiliori quodammodo, non unius Paroeciae tantum, sed Dioeceseos totius talem gerere curam, qualem gerit Episcopus ipse

disciplinam hanc, nec semper, nec ubique viguisset. In Africa IV. demum Seculo frequentes Visitatores fuisse Auctor est Augustinus epist. 163. de Unico Baptis. cap. 16. In Oriente venandi unquam nobis non sunt Visitatores Episcopi, ait Thomas, Part. 3. lib. 2. cap. 51. Viduarum ibi Ecclesiarum curam gerebat Metropolitani; neque id singulare; nam viventibus etiam Episcopis toti Provinciae is advigilabat. II. Visitatoris partes erant potissimae, ut novi Pastoris electio bene, & quam citissime succederet. Quod si intra annum hoc non perfecisset, facessere jubebatur, & novo Intercessor locum cedere. Carth. IV. can. 8. In Galliis obtinebat, ut propinquioris Ecclesiae Episcopus mortui Collegae procuraret funus, viduae Ecclesiae temporalem rem gereret, impensis in id opus septem, non amplius, diebus, in suam se mox reciperet Ecclesiam. Concil. Regense Can. 6. 7. III. Visitatorem curata oportebat, ne res Ecclesiae, quae abeunte e vivis Episcopo Laicorum, & Clericorum interdum direptioni patebant, qui mos tum pessime invaluerat, glisceretur, misere exsparentur: Si aliquis Episcopus interim obierit, Metropolitani ipsi Sedi Visitatorem secundum sacros Canones deputer, qui una cum Comite ipsam Ecclesiam, ne praedetur, custodiat. Carolus Calvus Capit. cap. 8. Denique Clero ipsi vel auctoritate sua in administranda Dioecesi auxiliares manus afferre, si quid forte sine Episcopali adiutorio expediri minime posset; vel certe illius negligentiam antevertere. Cujus rei vestigium aliquod in novissima superest disciplina: nam si Capitulum octo patiatur elabi dies, & Vicarium minime deputari, hujusmodi cura ex Tridentino vel ad Metropolitani, vel ad viciniorem Episcopum pro Ecclesiarum condicione devolvitur.

ipse? Recte Ludovicus Habert Cap. 7. de Parochiis
 Istorum. (Parochorum) potestas ad unum locum
 coarctata est, & honor imminutus, cum ante novam
 hujus regiminis formam, Parochiarum scilicet erectio-
 nem, cura eorum ad universam Dioecesim extenderetur,
 & eo honoratior essent, quo Episcopo conjun-
 ctiores, utpote ejus Consilarii, & Assessores
 ut Ecclesiae Cathedrali adscripti, qui a Patribus
 Trid. Sess. 24. Cap. 12. de Reform. dicuntur Sena-
 tus Ecclesiae, & eo titulo in Clero Dioecesano pri-
 mum locum obtinent. Totius rei summa huc redit
 demum. Ab Apostolicis usque temporibus Ecclesia
 Senatum habuit Presbyteris compactum Episcopo
 suo adfidentibus. Ignatius epist. ad Magnelianos.
 Hieronymus: habemus Senatum nostrum coetum Pre-
 sbyterorum. Sed Tridentinis Patribus loc. cit. fixum,
 ratumque est, hunc locum, hunc Senatum hodie-
 pos Canonicos implere. Hi igitur veteri illi Pre-
 sbyterio succedunt legitime, inque hos illorum ju-
 ra, ac privilegia hereditario quodam titulo trans-
 funduntur,

Haec cum affirmamus, non illud nobis propo-
 situm est, ut nostrates Canonicos contentione facta
 Parochis anteferamus, aut hos illis vicissim. Prae-
 ter enim quamquod verissimum est tritum illud,
Odiosa comparatio, est utrique ordini suus peculia-
 ris honor, prerogativae peculiares. Parochos anima-
 rum cura extollit, quae sane dignitatum summa
 est, quae supra mysticum Christi Corpus mortali
 homini conferri possit. Canonici itidem compluribus
 nominibus satis praecellunt, etiam postquam Ani-
 marum procuracionem abjecerunt, (nam quanti-
 diu illam retinuerunt Parochis nulla in re absimi-
 les fuere). Nam 1. Canonici sunt Episcopo-
 rum Consilarii super regimine, curaeque ipsius re-
 cta administratione. 2. Consilarii sunt non ad arbi-
 trium adsciti, sed ex necessitate, in multis saltem
 capi-

eorum , qui cum Episcopis Cathedrali Ecclesiae affigebantur , unde tanquam e specula universae imminerent Dioecesi . Eo factum est , ut Numidius Presbyter , forsan alicujus Ecclesiae Parochus , in coetum promoveretur Cathedralium Presbyterorum . Et alibi , nimirum Part. 1. lib. III. Cap. 8. §. 10. agens de Emeritensi Concilio , quod facultatem Episcopo fecerat Rurales Parochos in Ecclesiam Cathedrali suam transferendi , haec habet : *Quamquam pluris ad animarum salutem facienda videantur Parochi , quam Canonici : non temere tamen in hoc Concilio potestas sit Episcopis , ut transferre possint Parochos quoscunque praestantiores , & Cathedralis suae Canonici adnumerare , suspecto in eorum locum Parocho alio . Nec abstrusa magnopere , sed prompta , & expedita hujus rei ratio est . Nimirum Canonici veluti membra sunt , & oculi , manusque , & pedes Episcoporum , cumque eo constantur in Senatum unum , qui Dioeceseos universae moderatur gubernacula . Ne dubitari autem quidem potest , quin pluris intersit ad Reip. Christianae salutem & gloriam promovendam providentia haec generalis Ecclesiae , quam Parochiae cujuscumque particularis . Et ea etiam forsan ratione Canonico huic novo cura semper incumbit , & regimen Parochiae prioris , quid vere Canonici cum Episcopo invigilent , excubentque ad regimen universae omnium territorii Episcopalis Ecclesiarum .*

Hic finem facere constitueram , cum mihi obnuntiatus de aliquibus in exposita Presbyterii doctrina , utut innumeris auctoritatibus firmata non satis mihi consentientibus , perinde ac si Parochis injurius fuisset , quos Presbyterio expulerim . Ad istorum igitur gratiam ineundam , age & Parochos etiam quoquo modo fas est in Presbyterium admittamus : quod plane fiet , si pressius explicentur , quae in Opere edisserui (neque enim omnia tamquam imperitis lectoribus enucleanda tum censui) & quidem

distinctione una adhibita, quam mihi acutissimi ingenii Vir, atque ad conciliandas partes apprime comparatus Nicolaus Caldora S. T. M. in tempore suppeditavit Presbyterium quippe duplici notione accipi potest: altera quidem ampliori, ac Theologica potius; strictiori altera, eaque prorsus Canonica. Priori significatione Sacerdotes omnes, inter quos ob animarum curam dignitate Parochi eminent, comprehendit, Sacerdotes, inquam, quos Episcopus cum libuerit, ac quomodo libuerit, sacro applicat ministerio; posteriori vero solos complectitur Canonicos, qui Ecclesiae Senatum actu constituunt, ac proprie dictum Presbiterium, in quod vetustissimi illius Presbyterii jura, ac privilegia transfusa sunt, Clerumque exhibent universum quod ex saepe laudato Tridentino, aliisque Canonici juris sanctionibus apertissime colligitur. Postrema hac acceptione vel ipsa instituti ratio postulabat Presbyterium venire, cum non de Theologica characteris aequalitate, ac Ordinis praestantia Presbyterorum omnium, sed potius de ipsorum juribus, ac muneribus agerem, quae nonnisi per canones conferuntur.

Sed modo vela contrahamus. His igitur ita constitutis de radicali, incompleta, imperfecta jurisdictione Presbyterorum, ex ipso illorum characterе dimanante, a Deo ipso accepta, jurisdictione in adjutorium, ac subsidiaria, probe constabunt, ac procedent omnia. Nihil amplius perfectae jurisdictionis erit, quod ipsis non possit concedi salva Episcoporum Majestate, ac Dignitate, ac super ipsos praestantia. Jurisdictionis inquam, non quae exterius tantum respiciat forum, qualis minoribus etiam Clericis permitti potest extra ordinem, uti loquuntur (ne mulieres hic interferam, de quibus disceptant Canonistae propter Abbatissas nonnullas Episcopali jurisdictione praeditas, de quibus ipsos adi) sed maxime, quae forum Animae interiorius spectant,

&

& a charactere pendent. Immo, quae & characteri haerent Episcopali, ut collatio est Sacramenti Confirmationis, quod Presbyteri modo apud Graecos conferunt, nec Latinis denegatur facta a SS. Pontifice venia, ut praetermittam nonnullorum Theologorum opinionem, qui hanc facultatem Episcopos facere posse autuant, quae de re nihil pronuntio. Sunt enimvero Presbyteri in Mystico Corpore manus, sine quibus Episcopus, qui Caput est, nihil moliri, nihil aggredi, nihil potest expedire.

Nulla ergo sit in nobis mora, nulla incessat importuna religio, quin Presbyteros audacter pronuntiemus posse cum Episcopis, & sub Episcopis regere, pascere, comprimere, coercere, praeesse, judicare, leges condere, in Synodis pleno suffragio potiri. Sed de judiciaria in Synodis potestate, illud sedulo cavendum est, ne Presbyteros ibi iudices sedere cum Episcopis, ac de causis Dogmaticis pronuntiare posse asseramus vi ordinationis suae proprio, quae ipsos Episcopis pares in ferendo suffragio faciat: ac Episcoporum potestatem in ipsos etiam Presbyteros invitos, ac reluctantes enervet, perinde, ac si nequeat Episcopus leges ferre, quae ipsos teneant Presbyteros, & in ordinem redigant contumaces, sine illorum consensu. Id enim ex Aëriano errore consequitur, ac nuper Ecclesia sententiam hujusmodi, ut Ordinis Hierarchici subversivam proscripsit. Nimirum hoc etiam Jansenistae a Calvino, qui & illud ab Aërio mutuatus erat, accepere. Scitum est enim Constitutionis *Unigenitus* Refractarios quinque Episcopos Gallos, cum se numero impares agnoscerent, commilitones inter Presbyteros sibi supplementum scripsisse, quod Episcopis omnino aequales fecere, ut sic numero dimicantes, numero morigeros Ecclesiae Episcopos vincerent. Quod idem virus cum in Civilem Constitutionem a Galliae Comitibus concinnatam, Jansenistarum molitionibus, irrepsisset, dete-

xit, ac damnavit Fidei Assertor acerrimus Pius VI. datis in hoc argumentum ad Card. Rupefolcadium, ceterosque Galliarum Antistites doctissimis literis Apostolicis. Haec omnia deliramenta falsa omnino pronuntiamus, ac si quid potestatis, ac jurisdictionis in Synodis etiam Occumenicis Presbyteris asserimus, id omnino Ecclesiae largitati, ac concessioni acceptum ferimus, quae gradum considerans, quem in Hierarchia Presbyteri obtinent, jurisdictionem illam radicalem, incompletam, subsidiariam a Deo immediate collatam, de qua saepius supra, illam perficere, complere, augere benigne dignata est, & nonnunquam decisivo cum suffragio, quod & a Gersono traditum vidimus verbis in Parte 2. allatis, nisi hallucinamur.

Quae huc usque modo deduximus, ad Catholicae Fidei normam exacta censemus, nec a saniorum Theologorum sententiis abhorreere. Verum quoniam anceps est locus, Ecclesiae iudicio, quae columna est, ac firmamentum veritatis, omnia plane subijcimus.

F I N I S.

AMICO BENEMERITI

B. B.

Jura Sacerdotj dum prima ab origine ducis,
 Et vera illius munia quemque doces;
 Nil nisi communem Cleri jam poene labantis
 Causam agis, in proprio quem cupis esse gradu,
 Hinc tua, Vincenti, perdocta, ac plena nitoris
 E Clero quisquis carpere scripta volet,
 Se certe aut Latii prodet sermonis egenum,
 Aut proprii ignarum juris, & officii.

ERRATA.

CORRIGE.

Pag.	verf.		
<u>9.</u>	<u>19.</u>	Corinthiorum	Cerinthianorum
<u>11.</u>	<u>37.</u>	se	fed
<u>19.</u>	<u>32.</u>	tercentos	trecentos
<u>29.</u>	<u>12.</u>	<i>minus</i>	<i>manus</i>
<u>32.</u>	<u>19.</u>	Presbyteri	Presbyterii
<u>32.</u>	<u>21.</u>	<i>Clerici</i>	<i>Cleri</i>
<u>42.</u>	<u>25.</u>	sicut	fuo
<u>44.</u>	<u>6.</u>	una	unaque
<u>61.</u>	<u>18.</u>	apprime	firmando apprimo
<u>67.</u>	<u>3.</u>	Nicenae	Nicaenae
<u>78.</u>	<u>20.</u>	Num	Nam
<u>82.</u>	<u>10.</u>	viam	vitam
<u>83.</u>	<u>11.</u>	Eccleſis	Eccleſiis
<u>85.</u>	<u>18.</u>	Presbyteris	Presbyteri
<u>86.</u>	<u>17.</u>	fociatis	focietatis
<u>92.</u>	<u>15.</u>	Catalauneufis	Catalaunenſis
<u>92.</u>	<u>21.</u>	<i>epiſtola regia</i>	<i>epiſtolam regiam</i>
<u>93.</u>	<u>8.</u>	Quum	Quam
<u>99.</u>	<u>9.</u>	cum praefcri- ptum eſſet	praefcriptum erat
<u>103.</u>	<u>36.</u>	nonnullos	nullos
<u>104.</u>	<u>4.</u>	ſynodum	ſynodos
<u>121.</u>	<u>7.</u>	abs re	e re
<u>126.</u>	<u>28.</u>	Congas	longas
<u>130.</u>	<u>36.</u>	ed	fed
<u>133.</u>	<u>24.</u>	hypotheace	hypotheag

*Admodum Rev. Dominus D. Cajetanus Carcani
S. Th. Prof. revideat, & in scriptis referat. Die
24. Martii 1797.*

CAJETANUS EPISC. COMUN. V. G.
FRANCISCUS ROSSI CAN, DDP.

Eminentissime Praeful.

IN perlegendo Opere, cui titulus *Munera ac jura*
&c. non modo nihil quod sacra Religionis jura pro-
scinderet, deprehendi; verum omnia ad rectissimam
ejus normam, atque ad integerrimam morum disci-
plinam exacta, & absoluta occurrerunt. Adhaec Cl.
Auctor non imi subsellii sese probat tum in Cano-
num sanctionibus rimandis, tum veterum Patrum te-
stimoniis pensandis; qua duplici veluti *υποβαθ*; & ve-
tustam Presbyterii dignitatem, ac praestantiam con-
stabilire adnititur, & susceptam provinciam strenue
exornat. Cum igitur ab hujusmodi labore quam ma-
xime in rem Ecclesiasticam commoda abunde sint
profectura, opus jure typis mandandum censeo. Da-
tum Neapoli Decimo Kalendas Junias 1798.

Eminentiae tuae

Humill., & Addictiss. famulus
Cajetanus Carcani.

Attenta relatione Domini Revisoris, imprimatur
Die 25. Maji 1798.

CAJETANUS EPISC. COMUN. V. G.
FRANCISCUS ROSSI CAN DEP,

Reverendissimus Dominus D. Nicolaus Canonicus Ignarra in hac Regia Studiorum Universitate Professor Prim. vigore Regalis Diplomatis diei IV. mensis Martii infrascripti anni revideat, autographum enuntiati operis, cui se subscribat ut ante publicationem revideat, num exemplaria imprimenda concordent ad formam Regalium Ordinum, & in scriptis referat potissimum, si quidquam in eo occurrat, quod Regiis juribus, bonis moribus, ac Catholica Religioni adversetur. Referat insuper si opus idem publicæ non solum utilitatis, sed etiam decoris fore intueatur, & cum relatione autographum ad nos transmittat. Datum Neapoli ex Aedibus nostræ Residentiæ die XI. mensis Martii 1797.

FR. ALB. ARCHIEP. COLOSS. C. M.

OPus inscriptum : *Munera ac jura Presbyteris per omnes Ecclesiae aetates deducta a strenuo atque eruditissimo auctore elaboratum diligenti opera perlustravi. nihilque ibi offendi, quod cum juribus Regiae Majestatis colliditur, quamobrem typis vulgandum posse censeo.*

Nicolaus Canonicus Ignarra.

Die 13. mensis Decembris 1797. Neap.

Viso rescripto S. R. M. sub die 11. proximi elapsi mensis Novembris currentis anni, ac relatione Rev. Can. D. Nicolai Ignarra, de commissione Reverendæ Regii Cappellani Majoris ordinis prefatæ Regalis Majestatis &c.

Regalis Camera S. Clare providet, decernit, atque mandat, quod imprimatur cum inserta forma præsentis supplicis libelli, ac approbationis dicti Revisoris; Verum non publicetur nisi per ipsum Revisorem facta iterum revisione affirmatur quod concordat servata forma Regalium Ordinum, ac etiam in publicatione, servetur Regia Pragmatica. Hoc suum &c.

**TARGIANI. PECCHENEDA. BISOGNI.
V.A.R.C.**

**Ill. Marchio Mazzocchi P. S. C. & ceterarum
aularum Præfecti impediti.**

Ammora.

Izzo Canc.

Reg. fol. 24. a t.

(1)

GIUDIZIO

DELL' ILL. E REV. MONSIG.

D. EMILIO GENTILE

VESCOVO DI ALIFE

Sopra l' Operetta presente .



PRESBITERIO.

NEi secoli migliori niente poteva farsi dal Vescovo senza il Presbiterio nelle cose di maggior importanza : e perciò ciascuna Chiesa avea il suo Senato composto di Vescovo, di Preti, e di Diaconi della Città Episcopale, che si diceva *Presbyterium*, & *Synedrium*, e S. Ignazio Martire, scrivendo ai Magnesiani, lo chiamava *Senatum Apostolicum*, e scrivendo a' Tralliani *Consistorium Sacrum*. E perciò li Preti negli antichi monumenti della Chiesa si ritrovano scritti *Prapofiti*, *Prasides*, e *Anistites*. Non era ignota anche prima questa voce *Prasbyterium*, perchè l'avea usata S. Paolo nell' *ep. I. a Tim.* Erano allora quelli del Presbiterio col Vescovo al dir di S. Girolamo nel *Comm.* alla lettera dell' Apostolo a Tito come li 70. Giudici con Mosè nell' antica legge.

In questo Presbiterio, ch' era formato a modo di semicerchio, come il nostro Coro, sedeva in mezzo il Vescovo in luogo più alto, attorno sedevano li Preti, e li Diaconi stavano in piedi. Li Preti avevano li ministeri più nobili nella Chiesa maggiore del

del Vescovo, e nella Chiese inferiori come delegati, prima d'istruirsi li Parrochi, ch'ebbero poi la facoltà ordinaria, li quali Parrochi dall'istesso Presbiterio furono prescelti.

Cresciuto il Clero nei tempi susseguenti, furono dal Vescovo eletti per lo Presbiterio alcuni solamente del Clero. Ed a questo Presbiterio detto altrimenti Senato, o Consistorio, spettava la Prefettura, e la sollecitudine nel governo della Chiesa anche dopo la morte del Vescovo, come ora l'ha il Capitolo della Cattedrale successore di quel Presbiterio, detto *Clerus Ecclesie* a differenza del Clero in generale. Anche la Chiesa Romana ha avuto, ed ha tuttavia il suo Presbiterio, o sia Consistorio, che ora si compone dal Papa, e dai Cardinali Vescovi suburbicarij, dai Cardinali Preti, dai Cardinali Diaconi, secondo li diversi titoli delle Chiese, alle quali sono incardinati.

Passò quindi l'autorità del Presbiterio al Capitolo della Cattedrale nella età posteriore, che sembra fosse stata il Secolo XI., dopochè li Titoli de' Beneficj, e delle dignità per la nuova disciplina, già introdotta circa il Secolo IX., e X., furono conferiti separatamente dall'Ordinazione, che prima si ottenevano nell'istessa Ordinazione, onde nell'antica disciplina *aliquando absolute Beneficia vocabantur Ordinationes*; come scrive l'eruditissimo Francesco Florentino in *Oper. jurid. Tom. 2. ad lib. 3. Decretal. tit. 5. pag. 195. in prefat. vers. Canonice vero*. Perciò il Capitolo della Cattedrale in corpo precede tutt'i Corpi Ecclesiastici, e gli Abati medesimi; e li Canonici da Innocenzo III. nel *cap. sede vacante de Rescript.* si dicono *Clerici primi Ordinis*.


Il detto nuovo Presbiterio, cioè il Capitolo della Cattedrale, negli antichi tempi non era addetto al Canto, il quale si adempiva da quelli, che si di-


cevano *Cantores*, ed erano Chierici inferiori; e si assunse poi dal Capitolo per un'uso santo, prescritto anche dai Sagri Canonici, inferiore però all'ufficio nobilissimo dell'antico Presbiterio. E questo ufficio di Cantori è rimasto in Roma presso li Canonici delle Basiliche principali senza Presbiterio, che si forma; come ho detto, dal Papa, e da' Cardinali.


Francesco Florente nel luogo citato, *Bingamo lib.2. Orig. Eccles. Cap. XIX. §. 14.*, *Van-Espen. in Jur. Eccl. univ. Tom. I. P. I. Tit. VIII. Cap. 1. e 2.* Cabassuzio nella *Notizia Eccles. del Sec. II. Disfert. 8. p. 40. e 41.* E brevemente, ma eruditamente ne parla anche Cavallaro ne' suoi dottissimi elementi del *Dritto Canonico Part. I. Cap. 17.*

Non dicono un errore dunque li Parrochi secondo l'antica disciplina, allorchè nel tempo medesimo erano Parrochi, e Canonici. Ma nella nuova ha ragione il Capitolo della Cattedrale, secondo la qual nuova disciplina il Presbiterio, come ho detto, si forma dal Capitolo della Cattedrale col Vescovo; sebbene non con quella unità antica di capo, e membri, che col passaggio del tempo si è sciolta, onde molti negozj dipendono ora dalla sola autorità del Vescovo, altri ricercano il consenso, ed altri il consiglio del Capitolo, come ben dice il Dottissimo Autore dell'Opuscolo, scritto con somma erudizione, ed accuratezza.

VAI 1532121







165.
14.
8.



